



Здравствуй, весна!



9.2018



Снимокъясыс **Юрий Лисовский**лӧн.

ПЕТӖ 1926 ВОСЯНЬ

ЛЭДЗӖНЫ: КОМИ РЕСПУБЛИКАСА ЮРАЛЫСЬЛӖН АДМИНИСТРАЦИЯ,
КОМИ РЕСПУБЛИКАСА ГИЖЫСЬ КОТЫР

ВОЙВЫВ КОДЗУВ



ISSN 0134-4323

БЫД ТӖЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

9 (861)
КӖЧ (СЕНТЯБРЬ)
2018

ТАЙӖ НОМЕРЫН:

А.В. УЛЬЯНОВЛЫ — 65

ЧолӖмалам! 3
Александр УЛЬЯНОВ. СьӖд-еджыд ар. Пьеса 4

ВУДЖӖДӖМЪЯС

Эйно ЛЕЙНО. ВӖрын олысьлӖн сыланкыв. Кывбурьяс 50

И.Т. ЧИСТАЛӖВЛЫ 125 ВО ТЫРИГКЕЖЛӖ

Елена ЕЛЫЦОВА. «Некод эз вӖв сысысь вевтыр...» 55

Иван ТОРОПОВ. Регыд дас квайт... 63

12+

Обложка вылын снимокыс Юрий ЛисовскийлӖн.

© «Войвыв кодзув» («Северная звезда»), 2018 г.

СЫКТЫВКАР

СЕВЕРНАЯ ЗВЕЗДА



**Ежемесячный
литературно-художественный
журнал**



Учредители:

АДМИНИСТРАЦИЯ ГЛАВЫ РЕСПУБЛИКИ КОМИ

**«СОЮЗ ПИСАТЕЛЕЙ РЕСПУБЛИКИ КОМИ» - РЕГИОНАЛЬНОЕ
ОТДЕЛЕНИЕ ОБЩЕРОССИЙСКОЙ ОБЩЕСТВЕННОЙ ОРГАНИЗАЦИИ
«СОЮЗ ПИСАТЕЛЕЙ РОССИИ»**



Издатель:

АУ РК «ИЗДАТЕЛЬСКИЙ ДОМ КОМИ»

ДИРЕКТОР ПЛЕТЦЕР Е.В.



РЕДАКЦИОННАЯ КОЛЛЕГИЯ:

Главный редактор

ПОЛУТРУДОВ А.В.

Ответственный
секретарь

КИЧИГИН И.Н.

УЛЬЯНОВ А.В.

УЛЯШЕВ О.И.

ЛИМЕРОВА В.А.



Чолөмалам!


*Пыгди пуктана Александр
Васильевич!*

*Чолөмалам Тэнö, гижысь ёр-
тöс, Россияса гижысь котырö
пырысьöс, тöдчана журналис-
тöс тшупöда пасөн, 65 арöсөн!*

*Том мортөн, Коми пединс-
титутын велöдчигөн на, тэ вö-
чин медводгза воськовъяс лите-
ратураö да эн нин кежлы бөр-
йöм туйвизысь, лоин нималана
гижысьöн да журналистөн.*

*Тэнад висътъясыг, повесътъ-
ясыг, очеркъясыг джуджыг мөв-
паöсь, Тэ кужан тэрмасьтöг
восьтыны лыддьысьысь водзын
паськыг олöмыслысь туйвежъ-
яссö, пырöдчыны коми мортлөн
пытшкöсса олöмö, восьтыны сылысь этшö да сямлунсö. Ас-
лад зумыг гижöдъясын тырвийö петкöдлн коми мортлысь
оланногсö, сылысь тöжг-могсö да сёлöмкылöмсö.*

*Сиам Тэныг, Александр Васильевич, и водзö вылö бур
дзоньвидзалун да выль вермöмъяс гижан уджын. Мед аския
луныс ваяс Тэныг югыг лача, мед Ен сетас уна вын да сям
лöсьöдны уна тыр-бур выль гижöг!*



**Коми Республикаса гижысь котыр,
«Войвыв кодзув» журнал редакция.**



Александр Васильевич Ульянов (Паиш Вась Ёльёксан) чужис 1953-өд вося сентябрь 9-өд лунё Кулёмдінын. Помаліс Дереваннойса шөр школа. 1971-75 воясын велөдчис Коми государственной педагогической институтын филология факультетын (коми группа). Помалом бөрас 1980-өд вося июньөдз корреспонденталис «Красное знамя» газетын, сэсса вуджис «Югыд туй» (өні «Коми му») газетö, көні юрнуөдіс отделөн да вөлі редакторөс вежысьён. 1985-1987 воясö велөдчис Ленинградса вылыс тишупöда партийной школаын журналистика юкёнын. Велөдчөм бөрас уджаліс редакторөс вежысьён «Югыд туйын». 1988-1989 воясö юрнуөдіс КПСС обкомын печать юкёнон. 1989-1992 воясö веськөдліс «Югыд туй» газетөн, сэсса вуджис «Войвыв кодзув» журналö редакторөс вежысьён. 1994-1999 воясын вөлі Коми книжной издательствовын директорён. Та бөрын 2001-өд воөдз зіліс «Эскөм» издательствовын, веськөдліс «Би кинь» журналөн. 2003-өд воын бара локтіс редакторавны «Коми му» газетö. Газет подув вылын 2004-өд воын котыртчис холдинг (өні «Коми йөзөдчан керка»), кодөн Александр Васильевич веськөдліс 2011-өд воөдз. Сэсса петіс творческой удж вылө, а 2013-өд вося арнас локтіс уджавны «Войвыв кодзув» журнал редакцияö.

1987 воын «Сельская жизнь» газетлөн конкурсын Александр Васильевич босьтіс мөдөд премия «Сказки бабушки Соломони» очеркысь. Гижөдъясыс петалисны тишөти «Парма гор», «Дзиръя öшинь дорын» öтувъя сборникъясын, «Наш современник» (Москва), «Север» (Петрозаводск), «У сем» (Марий Эл), «Луч» (Удмуртия), «Дон» (Ростов-на-Дону) журналъясын да Россияса мукөд литературной альманахын. А.Ульяновлөн петалисны «Сьөд ар»(1992), «Изъя чой»(2001), «Выль керка»(2003), «Олөмыдлөн пыдöсыс оз тыдав»(2013) прозаа небöгъяс. Роч вылө вуджөдөмөн «Деревенька моя»(2007) да «Глубинка»(2007) висът чукöргяс. 2015 воын Йошкар-Олаын петіс мари кывйөн «Тора ял» («Ылыс сикт») небöг.

Александр Васильевич — Россияса гижысь котырö да Россияса журналист котырö пырысь, уна во «Войвыв кодзув» журнал редколлегияын. Пасйöма Россияса журналист котырлөн дипломъясөн, нёлысь вермыліс «Эзысь борд» конкурсын публицистика юкёнын. 2010-өд воын вермис Коми Республикаса журналистъяс пöвстын «Признание» конкурсын «Золотое перо» юкёнын. Журналистикаын Коми Республикаса Правительстволөн Премия лауреат (2008), И.А. Куратов нима Коми Республикаса Правительстволөн Премия лауреат (2014), Коми Республикаса Заслуженной уджалысь.

А.Ульянов зводитіс гижан уджсö кывбуръяссянь, сэсса вуджис прозаö. Лыддьысяслы вöзъям тöдмасьны «Сьөд-еджыд ар» пьесаён, драматургия жанрын Александр Васильевичлөн медводдза гижөдөн.

Александр УЛЬЯНОВ

Сьөд-еджыд ар

КЫК ЮКÖНА ПЬЕСА (ДРАМА)

ВОРСЫСЬЯС:

ПЕДÖР МИШ — Шорйыв сиктса олысь, 40 арöса кымын.

НИНА — сылөн ыджыдджык чой.

ЛИДА — Мишлөн шөркост чой.

ВАСЬ ПЕДÖР — налөн бать.

ОПОНЬ МИКОЛ — Мишлөн öттшөтшъя, сиктса олысь.

ПЕТЫР ВАСЬ — Мишлөн челядырся ёрт, олö-уджалö карын.

МА ВАНЬ — сиктса öтка олысь, гөтыртөм, арлыда нин.

ПОШТА АННА — олöма ань, коркö пошта разöдлöма.

ЕДЖЫД ЮРА ВАЛЯ — Шорйылын чужлөм ань, том ныв-баба.

ПЕЛЬШÖР МАШÖ — вöвлөм пельшөр, Ваялөн мам.

ШОРЙЫВ СИКТСА МУЖИКЪЯС ДА АНЬЯС — вит-ö-квайт морт.

МЕДВОДДЗА ЮКӨН

Первой петкөдчөм

Ывла вылын букуш ар. Зэра да көдзыд. Шорйыв сикт быттьо вөйөма пемыд гуо. Но Педөр Мишъяслөн керкаын войбыд öзйö-ломзьö югыд би. Сылысь батьсö, Вась Педөрöс, талун нуисны сиктбердса мича ягö, а öнi бөръя туйö колльöдысьяс чукөрмöны керка пытшкö, пөрччысьöны да öти бөрся мöд пуксялöны кузь пызан сайö, мед казтыштны мöдаръяугыдö мунысьöс. Танi жö бергалöны Педөрлөн нывъясыс, Нина да Лида. Мыччалöны пызан сайö пуксялысьяслы тасьтi-пань, пöсь шыд, пачводзын шöралöм сьöд да еджыд нянь, карысь вайöм калбас, жаритöм чери, сола тшак, капуста, пуöм картупель да мукöд сёян- юан.

НИНА (*корöмөн шуалö керкаö пырысьяслы*). Пырöй, пырöй вай да пуксялöй пызан саяс, гу кодйысьяссö водзö лэдзöй, квайт час асывсянь кынмисны, коньöрьяс, зэр улын. Казтыштöй батьнымöс, бур йöз. Аттьö ставныды локтöмсьыныд да Вась Педөрöс пыдди пуктöмысь...

ЛИДА (*зiля отсасьö чойыслы, öттишöтш шогпырысь висьтасьö пызан сайö меститчысьяслы*). Энö дивитöй, гашкö, мыйкö да не сiдзи. Асьныд тöданныд, кымын нок усьö морттö мöдаръяугыдö колльöдiгөн. А талун батьнымöс дзёбöма лои... Шуны кө нин сiдзи, миянлысь бөръя пыкöд гажа ягö катöдiм. Ойя дай ойя!..

НИНА (*тувкйöдглö вокыслы бокас*). Эн зунясь сэнi, вай мыйкö шу йöзыслы. Тэ öд миян öти мужик колин... Винасö кисьталöма нин со...

ЛИДА (*вокыслань жö бергöдчö*). Мый мөжган, Мишö? Узян али мый пызан саяс?

ПЕДӨР МИШ (*чойясыслы*). Мыйла узя? Дыдганныд сэнi öтвылысь. Час, мыйкö шуа, дерт, час, мыйкö пычикта на...

НИНА. Кывтö нылыштiн али мый?

ПЕДӨР МИШ. Эг бара-й нылышт... (*Сувтö пызан сайын, мыкталiг висьтасьö.*) Ми талун катöдiм Гажаягö миянлысь батьнымöс, Вась Педөрöс. Мортыс эз лёк вöв... Война пыр мунис да сы бöрын сэсся нэмсö колкоз-совкозын мырсис тшöтш. Миянöс, куим чоя-вокаöс, мамкöд öтвылысь быдтiс-велöдiс. Öти-лы да мöдлы нэмсö отсасис да. (*Вазьöм синсö чышкышталö, пурскö нырнас.*) Мед жö сылы чужан муным лоö гөн кодь небыдөн, а Шорйыв сиктса йöз бур кывйөн казтыласны Вась Педөрöс... Та вöсна, гашкö, вай и юамöй...

Пызан сайын пукалысьяс кутчысьöны стöкан-стопкаясö, довкйöдлöны юрнаныс. Воча шуалöны:

- Казтыштамö вай авъя морттö...
- Шоныдiн да югыдiн сылы...
- Бура мед узяс-шойчас батьныд, Вась Педөр...
- Нэмсö му-видз бердын тiльсис-мырсис да...
- Бласлö Кристос, эз ёна и вись мортыд...
- Миянöс тай Енмыс некыдзи оз босьт-а...
- Быдөнöс месытитас-идралас, дитюкъяс...

ЛИДА. Босьтас, босьтас. Коркö ставнымöс босьтас. Кык нэмтö пö некод на абу овлöма...

НИНА. Бать мян таdzi шулывліс. (*Довкнитö юрнас чойыслань.*) Быттö сьölöмнас кылöма, мый олöм помыс тыдалö...

ЛИДА. Кылöма тай, коньөрöй. (*Чурснитö-юö стопкасыс.*) Ассыс помсö водзвыв тöдöма-арталöма.

НИНА. Морт сьölöмыд öд абу из, быдторсö терпитö-пыкö, но коркö и сылы пом овлö...

ОПОНЬ МИКОЛ (*паньыштö пöсь шыг да пыгісянь ышлолаліг сувтö, висьтасьö Вась Педөрлөн пи-нывьясланьыс сетчöмөн*). Батьнытö ме тiянысь нэм чöж тöдлі. Орччöнкodь быттö и олiм. А Мишöкod ми (*довкнитö юрнас Педөр Мишлань*) öти классын велöдчим, шөр школа помалiм тшöтш. Сэсся олан туйясным разi-пельö мунісны. Ме мян совхозын мöдi уджавны, а сійö орчча лесопунктö пырис, вөр овмöслань сетчис. Бөрья кадас, киссытöдзыс, сэсся сельпоын шопераліс. Батьнытö сöмын бур кывйөн казтыла. Мыйөн вермис, сійөн и отсавліс йöзлы. И эз öтнамлы меным. Быдөнлы, позьö кö сідз шуны, сьölöма морт вöлі. Сöмын тай со мянöс эновтiс, дзик виччысьтöг эз ло... Код дорö ме сэсся сёрнитны-варовитны мöда кежавны, удждысьлыны да? Сё лешак тай... (*Шлюккö-бöргдзö, чурснитö кисьтöм курыдторсö. Юöны и мукöдыс.*) Мед пожöма ягса муыс батыдлы лöö гөн кодь небыдөн...

ПОШТА АННА (*здук жежлö пырöдчылö сёрниас*). Сідзи, дзик сідзи, дона морт... Гөн кодь небыдөн да батындылы лöсяланаөн. Мед нöшта эз дивит мянöс став вöвлöмторсыс. Бурөн казтыліс пи-нывьяссö да сиктса йöзöс...

ПЕТЫР ВАСЬ (*сувтö пызан сайысь*). Ме эськö нэмсö карын ола-уджала, но Мишкöд велöдчылiм коркö öтлаын, батысö бура тöдлі и. Помнита, ичöтдырйи уси трактор додь вылысь турун сөвтігөн, да батыс, Вась Педөр, менö, коньөрöйöс, ки вылас горт йөрöдз вайöдіс. Музгыльтсьöма кокöс. Сюраліс, дерт, гортсаяссянь ышмöмсьыд, но Мишлөн батыс сэки менö ёна дорйис, быттö аслас пи дор сувтiс... Вай тайö бур морт вöснаыс, гашкö, и юыштам. (*Лэптö вина стопкасö да гулькнитö-пөрöдö сійöс.*)

МА ВАНЬ (*чöv олыштöм да öти-мöдкöд ас костас варгыштöм бöрын сувтö*). Вась Педөрöс вель важөн тöда. Нэмсö сиктаным олiс-выліс. Мырсис, кыз шуласны, пöсь петмöныс колхоз-совхозад. Коркö, бура важөн нин, корлі морттö пес пөрöдны. Мися, пыксыны, гашкö, кутас. Эз öд вомав-петитчы, кöть арлыда нин вöлі, ассыс «Дружба» пиласö на босьтiс-кыскис мыш вылас. Кайим Чуляшор бокö, гашкö, быдса час шлапсьöдiм сэтчöдз да. (*Висьталігас азыма-яра öвтчö пызан весьтын кыкнан кинас.*) Воим, сідзкö, пөрöдчан местаöдыд, пуксим лолыштны, видзöдам да, пилитчынытö нинöмөн. Чепъястö гортас кольсьöма. Сё лешак, кык йöй! И Вась Педөр öд гортöдыс котөрөн лэччыліс, вунöдöм чепъястö вайис. Сы отсöгөн, кöть сёрмыштöма лой, пес вылад прамöй уна пу на пөрöдiм. Мамö менам, сэки ловъя на вöлі, кинас весиг шлапöдіс: ок, пö и ёна дорйис мянöс Вась Педöрыд. Со кутшöм морт муніс мöдарьюгыдас... (*Кылöглö тыра стопкасö ас весьтас.*) Бур батынд вöсна вай и чурснитам-юыштам курыдторсö.

Ставөн юöны-сёйöны, öта-мöдныскöд сёрнитöны. Кодкö вазьöм синсö чышкышталö, кодкö чöv олö аслас думъясö вöйтчöмөн. Коставлыштлöм бöрын, сьöкыда ышлолаліг, кыпöдчö Пельшөр Машö.

ПЕЛЬШӨР МАШӨ (*лөсьодалө юр вывсьыс сьод чышъянсө, вом дорсө чышкышталө, сэсся тэрмасьтөг заводитө висьтасьны*). Фёдор Васильевичкөд ми во комын-нелямын тодсаөсь. Бура помнита, кор Куломдинсянь том нылөн Шорйылө мөдөдісны пельшөравны, Носим перевозсянь колкоз машинанас көлуйөн и быдөн Вась Педөр менө сиктөдзыс вайліс на. Сулала Эжва ю дорас, ог төд, кодарө мунны-сетчыны. Ачым дзик мөдлаысь, Висер вожысь да, кысь-мый төдан. Видзөда, кузола машина дзижгөлөктө. Киөс лэпти, а руль саяс пашкыр уска морт пукалө, нюмъялө меным вомтырнас. Мися, Шорйыв сиктөдз лэччан он? Лэчча пө, вочавидзө. Петалис кабинасьыс да отсалис на көлуйөс сөвтны. Тадзи и төдмасим шань мортыдкөд... (*Пурскө нырнас да чышкалө чепөсйөм синвасө.*) Сэсся Валентина гөтырыскөд быдса дас во отлаын уджалім сиктса медпунктын. Ме пельшөралі, а Валя меным отсасис. Санитарка пыдди. Авъя да ыджыд сьолөма морт вөлі Васильевичыд, позис на, дерт, сылы олыштны таладор югыдас. Но кысь нө төдан, кор тэнө Енмыс ас дорас коралас?.. Казьтыштамө вай бур ногөн Вась Педөрөс. И кызди война пыр мунысьөс, и кызди авъя да мича оласнога мортөс... (*Юыштө стопкасьыс курыдторсө да бөр пуксьө, килутшинас вешталө-косөдө ылькнитөм синва войтъяссө.*)

Кузь пызан сайын сёйысь-пукалысьяслөн гөлөсьясныс вочасөн горзьоны, найө өта-мөд вежмөн висьталөны, кутшөм төлка-вежөра да шань мортөн вөлі керкаса көзяиныс, Вась Педөр...

НИНА (*синнас кытшовтө пызан сайын чукөрмөм сиктсаясөс да сөгласа довкйөдлө юрнас*). Бать мян татшөмөн, дзик татшөмөн вөлі, кутшөмөн висьталанныд быдөн. Мыйкө кө лоөма-керсьөма, морттө оз пельөсө топөд, тшельө суй, а дорйыны уськөдчас. Вермө көть оз вермы отсавнысө...

МА ВАНЬ (*гажмыштөма да педзө-жөдзө лабич помын, оз нин сувтлы пызан сайысь*). Мися, коркө тай Чуляшор боксянь пила чепъясла гортөдзыс лэччыліс. Эз бара-й дышөдчы шань мортыд. Та бөрын сэсся унаысь на дорйыліс менө. То Важ Эжваысь кыйөм черитө сетыштас, то сьөмтө удждылас, кор мужикъяскөд горшным тачкө. (*Клопнитө-юө стопка тыр водка да камгө пызан пөвйө.*) Прамөй морт муніс мян дорысь, ок, прамөй! Гежөда чужлө татшөмыд. Збыль пронтөвик, лешак машина!

ПЕЛЬШӨР МАШӨ (*пукалө Ма Ванькөд орччөн, чушнитө-тувкйөдлө гажмөм мортыдлы бокас*). Эн вай тані камөдчы шоглунас. Коддзин кө, пет пызан сайсьыс да гортад мун...

МА ВАНЬ (*горйысигмоз*). Ме өд эг лёкногысь камгы, Машө, а став сьолөмсянь. Так сказать, от избытка чувств и большого горя. Гөгөрво менө!

НИНА (*пукалө воча да казялө Пельшөр Машөлысь скөрнога пыркнитчөмсө, зильө лөньөдны зык-венсө*). Эн, Маша тьöt, пиняв талун Ма Ваньсө. Найө мян батькөд зэв на и лөсявлісны. Бурджык висьтав, кызди олан-вылан, мый выльыс тэнад.

ПЕЛЬШӨР МАШӨ (*вешйыштө Ма Вань дорысь да кыпөдө видзөдлассө Нина да Луга вылө*). Мый нө пенсионерыдлөн выльыс вермас лоны? Горт гөгөр пыр нокся, тулыснас пуктыся,

арнас, Енмыс кӧ сетыштас, воӧмасӧ йӧрысь чукӧрта. (*Пыдисянь ышловзьӧ.*) Тадзи лун бӧрся лун и кывтӧ.

ЛИДА (*Нина чойсӧ панийӧмӧн*). А Валя нылыд нӧ кӧнӧ-мый? Карын, буракӧ, вӧлӧ олӧ-вылӧ? Век на пельшӧралӧ мамыс моз?

НИНА (*сьӧд чышъянсӧ юр вывсьыс лӧсьӧдыштіг*). Ме сійӧс сӧ во нин эг аддзыв, еджыд юра Валятӧ. Миян сиктса уна зон-лӧн сы вӧсна сьӧлӧмыс косьмис. Важкодъыс на, тыдалӧ, мича да лэчыд кывъя?

Пызан сайын пукалысьяс азыма варгӧны-сӧрнитӧны ӧта-мӧдныскӧд, сӧйӧны-юӧны, бур кывйӧн казътылӧны Вась Педӧрӧс, олӧма бабаяс сук тшай ырскӧны, оз вунӧдны таӧдз чолькнитны стӧкананыс нелямын тшупӧда курыдторсӧ. Мужиколов петалӧны кильчӧ помӧ шпуткыны-куритчыны, жӧдзӧны ӧтарӧ-мӧдарӧ. Унджыкыс прамӧя гажайсӧ нин.

ПЕЛЬШӦР МАШӦ (*здук-мӧд чӧв олӧ, мыйкӧ мӧвпалӧ*). Миян Валялӧн олӧм-вылӧмыс тувсов йи моз жугласис-чегъясис. Яндзим, дерт, танӧ висътавнытӧ, но юксис сійӧ верӧсыскӧд. Кисӧ вӧлӧм лэпталӧ, юӧ-кодалӧ, кок шонтысьӧс бокрын лӧсьӧдӧма. Кык тӧлысь сайын карсянь гортӧ локтӧсны, Наста нылыскӧд ӧнӧ ме ордын олӧны.

НИНА (*чуйӧмпырысь*). Сӧ дивӧ тай! А мӧдар боксянь кӧ, тайӧ, гашкӧ, и бурланьӧ да. Валяылӧн став олӧмыс водзын на. А нылыслы нӧ кымын арӧс?

ПЕЛЬШӦР МАШӦ (*муртса кезлӧ нюммулӧ*). Дас ӧти нин тыри. Нельӧд классын велӧдчӧ.

ЛИДА (*ошкана*). Ыджыд нин тай, он и тӧдлы, школа помалас да баб-мамыс моз пельшӧрӧн лӧӧ. Гашкӧ, и врачӧ на оз тусьыд велӧдчас.

ПЕЛЬШӦР МАШӦ (*ӧвтыштчӧ кинас*). Гашкӧыд пӧ кашкӧ. Сэтчӧдз уна ва на кыалас. Кыдзкӧ-мыйкӧ, Ен отсӧгӧн, быдтыны-велӧдны ичӧт морттӧ колӧ.

НИНА (*збоя, быттьӧ ставсӧ водзвыв тӧдӧ*). Быдмас, быдмас кык бур ань костада. А сэтшӧм-татшӧм верӧсьяссьыд некутшӧм тӧлк ни слӧй. Кага вӧчасны да уйкнитны видзӧдӧны. Ни гӧтыр, ни челядь понда налӧн юрныс оз висъ...

ПЕЛЬШӦР МАШӦ. Ме ӧд кымынысь шулӧ Валялы: мися, абу прамӧй морт Сергейыд тэнад, синмыс ӧтарӧ-мӧдарӧ бергалӧ, вина стопкатӧг пызан саяд оз пуксьы. А нылӧй ассъыс дольӧ: петӧ пӧ сы сайӧ, да быть сӧсся ов. Со и олӧс-мырсис кымын во. Торйӧдчӧмныс, гашкӧ, и бур вылӧ да. Кысь нӧ ставсӧ тӧдан? (*Лӧсьӧдчӧ петны пызан сайысь.*) Мӧдӧдчыла сӧсся гортлань. Батънытӧ казътыштім, уна бур кыв шуим. Мед ягса муыс лӧӧ Васильевичлы гӧн кодъ небыдӧн.

ЛИДА (*кыпӧдчӧ жӧ пызан сайысь*). Ме, час, колльӧдышта тэӧӧ, Машӧ тьӧтка.

НИНА (*Пельшӧр Машӧлы*). Привет висътав Валяылӧ. Аски вай пыралӧй сыкӧд мияӧӧ. Тшай кӧть ӧтлаын юам лэччытӧдз, сӧрнитыштам, том каднымӧс казътыштам. Дыртӧ эг аддзыв да, гажӧй дзик бырӧма.

ПЕЛЬШӦР МАШӦ (*орчча жырйӧ петӧгмозыс*). Пыралам, пыралам. Висътала приветтӧ Валялы. Гашкӧ, нывсӧ на аскӧд босът-лам. Мед карсаыд тӧдмасъ сиктса олӧм-вылӧмнас.

ЛИДА (*топöдлө ас бергас Пельшөр Машöс*). Аттьö волöмсьыд да баттьöс бур кывйöн казтыштöмьсь.

ПЕЛЬШÖР МАШÖ (*вештышталö чужöм вывсьыс синва войтъяс*). Аслыныд сё пасибö ставсьыс! Со кыдзи дасьтысьöм-ныд.

Ньöжйöникöн петö керка жырйись, көнi пыр на пукалöны Вась Педöрöс гуалысь-колледысьяс. Налöн гөлöсьясыс вочасöн горзёны и горзёны. Öткымынöн дзикöдз гажмöмаöсь. Ызгöны-бызгöны, висьталöны эмсö и абусö, кодсюрö оз нин и казтыштлины Вась Педöрöс. Мый йылысь кө, коддзöмаöсь да, кинаныс öвтчиг, азыма варгöны ас костаныс Ма Вань да Пошта Анна.

ПОШТА АННА. Мый нö тэ, Ваньыс, нэмтö öткөн олан? Абу öмöй гажтöм?

МА ВАНЬ (*койыштö паськыд вомас водка тыра стопка да нянь тор усыштö*). Абу на меным невестапуыс чужлöма да. Кор чужас, сэки и гöтрася.

ПОШТА АННА (*ньюмъялö-сералö пиньтöм вомнас*). Сэжитö сёр нин лö. Дзикöдз пöрысьман-бонзян. А ме мöй тэныд ог лöсая? Абу на дзик дзöрысь, ас көкөн ветла-тюрьяла. Быдлатi на шылыд и. (*Лöсьöдышталö кыкнан кинас кос нёнъ увьяссö*.) Майбыр, ставыс ас местаын...

МА ВАНЬ (*чуймöм-шензёмпырысь гзоргö Пошта Анна вылö*). Ставыс тай эськö да...

ПОШТА АННА (*петö пызан сайысь да корö ас бöрсяыс Ма Ваньöс*). Лок, Ванюк, зымкнитлам көкъясöн, йöктыштамö кыкөн.

НИНА (*скöрысь чепöсйö Пошта Анна дорö*). Мый нö тэ, Анна, дзикöдз йöймин? Вежöрыд гудыртчис? Ме, час, тэныд йöктышта и сылышта. (*Кватитö Пошта Аннаöс шошаöдыс да турки-тарки петкöдö кодгзöм нывбабаöс ыркыд посводзö*.) Со танi пальöдчышт да сэсса гортад мун. Тырмас тöкаритнытö. Абу миян танi празник.

ЛИДА (*матыстчö чой дорас*). Усьмөнныс юасны да... (*Горöдö воыслы*.) Мишö, вай Ма Ваньсö горт дорöдыс колльöд. Дзик сулик код жö тай.

ПЕДÖР МИШ (*чеччö пызан сайысь*). Сусед морттö быть колльöд. Кор ме сйöс, кор сйö менö... (*Ма Ваньлы*.) Ю бöръя стопкасö да лок петам. Тырмас талун кежлö.

МА ВАНЬ (*гажаа гöрглө*). Бöръя стопкасö пö... Тадзитö некор оз шулыны. Бур йöз пö предпоследнейöс юлöны. Гөгөрвоин Иван дядьсö?

ПЕДÖР МИШ (*виччысьö Ма Ваньöс*). Абу öд кывтöм пемöс. Гөгөрвои, дерт.

МА ВАНЬ (*юö кисьтöм водкасö да петö Миш дорö*). Мöдiм, шань мортö, со тай олöмыд кутшöм, здукөн сирötаясөн колин-ныд...

ПЕДÖР МИШ (*кузя да пыгiсянь ышловзё*). Кыдзкö-мыйкö водзö на колö овны. Бур йöз да Ен отсöгөн...

МА ВАНЬ (*шатласигтыр*). Сiдз эськö да... Сiдз эськö да... (*Öта-мöгсö кутiг-пыкиг, кыкнанныс петöны посводзö. Ма Вань сьывны на горöдö*.) «Кор ми аддзысьлам тэкöд, менам куслытöм кодзув...»

Кылö посводзын петысьяслөн мургём-варгём, кильчö öдзöсөн гольöдчём.
Сэсса гора кок шыяс вочасөн ылыстчöны да лöньöны...

Занавес.

Мöд петкöдчём

Арся рыт. Педöр Мишъяслөн керка пытшкöс. Гөгöр чöв-лөнъ. Вась Педöрöс бөръя туйö колльöдысьяс абуйсь нин, муналöмaйсь гортаныс. Сöмын Нина да Лида идрасьöны, мыськалöны пачводзын тасьтi-пань, ас местаö вешталöны пызан-улöс. Лунтыръя ноксьöмьд мудзтöма кык чойöс. Пелькöдчём бöрын найö пуксьöны öшиньдорса кузьмöс пызан сайö да тэрмасьтöг юöны тшай. Чойясыскöд орччөн, паськыд лабич помын, мыйкö ассьыс долбö гажа юра Педöр Миш. Ныр улас — джынъялём водка доз, стопка да нянь шöрём, тасьтын — пуём капуста. Педöр Миш чöла, öтчыд дай мöдысь кисьталö курыдторсö стопкаö да гораа ыкнитöмөн пöрöдö вомас. Чукрасьö, исыштö съöд нянь тор, недыр мысти бара на нюжöдчö водка дозлань...

НИНА (*звирк чеччö да кватитö пызан вывсьыс джынъялём сулеясö*). Тырмас нин төкаритнытö, Мишö! Этштö воштöмьд. Миянлы регыд лэччыны ковмас, а тэ эн на и палявлы. Батьтö дзебём-гуалöмысь празник вöчан.

ЛИДА (*зильö небзьöдны вокыскöд ёсьмысь сёрнисö*). Миш дай Мишук, миян шöвктут, миян öти вок. Бать-мамнымлысь керка кутысь. Вай сук тшайсö ю да пальöдчы сэсса, чоя-вока öтлаын пукуштам-сёрнитам, кыдзи водзö овны, мый вöчны. Бать-мамтö тай бөр он бергöд...

ПЕДÖР МИШ (*зумыша ырскö Нинаөн кисьтöм тшай*). А мый ёнасö сёрнитны? Ставыс быттö гөгөрвоана да. Öкмыс лунся бöрас тi, кык чой, карö журкнитанныд, а меным водзö ковмас танi съöд олём пыкны. Сöмын öтнамлы нин. Кодi менö öнi гөгөрвоас-а? (*Виччысьтöг тшöкмунö, горшас мортыдлөн гöргдзасьö курыд ёкмыль*.)

НИНА (*небыдджыка нин*). Ми тэныд, Мишö, ог лёк, а бур көсьям. Мися, кыдзи нö öткөнсö кутан овны? Мый вылö? Уджыд Шорйылын абу, совкоз ни, сельпо ни, сплав ни... Ставныс, еремакань, пазалисны. Весиг орчча лесопункт тупкысьöма, вöвлём уджалысьясыс весь довъялöны. Вөр посёлокас сöмын школа да больница и ловъя, нöшта лавка-мöд уджалö.

ЛИДА (*чой вылас видзöдiг сöгласа довкйöдлö юрнас*). Ачыд аддзан: и сиктыс, и посёлокыс киссян выйынöсь, а тэ кодь пöрнöй мужичöйяс кинысö кресталöмөн пукалöны, нем вöчнысö да, вина-сур чурскöны-юöны. Курыдтор вылад съöмьд налы, небось, сюрö. Пöрысь бать-мам зепсьыс. Пензиясö налысь сысьялöны. Абу мöй тадзи, Мишö вокöй?

ПЕДÖР МИШ (*пуктö пызан вылö тшай тыра кружкасö да курскö-кызöктыштö*). Сидзи эськö да... Но мый тадзисö артмис, уджтöг кольöмаясыс öмöй мыжаöсь? Эз öд найö ставсö пузувтны-кисьтны. Миян сиктын да орчча посёлокас. Уна мукöдлаын да... Вылиас пукалысьясыс нö көнöсь вöлины? Найö синтöм гутъяс али мый? Нинöм эз аддзыны?

НИНА (*топöдö гöрг вом горьяссö*). Черийд пö тай юрсяныс сисьмö... Быттö нинöм он гөгөрво. Буретш чинаясыс и чукöстисны

ставнымос выль ног овны, мод олөм лосьодны-тэчны. Важсö пузувтны-кисьтны, сы местаö выль-мичаос грымöбтыны. И мый таысь артмис? Дзик сийö жö, мый миян Шорйив сикткөд да орчча вөр посёлокыскөд...

ЛИДА (*чөвтлө видзöдлассö вок вылас*). Йöй пыстаяс моз и веськалөм ставөн тайö дзугъяс. Долюдпырысь эским, мый выль төвру пöлыштөм бöрад бур да шуда олөм пуксяс. И со тай, пуксис...

ПЕДÖР МИШ (*гöзмана кыскыштö нырнас*). Мый öнi та йылысь вензыны-сёрнитнытö... Киссьөм ватö он нин курав. Миянлысь, сьöд йöзыдлысь, чинаясыд ёнатö оз юасьлыны. Бөрйысьöмъяс водзвылын сöмын ловзылöны. А сы бöрын сэсся ас ногныс ставсö нырöны-вöчöны, сё лешак. (*Пыдисянь ышловзё.*)

НИНА (*шога нюммунö, казътылана*). А Шорйивса сельпöйд кутшөм бур вöли, кымын лавка-магазин ас улас öтувтiс, мыйта сиктсаöс быдторнас могмöдiс. Öнi весиг нянь пöжаланiнсö кисьтiсны-разисны. Няньтö Кулөмдiнсянь вайлöны, комын верст саяйысь...

ПЕДÖР МИШ (*гыжйыштö юрсö*). Сельпöйд и збыль жаль... Ме öд сэнi дас во сайö шопералi. Мамыд кулөм бöрын нин. Важник ГАЗ-51 машинаөн и пызтьö, и вина-водкатö, и мукöд сёян-юантö новлөдi Шорйивсянь. То Ручö, то Аныбö, то Лунпокаö. Зэрö көть турöб гартö вöли. Сэсся олөмыс тай другөн резьдiс... Миян сельпöйд некодлы ковтөмөн лои. И сэнi уджалысьясыс тшöтш.

ЛИДА (*видзöдлө чоя-вока вылө*). А мамыд нö мыйта пöсь кисьтiс сельпо пекарняад! Мыйдыра сэнi пöжасис, мыйта мырсьöмыс сюрлiс, майбыр, сизимдас килоа пызь мешöкъястö бергöддiгөн. Кымынысь миянөс босьтlс аскöдыс сёр рытын пекарняас кайлыны, видзöдлыны, кыдзи няньшомыс кыптö? Сьöлөмнас висис аслас удж вöсна, век зiлис, мед пöсь няньыд асывсянныс воис сиктса лавкаö.

НИНА (*ырситö-юыштö чашкаысь тшай*). Сэки öд мамыдъяс киөн на көтiсны няньшомсö. Сидөр Настакöд кыкөн. Та ыджда сиктлы. Быд лун, висьтавлiс, сюрс чөвпан пöжалiсны. Вичмылiс пессьöм-тилсьöмыс мортыдлы. Эз öд весьшөрö татшөм томөн таладор югыдсö эновт...

ЛИДА (*тэрыба чышкыштö вазьöм синсö*). Муртса-муртса ветымын көкъямыс тыри. Овны на эськö да овны сылы вöльнöй сьветас. Но эз тай шудыс усь, коньөрöйлы...

ПЕДÖР МИШ (*ышлолалö-жалитö мамсö*). Асьсö век жутöдiс да, мöстö на бөръя кадöдыс пыкис-видзис батьököд. Быттö тшыгла кулам йөвтöгыд...

НИНА (*чөвтлө видзöдлассö вок вылас*). Велалöма вöли скöтнад овны да сы вöсна и эз лэччысь мөссьыд. Батьыдкөд кымынысь та кузя пиньö волiсны. Мамыд асланыс синö, а батьыд көть аски Сюруктö яй вылө вузалас. Мудзи пö котравны-видзнысö.

ЛИДА (*тэрыба сюйсьö сёрниас*). Мудзöма тай ёна... Унджык сьöд уджыс мамыдлы на и сюрлiс. И вердлiс-юктасьлiс, и лысьтысис рыт-асыв, и идрасьны гид-картаад коркö слöймылiс.

ПЕДÖР МИШ (*горйыштö батсьö*). Батьыд, дерт, гортын весь эз жö пукав. Мый вермис, отсасис мамыдлы скöтнад олiгөн. И ме тшöтш быд гожөм турунтö ытшкылi. Но унджык нокыс,

збыль, мам вывтїыд мунліс. Кык сьёкыд уджыд и уськөдісны кок йывсьыс, коньөрөйөс. Пекарняыд да мөстө мырдөн-сорөн пыкөмыд. *(Кумнанныс өта-мөд бөрся ышловзьёны.)*

НИНА *(здук-мөд чөв олыштөм бөрын)*. А миянлы кызкө да мыйкө колө водзө овны. Чоя-вокалы, ме шуа. Оз сідз-тадз, а лючки-ладөн овны. Өта-мөдөс гөгөрвоёмөн. Батьыд ни мамыд өні абуюсь. Кык вына борд вөлі коркө миян, но чегисны со... Чужан керканым сөмын колис на бөрын, асьным да...

ЛИДА *(лөсьөдышталө юр вывсьыс сьөд чышьянсө)*. Бать-мамтө тай сөмын кувсьөм бөраныс тырвуйө кутан донъявны. Кутшө-мось найө вөліны, мый сетісны асланыс быдтасъяслы, кыззи олісны-вылісны... А таөдз мортыд быттө челядьдырся шуда гы вылас на летйысь-бовъялө. Сөмын бурас эскө, мичаас да сөстө-мас, юр весътас югъялысь шонділы да лөзалысь енэжлы. Ме думысь сы вөсна, мый бать-мамыд орччөнөсь, кылан налысь лов шысө. Сьёкыд кө тэныд лоө, төдан, мый отсаласны.

НИНА *(чойланьыс довкнитө юрнас)*. Сідзи, сідзи, Лида. Кыдз шуласны, матын гырдазыд, да он тай курччы. Кор эм, эмсө колана ногөн ог донъялөй... А кор лөкыс топөдас, мортыд сэк сөмын палялө, ас саяс воө. Дзик миян моз. Талун ни мамыд, ни батьыд эз лоны да, сьөлөм вылын быттө пудъя из өшалө. Деливөсьыс-деливө, көть ырзөмөн бөрд...

ЛИДА *(чышкыштө тюрөбтысь синвасө)*. Бөр тай олөмтө он бергөд. Мамтө ни, батьтө ни. Коркө и миянлы ковмас налысь туйсө таявны. Тадзи нин Енмыс шуөма-лөсьөдлөма да... *(Ырснитө-юыштө кружкасьыс көдзалөм тшайсө.)*

НИНА *(ланьтыштлөм бөрын бергөдчө вокысланы)*. И збыль, кыззи нө, Мишө, водзөсө кутан овны? Дзик өткөнтө? Ми Лида-көд тшөкыдатө ог вермөй воыны. Карсянныд кыксө верст, дай туйыс со кутшөм лөк. Автобусъяс тулыс-ар вөлөкас сибдөны.

ПЕДӨР МИШ *(зумыша вигзөдлө чойяс вылас)*. Кызкө-мыйкө велала, гашкө, өткөнтө бергөдчыны. Ме кодъыс өд Шорйылад абу этша. Джын сиктыс өтка пөтка. Суседөйным, Ма Вань, кымын во нин өтнас. И дзуртө-олө тай-а, ловъя тонө...

НИНА *(ушанөдгө кинас)*. Талун ловъя, аски кын. Ен мед видзас эськө Ма Ваньтө да... Мед сө арөсөдз олас-вылас... Но аддзөмыд жө, кодөс ошкыны-шыльөдны. Ми тані некымын лун олам, да мортыд эз на палявлы. Тэ кө сы моз кутан дучкыны-юны, бать-мамыдлөн керка-картаыс, ок, өдйө вальдас. Йөрыд өг турунөн тырас, картупель муыд эжмас и. А Ма Ваньыд, Шорйывса вина гаг, лоө тэныд медбур өртөн. Сійө, майбыр, велөдас Мишук другсө дорын узылыны. Бать-мамыдлөн кутөдтөг...

ЛИДА *(виччысьө, кор ланьтас Нина)*. Ма Ваньыд вылө, Мишук, тэ вай эн видзөд, мед көть и орчча керкаын олө. Нэмсө мамыслөн шоньд борд улын куткырасис. Аслас гөтыр ни котыр. То өтилаын уджыштас, то мөдлаө лэбыштлас. Век шома юра да некытчө прамөя эз өшйив. Ни колкоз-совкозө, ни сельпо-сплавө. Та вөсна медсясө ичөтик пензия и вичмөма мортыдлы. А пельпомыс бур сыв пасьта. Көть лун и вой сы вылын гөр. Довъялө сикт кузя, корсьысьө, коді сылы чолькнитас-кисьтас. Лэччытөдзным миянө дасысь на пыралас.

ПЕДӨР МИШ *(пинь висьөмысь моз чукиртыштлө чужөмсө)*.

Пыралас кө, он вед вётлы. Мыйта отсасис мам-батътө дзебигөн. Шойна вылын гуяссö кодйис и.

НИНА (*бытьё оз казав воыслысь чукрасьёмсö*). Тадзи эськö да... Мед, сідзкö, кезалö. Но юрсö веськöдам да шань. Абу миян тані май празьдник. И нинöмла Ма Ваньöс вывтi матыстнысö. Аддзöмыд, Мишö, код вылö ыстысьнытö. Овнытö быд ногыс жö позьö. Ма Ваньыдлөн кага ни баля. Мый бурсö сійö коляс ас бöрсяяс? Тыртöм керка-карта да куш сулеаяс? Дука паськöмсö да?

ЛИДА (*воыслань вигзöгiг*). Вина-суртö, Мишукöй, он бара-й помав. Көть мыйта дучкы-ю. Вина гагйыд ачыс на мортыддысь ловсö босьтас. Шорйылад мыйтаөн нин сы вöсна мöдарьюгыдас мунисны. Ачыл та йылысь бура тöдан. И медсясö том йöз, кодъ-яслы эськö овны да овны на. Öтиöс Эжва ю апыштiс, мöд öшöдчис, коймöд сотчис, нельöд лыйсис... Бытьё косаөн ытшкö-маöсь йöзсö. Батътö дзебигөн йирмөг босьтiс — мыйта выль крест шойна вылас сувтöма...

ПЕДÖР МИШ (*пошкö-ружтö, ас кезьсыс ышлолалö*). Кулысьыд тай век эм. Вина помсьыд. И орчча посёлокын, и миян Шорйылын. Олöмыс лои сэтшöм да, гудыр-гадыр, мый сэсся татчö шуан. (*Кост мысти.*) Югыд аскиыс миянлы, сьодас олысь-яслы, тыдалö, некор оз и воы. Ковмас нин ассыным нэмöс Шорйылын колявны, няйт пиын лукйысьны...

НИНА (*гивитана довкйöглö юрнас*). Мыйла нö тадзи, Мишö, асьтö увтыртан-омöльтан? Мукöдсö да, шорйывсасö да... Бытьё ми мыжаöсь, мый чужан сиктад кольччин. Олöмад быдöнлөн аслас туй. Ми Лидакöд карад бать-мамтö кокньöдöм ради медсясö и лэччим. Мися, сэнi и уджыд öдйöджык сюрö, и сьöмөн отсыштны мамъясыдлы вермам. Кыдзи сяммим, отсасим тай. Ачыл öд тöдан...

ЛИДА (*лабутнöя кывзö чойсö, звук-мöг мысти пырöдчö Нина-лөн висьтасьöмö*). Сэсся мамыд миянлы кымынысь шулiс: лэччöй пö, челядь, карö, водзö велöдчöй, мед эз ковмы школа бöрад скöт картаын сiт зыртны. Тэныд тшöтш вöзйылис и, Мишö. Он öмöй помнит, воканöй? Миянлы пö, сьöд удж вöчысьяслы, Шорйылын нин лоö пöрыся-нэмтö пыкны, а тi, том йöз, аслыныд мичаджык да кокниджык олöм перйöй. Тадзи велöдлiс мамыд. Энö на вунöдöй, тыдалö, сылысь кывъяссö, Нина да Мишö?

НИНА (*сетчыштö чойланьыс*). Ме тай эг-а. Кыдзи нö вунöдан! Быд мам öд аслас челядьлы сöмын буртор көсйö. Миянöс мамыд эз жö лёк вылö велöдды. Нэмсö зiлис, медым прамöй йöзөн лоим, эгö сы моз сё килоа пызь мешöкъяс бергöдлöй-кыскалöй.

ПЕДÖР МИШ (*гöзмöмпырысь*). Ставным кө другөн ырситiм-лэччим карад, кодi эськö пöрысь мам-батыдыдлы мöдiс отсасьны? Пестö вайны, ватö пыртны, мöс-куканьтö идравны, картупельтö пуктыны-керны? Карсяныд гортад быд лун тай он котöрт. А уджыд танi юр выв тыр. Батыд пыр кайтiс: сиктсаыдлөн пö мышыс оз и косьмыв, дөрöмыд век ва. Быдлунъя нок-уджсьыс да öтарö-мöдарö котралöмсьыс...

ЛИДА (*вигзöглö воыслань*). Ми ог и мыждöй тэнö, мый Шорйылö кольччин, миян моз эн карлань сетчы. Сё пасибö тэ-

ныд таысь! Кымын во бать-мамыдкөд орччөн олін, мый вермин отсасин, весиг гөтрасьнытö эн слöймыв.

НИНА (*кинас шылькнитö пызан выв*). Кодлыкö öд миян пöвс-тысь быть колö вöлі кольччынысö. Пöрысь бать-мам дорад. Тэ-ныд, челядь пиысь медся ичöтыслы, и мойвиис. Тадзи век олöмас вöвлöма да... А гөтрасьнытö, думайта да, Мишöлы важөн нин позис. Мед слöймöдчыліс дай... Майбыр, винатö чурскыны кадыс сюрö. Абу öмöй тадзи, воканöй?

ПЕДÖР МИШ (*сарöга кинас гыжйыштö шырылтöм баябöж-сö, зумышмö*). Броткыны-индавнытö кокни эськö да... Сöмын код былö нö миян Шорйылын гөтрасян? Том нывъясыд уйкнитöны-пышйöны карö да кытчö да, сöмын пöрысюлов колины грезда-ным. Пöчöяссö öмöй мöда коравны? Серамвыв лэптасны бур йöзыс.

ЛИДА (*нюмсер котöртö чужöм кузяыс*). Он, дерт, Мишö, паччөр сэрöгын пукалысьяссö корав. Тэныд абу на сизимдас арös, а муртса нелямын сайö. Аслыд, мися, мужик мортлы, колö легöдчыны. Некод тэныд дась невестапутö кильччö помöдзыд оз вайöд...

НИНА (*пыльснитö-серöктö воча*). Ки пöлöдыс кутöмөн да нöшта шань-зильös. Сідзи, сідзи, Лида. Мишö, кывзы пельтö чошкөдöмөн, мый чойыд висьталö. Ас саяд ставыс: и гöтырыд, и котырыд. (*Сэсся корана-небыдгжыка нин сёрнитö*.) Ме тай со мый думайта: гашкö, мися, и збыль карлань сетчан да. Сэтысь, майбыр, гöтырпуыд сюрас. А, Мишö? Тырмас тэныд нэмтö Шорйылын лукйысьны, пемыд гуын моз овны. Аддзан карсьыс аслыд пöлös, гөтрасян, гашкö, челядь на Енмыс сетас... Вай мөвпыштлы, мөвпыштлы та йылысь. Эн серамсорөн, шома юрөн да, а сөстөм вежөрөн. Бура думыштлы. Керка-картаыд некытчö на оз пышйы. Волывлыны мöдам... Позьö и вузавны...

ЛИДА (*ловзьö, жöдзö пызан сайын*). А мый нö, Нина чойыд оз лёк былö тэнö велöд, Мишö. Мам-батьтö бөр он нин бергöд. Кыдзкö-мыйкö миянлы водзö колö овны. Чоя-вокалы, мися...

ПЕДÖР МИШ (*сьöкыдпырысь упкö га апкö, кузя ышлолалö*). Ог и тöд, мый вочасö шуны... Здукөн ассыйд олөмтö абу кокни вежны: талун карö мöда, аски, колөкö, мыйкö оз артмы да, бөр ковмас гортö бротиктыны-кайны.

НИНА (*öвтö кинас*). Мый нö тэ сэтшöма карсьыс полан? Сэні öд ловъя йöз жö олöны-уджалöны. Сэсся ми, кык чой, орччөнöсь лоам. Мыйöнкö да мыйöнкö век нин отсыштам. (*Пась-кыда вашъялö-нюмъялö*.) Гöтырпуыд сюрас и. (*Рочасыштö весиг*.) Тайö карад абу проблема.

ЛИДА (*чойыс моз жö нюмъялö*). Ог, дерт, здукөн, но пöвтö тэныд вочасөн корсям. (*Эскöдана*.) Карад, мися. Ме лавкаын вузася, Нина йöv заводуын тильсö-мырсö. Миянкöд орччөн мича нылыс додь тыр уджалö. Бөрйы, майбыр, кодi сьölöм сертиыд.

НИНА (*гзебö нюмсö*). Эн дöзмы ме былö, но сöмын вина гаг-сьыд кызкö-мыйкö мездысь. Он кö, сэки пöлыд весиг Мöскуа-ысь оз сюр. Кодлы нö колö вина-суртö дучкысьыд. Кылан, Мишö?

ПЕДÖР МИШ (*чöвтлö зумыш видзöглассö кык чой былö*). Кыла, кыла, абу öд сё арösа пöль. Век сöмын велöдны зiлянныд. Тадзи да не тадзи... Сідзи да не сідзи... (*Броткыштö вомгорулас*.)

ЛИДА (*коknыдыка ышловзьö*). Некод тэнö велöдны оз кöсйы.

Абу ӧд ичӧт кага. А мыйкӧ кӧ шуам, ми шуысьяс и эмӧсь. Ыджыдджык чойясыд. Ми ӧд тӧнӧ, Мишӧ-Мишукӧй, Нинакӧд лӧк вылӧ ӧгӧ тойлалӧй. Кар дорад ӧдйӧ на и велалан. Первойсӧ ме ордӧ сувтан, майбыр, быдса жыр патераын тыртӧм. Пиукӧс армияӧ босытисны да. А водзӧсӧ сӧсся олӧмыс петкӧдлас, кодарӧ-мый...

НИНА (*синъясыс югнитлӧны*). Гашкӧ, патераа ань на сюрас да. Кутшӧмкӧ ӧтка пӧтка. Косьмысь сьӧлӧма, шоныд кока. Сямман кӧ крукыштнытӧ, нӧм чӧжыд мӧдан миянӧс аттьӧавны.

ЛИДА (*лӧптышлӧ пельпомсӧ*). Бур вӧчӧмсьыд да карӧ корӧм-сьыд... Вай нин стӧчджыка кык чойыдлы шу. Кодарӧ-мый кӧсь-ян сетчыны...

ПЕДӐР МИШ (*шылькнитӧ сарӧга кинас дыр шырлытӧм юрсӧ*). Ӑг на стӧчасӧ тӧд, мый вӧчны. Батьтӧ гуалӧм бӧрын юрын гудыр-гадыр. Шӧйӧвошӧм морт кодъ. Вай нелямын лунсяӧдзыс нӧрӧвитыштлам. Воланныд да сӧки орӧдам та йылысь сӧрнисӧ. А ме сы кезлӧ гӧгӧрбок думыштла. Мися, водзӧ олӧм-вылӧм кузя... Тадзитӧ, ме серти, бурджык лӧӧ. (*Вигзӧглӧ чойяс вылӧ*.)

НИНА (*чӧвтлӧ синсӧ Лидалань, мӧдыс довкнитӧ юрнас*). Виччысьлыны кӧ вӧзъян, виччысьлам. Нелямын лунсяӧдзыс. Сӧмын сӧки эн нин ӧтарӧ-мӧдарӧась, а чорыда шу, кодарӧ-мый олӧм визьтӧ бергӧдан. Шорйылӧ кольччан али карӧ лӧччан.

ЛИДА. Виччысьлам, дерт. Но ӧна дырсӧ эн кыскы, эн нюжмась, Мишӧ. Миян асланым тӧжд-нокыд юр выв тыр жӧ.

НИНА (*кокниа ышловзьӧ*). Но, сӧдзкӧ, Ӑн отсӧгӧн. Сӧрнитчӧма тай лои.

ПЕДӐР МИШ (*нюмъӧвтӧ*). Сӧдзи буди...

ЛИДА (*чеччӧ пызан сайысь, вигзӧглӧ часӧ вылӧ*). Вой шӧр кад нин со вӧлӧма. Вай водаламӧй. Асылыс регыд талаялас.

НИНА. Луныс здукӧн и войтыштіс. Нокыс мыйта сюрис ставнымлы... Но батьтӧ бура колльӧдім. Йӧзыс сы мында воліс и.

ЛИДА (*чышкыштӧ синсӧ*). Шоныдін да югыдін сылы.

ПЕДӐР МИШ. Мед бура шойччӧ. Мыйта шог-дой мортыс вывтӧ муніс...

НИНА. Вой улӧ лои казтыштӧма да, мед оз дӧзмы.

ЛИДА (*ставлы кывмӧн*). Батьыд дӧзмынысӧ ӧз и кужлы... И ӧні гӧгӧрвоас миянӧс, ассъыс челядьтӧ.

Нина да Лида пырӧны пыді вежӧсӧ. Педӧр Миш кайӧ паччӧр сӧрӧгӧ. Кусӧдӧны би. Ставӧн водалӧны. Но кык чой бура дыр на шӧпкӧдчӧны-сӧрнитӧны ас костаныс.

Занавес.

Коймӧд петкӧдчӧм

Вӧчсьӧ мӧд лунас; асывнас чой-вок ветлісны шойна вылӧ да сӧмын на пырисны гортаныс. Педӧр Мишгяслӧн керка пытшкӧс. Сэтшӧм жӧ серпасыс, кутшӧм вӧлі тӧрытья рытӧ. Ӑшинь дорын пу лабич, сы бердын кузьмӧс пызан, некымын улӧс. Шуйгакивылын тасьті-пань видзан важиник шкап, вылынджык, енув пельӧсын, некымын ӧбраз; веськыдвылас — пачводз. Пачводз стен бокас кузьмӧс залавка. Керка пытшкын лӧнь, кылӧ сӧмын часӧ тотшкӧм.

Кӧть ар пом, а прамӧя нин югдӧма. Воссӧ керка ӧдзӧс да ӧта-мӧд

бörсаяс пырöны гу вылö ветлысьяс: Нина, Лида да Педör Миш. Кианыс сумка-сеткаяс. Тэрмасьтöг пörччысьöны öдзöс дорын, öшлöны вылыс көлуйнысö стенбокса тувъясö, ас костаныс пинялöны көдзыд-букуш поводдясö, сэсся воськовтöны керка пытшлань.

НИНА (*топöглö пельпомсö, тыгалö, кынмöма шойна вылö ветлигад, чöвтлö синсö чоя-вокалань*). Вай первой кинымöс мысь-кыштамöй да тшай пузьöдлам. Турдi дзикöдз. Горш косьмö и. Чуткыв, Лида, чайниксö. А тэ да ме, Мишö, лэпталам мыйкö воманым сюйыштны. (*Кисö мыськыштöм бöрын сугзöдалö-ваялö пызан вылö пачводзысь сёян-юан. Сылы отсасьö Педör Миш, петалö тшöтш посводзö, мыйсюрö сэтысь пыртö и.*)

ЛИДА (*ки пыгöснас инмöдчылö чайник бокö*). Абу на тай эськö ёна көдзалöма да...

ПЕДÖР МИШ (*жöдзö-ветлöглö пызан дорын*). Дэбыд тшайыд нö кутшöм тшай! Сьölöмтö ни гырк пытшкөстö оз шонты. Мамыд, шонъянöй, шулывлis пыр: тшайыд пö мед век вöли зварк пöсь да чим гөрä. Сы пыр пö мед Мöскупаыс эз тыдав...

НИНА (*бергöдчö чоя-вокалань, нюммунö*). Кывлi, кывлi мамсянбыд тайö кывъяссö. Öнöдз помнита. Мöскупа йывсьыд казтыштöмсö. Кысь сийö сöмын босьтöма тайö шуöмсö-а...

ЛИДА (*чайник дорын ноксигмоз*). Ме тай ог жö тöд-а... Тыдалö, сиктсаяссянь кывлis. Гашкö, и пекарняас уджалigөн нин, гашкö, колкозад мырсигөн. Томдырийыс, мися.

ПЕДÖР МИШ (*пуксьö-меститчö пызан сайö*). Гашкöыд пö кашкö, мича аняяс. А ме вот тöда, код вомысь петöма тайö шуöмыс. Мамыд коркö ачыс, этийö пызан саяс пукаligөн, висьтавлis.

НИНА (*сетчö вокланьыс*). Тöдан кө, эн чöv ов. Висьтась мианлы.

ЛИДА (*гöзмöкодь*). Вомтö вай восьт. Мый мöжган сэнi?

ПЕДÖР МИШ (*гусьöн шпыннялö, быттьö нарошнö дэльöдö чойяссö*). Висьтала нин, сiдзкö. Гашкö, чолькнитанныд нелямын тшупöдасö. Шонтанныд менсьым лов-вирöс...

НИНА (*югнитлö синнас*). Вай садь юрөн көть лун-мöд олышт, Мишö. Чойясыдкöд сёрнитышт, мыйкö бать йывсьыд висьтышт. Миянлы регыд лэччыны ковмас, а тэ век на гудыр-мудыр ветлан.

ЛИДА (*гзуртыштö улöсөн*). И эн дзайгысь, Мишö. Абу мича. Винанад ни шогтö он пальöд, ни бать-мамтö он бергöд. Öвсьыв вай курыдторсьыс, ловтö шойччöдышт.

ПЕДÖР МИШ (*нуксь-кыскыштö нырнас*). Ме öд шмонь ради вина йывсьыд казтышті. Мися, дэльöдышта кык чойöс. Видзöдан да, колöкö, и эбыль мыйкö вичмас. Эз тай... (*Ачыс скупа нюммунö.*)

НИНА. Вина пыддиыд пöсь тшайсö ю. Пузис буретш. Кисьта вай.

ЛИДА. Вомад мыйкö сюйышт да. Тöрыгтя бöрад кокниджык лоö.

ПЕДÖР МИШ (*чукуртчылö*). Кисьт, буди, Нина, тшайсö, сöмын гөрäджыкöс. Мед, мамыд серти кө, сы пыр Мöскупаыс эз тыдав.

НИНА. Кисьта, кисьта. А тэ вунöдiн тай, мый йылысь көсийн висьтавнытö...

ПЕДӨР МИШ (*ловзыштö быттьö*). Мыйла нö вунöдi? Час, висьтала, бара-й.

ЛИДА (*вигзöглö вок вылас*). Кывзам пель чошкöдöмөн, Мишö.

ПЕДӨР МИШ. Но, сiдзкö, со мый мамыд коркö висьтавлiс. Тадзи жö вöли пызан сайын пукалам. Кыкөн. Сийö да ме. Батьыд кытчöкö петiс тай-а...

НИНА. Тшай юанныд вöли?

ПЕДӨР МИШ. Тшай, дерт, а ог вина. Мамыд курыдтортö вомас некор эз босьтлы. И менö век öлöдлiс. Ачыд öд тöдан.

НИНА (*ышловзö*). Тöдам эськö да.

ЛИДА (*коса нюмдыштö*). Тöлкыс тай эз и ло-а...

ПЕДӨР МИШ (*гöзмыштöмпырысь*). Сёрнисö бара мöдарö бергöданныд, еремаканьяс.

НИНА. Огö, огö бергöдöй. Висьтась водзö.

ПЕДӨР МИШ (*ырсьнитö тшай*). Кывзöй, инö, да эн пыльсья-лöй. Коркö бура важөн, колкоз кадö, мамтö турун пуктыны Кузьты бокö мöдöдлöмаось. Быдса гожöм ытшкöмаось-куртöмаось сэнi. Гашкö, кызь морт да. Мамыдлы сэки муртса дас квайт арöс тырöма.

ЛИДА (*телепитана гөлөсөн*). Но, но, мöдöдлöмаось, сэсся нö мый?

ПЕДӨР МИШ (*лабутнöя, тэрмасьтöг*). А налы пусьöма Гриш Наста, синпöла Настаөн тай сиктад вöли шуöны. Веськыд синсö сийö коркö кысигас емөн бытшкылöма. Сэсся бердöма синмыс.

НИНА. Тöдам, тöдам. Дзик сикт помас овлiс, важөн нин абу ловъя.

ЛИДА. Керкаыс öнi тыртöм сулалö, мир туйыскöд орччөн.

ПЕДӨР МИШ. Сiдзи, сiдзи. Нэмсö öтнас олiс. Кывзöй менö водзö. Коркö öтчыд, пажын кежлö, Гриш Настаыд тшай пузьöдöма. Но тэрмасьöма ли, мый ли, көрт тшайникад тшай заваркатö этша пуктöма. Рок сөйöм бöрын кисьталасны тшайтö, да Васька Пекла, медся олöма ытшкысьыс, и пысасяс Гриш Наста дорад: «Тэнад тшай пырыд талун Мöскуаыс и быдөн тыдалö. Көр ни гос. Зэв нин скупа тшайтö заваритöмыд». «Меным тай некутшöм Мöскуа ни Кулöмдiн оз тыдав-а,— лэптыштлас шондi водзас асьыс дыр мыськывлытöм стöкансö Гриш Наста да дорйысяна броткыштас на:— Син пöвнад нö ёна уна аддзан? Тешитчанныд сэнi, лешакъяс...». Тайö кывъяс бöрад здук кежлö чöv-лөнъ пуксьылас, а сэсся мужик-бабаяс кыз тай гузьнитасны-серöк-тасны, накöд тшöтш и Гриш Наста ваксьö, вомыс пельсянныс пельöдзыс.

НИНА (*нюмдышtlö*). Мамыдлы сэксянь и кольöма вежöрас Мöскуа йывсьыд шуöмыс?

ПЕДӨР МИШ. Сэксянь, буди... Ачыс меным та йылысь висьтавлiс да.

ЛИДА. Васька Пеклаыд ёсь кывъя нэмсö вöли. Крукыштас кө, крукыштас нин...

НИНА. Зато миянöдз воис сылөн шмонъ шуöмыс. Йöз вежөрö йиджтысис.

ЛИДА (*говкнитö юрнас*). Дай водзö на кутас овны. Ми асланым челядьлы висьталам, мед на вежөрö кольö. Найö — асланыс быдтасьяслы...

ПЕДӨР МИШ (*шогпырысь ышловзö*). А менам кага ни бая абу. Кодлы да мый висьтала?

НИНА (*өвтыштö вокланьыс кинас*). Мый нö сэнi бара нюр-ган? Тэнад, Мишö, ставыс на водзын.

ПЕДÖР МИШ (*ачыс аслыс, вомгорулас*). Гашкö, бöрын, гашкö, водзын. Öти Енмыс тöдö, вылиас пукалысьыс...

Посводзын кылöны кок шыяс. Керка öдзöсö тотшкöдчöны.

НИНА (*горöдö пызан сайсянь*). Пырöй, пырöй, абу öд игана.

Чоя-вокаяс видзöдöны керка öдзöслань.

ЛИДА (*ставныслы кывмөн*). Ма Вань, тыдалö, юрсö веськöд-ны кежис.

ПЕДÖР МИШ. Локтö кö, мед локтö. Он öд шу сылы: ушым-гайтчы пö.

НИНА. Огö жö вöтлöй сусед морттö. Абу мича татшöм лунад.

Восьбö керка öдзöс да порог вомөн воськовтöны Пельшöр Машö да сылөн Валентина нылыс, сиктса ногөн, еждыд юра Валя.

ЛИДА (*нюмъялигтыр чеччö пызан сайысь, сы бöрся и чойыс*). Мися, кодъяскö кылöны-а. Мама-ныла вöлöмаöсь. Кок шы серти-ныд эг и тöд. Гашкö, думайта, Ма Вань нин юрсö веськöдны корсьысьö.

ПЕЛЬШÖР МАШÖ (*ödzös дорсянь на, пöрччысигмоз*). Энö дивитöй, бара-й. Тöрыттö кöсийысьли да, асывсяньыс Валялы и шуа: мися, ветлам Педöр Мишгьясö, Нинаöс да Лидаöс аддзöдлан. Öтлаынмоз сиктад öд быдминныд. Тöрыттö, гуасьом бöрад, йöзыс уна вöли да, прамöя сёрнитны эгö слöймылöй.

НИНА (*шемöсөн*). Кутшöм нö дивитöм, Машö тьöt! Нинöм абусö шуан. Пырöй вай водзö да пызан саяс пуксялöй. Час, тшай кисьталам. Вешйöй нин öдзöс дорсьыс. (*Небыдика ку-тыштлö кыкнаннысьö пельпомöдыс*.)

ЛИДА (*нимкодьпырысь*). И ме вай кутыштла мама-нылаöс. Гаж нин бырöма тиянысь. Зэв гежöда аддзысьлам да. (*Топöдглö морöс бердас керкаö пырысьясöс*.)

ВАЛЕНТИНА (*öшлö вылыс паськөмсö тувйö, шыльöдчö-мольöдчö*). Збыль, гежöда и паныдасьлам. Сöмын гортö волігьясö. Шыблаліс олөм-вылөмыс ставнымöс разі-пели, регыд öта-мöдöс огö кутöй тöдны.

НИНА (*видзöдлö Валя вылö*). Ме тай тэнö кöть сё во коляс, тöда-а. Важкодъыс на мича да югыд нюма. Ньöти абу вежсьö-мыд.

ЛИДА (*говкйöдглö гöрг юрнас*). Сё збыль, сё збыль. Кадыс тэнö, тыдалö, оз и босът, век роч акань кодь мича.

ВАЛЕНТИНА (*чужöмыс гöргöдыштлö*). Шуан жö сэнi... Он тай, майбыр, мортыд томмы, воясыд быдöнлы ассъыс пас кольöны.

ПЕДÖР МИШ (*петö жö пызан сайысь мама-нылалы паныд*). А менö бабаясыд, лешак машина, дзикöдз вунöдісны. Чолөм-здорово нöсь, Маша тьöt да Валентина. (*Киасьö пырысьяскöд, сэсся сывйыштлö öтисö и мöдсö*.) Мунöй-воськовтöй водзö, пыза-ныс миян кузь, ставным сы сайö тöрам.

ПЕЛЬШÖР МАШÖ (*ышлолаліг-чышкасиг*). Кыдзкö-мыйкö тö-

рөдчам на. Ми өд огө дыр пукалөй. Наста внучканым воча чой-көд кольччис да регыд няргыны кутас.

ВАЛЕНТИНА (*бергөдө мамыслань юрсө*). Мед эз кольччы дай. Коралим тай миянкөд тшөтш ветлыны, но ачыс жө пыксис. Мультик-пультик пө видзөдны кута. Мед, сідзкө, и видзөдө...

НИНА. Та дыраникнад оз на гөйгыс писыт. Абу нин ичөт кага, а прамөй невеста. Дас өти арөснад. Пуксялөй вай пызан саяс, тшайным дзикөдз көдзалас. (*Пырысыяслы кисьталө тшай да лэпталө-ваялө пызан вылө карса пөжас. Чойыслы отсасыёны Луга да вокыс, Педөр Миш.*)

ЛИДА (*сувтовкерлө да кытшовтө синнас пызан сайө пуксысыясөс*). Гашкө, винатор чолькнитны? Батьөс казытыштөм ради...

ПЕДӨР МИШ (*ловзё быдөн*). Позьё, позьё... Дзик гөсьтыяс ради кө... Гежөда кежавлысыя найө миянө.

ПЕЛЬШӨР МАШӨ (*пыркөдө юрнас*). Миян вөсна винатө вай энө лэптөй. Валентина курыдтортө вомас оз босытлы, а ме тöрытыясыя на пөт да код. (*Паськыда нюммунө да вашмунө-серөктө.*)

НИНА (*рагпырысь*). Но и бур. Винатөгыд на миян сёрниным артмас. Мед Миш пальөдчыштас и.

ВАЛЕНТИНА (*инмөдчылө мамыслөн киө*). Вина пыддиыд тшайсө юам. Сідз өд, мамө? Шаньга-көвдумсө видлам да.

ПЕЛЬШӨР МАШӨ (*нюмсө кутиг*). Со өд кутшөм лесыт менам нылукөй. (*Сэсса звук кежлө зумышмылө.*) Вай и збыль вошйөдам-сибөдам Вась Педөрөс тайө пызан дорө. Югыдін да шоныдін сылы мөд олөмас. Сарство небеснөй да... (*Чөвтало пернапас, ырситө стөканө кисьтөм тшай, чегө шаньга тор.*)

НИНА. Мед миян вылө некутшөм лөк оз кут...

ЛИДА (*нор гөлөсөн*). А ми, чоя-вока, нэм мөдам батынымөс бур кывйөн казытивны. Шань сьөлөмсыя да миянөс гөгөрвоөмысь.

ПЕДӨР МИШ. Мыйөн вермис, сійөн и отсавліс. Быдөнлы, код көть эз шыөдчыв сы дорө.

ВАЛЕНТИНА. Кывлі, кывлі та йылысь. Мамө, гортө волігыасө, батытө пыр ошкывліс. Прамөй морт пө Вась Педөрыд... Сиктсасыыд тай нинөм он дзеб.

НИНА (*синсө чышкышталө*). Отчыд быдса төлысь карын оліс. Гожөм шөрнас. Мамным сэки эз нин ловъя вөв. Менам да Лидалөн дачаясын ноксис, өшинь да өдзөс куриच्याс лөсалис-пукталіс. Ырыштчыліс на эськө пывсян көдж эжны, да ме вөтлөмөн вөтлі: кай нин, мися, гортад, Мишыд дзикөдз воштөма, корсысысь. Косьмөмыд быдсөн, сартас кодь лоөмыд. Помнитан тайөс, Мишө?

ПЕДӨР МИШ (*ышловзёмён*). Помнита, дерт. Кысь нө вунөдан татшөмтортө. Мырдөн сэки лэччыліс кык чой дорө да. Отсышта пө дача выланыс, куричасян-өшинясян уджъяссө вөча. (*Нюмъялө нин пукалысыяслы.*) Лэччис карад да быттё юкмөсө войтыштіс, кыз шуласны, слуху ни духу. Лои весиг Нина чойлы звөнитлыны, дөсадитчыны. Кор нин, мися, гортө локтас. Пөгиб өткөнтө: гидын порсь руксө, картаын кык көза баксөны. И йөртө колө ытшкыны...

ЛИДА. Нөшта юысь другъясыд быд лун пыралөны, коді дозйөн, коді дозтөг. Дэльөдчөмөн-дэльөдчөны, горшныс тачкө да. Майбыр, кывтө шуны некоды, гуляй Мишук. Батыд карө лэччис.

НИНА (*пыркнитö пельпомнас да сетчö вокланьыс*). Гажа юрнад тай и звöнитлiн меным. Сэжитö. Ува-ава керка пыткад вöли кылö. Быттьö пир на весь мир мунö.

ПЕЛЬШÖР МАШÖ (*жöдзö лабич вылын, сэсса пырöдчö жö чоя-вокалөн венас*). Мый нö Мишсö кокавны кутiнныд? Быттьö сийö ыджыдсьыс-ыджыд мыж вöчöма.

ВАЛЕНТИНА (*небыдика тувкö мамыслы гыррдзанас*). Мамö, мыйла нö йöз костас суйсян? Асьныс кызкö лöсьöдчасны...

ПЕДÖР МИШ (*Нина чойланьыс бергöдчöмөн*). Жежавлiсны, дерт, ёртъясöй. Öти да, мöд да... Соссьыны ог кут. Но öткöнтö овны, ок, гажтöм вöлöма. Сийөн и звöнитлi Ниналы. Мед, мися, батыд öдйöджык бөр локтас. Орчöн кöть ловъя лов лöö...

ЛИДА. Котöрөнмоз и кайис сэсса. Нина висьталöма да.

НИНА (*нюмсер мунö чужöм кузяыс*). Лавкаысь прамöя ньöбасьны эз удит. Миш пö гажтöмтчöма, да гортлань мöдла. Скöт-над пö öткöнтö зэв деливö. Муртса нопсö чукöртны слöйми. Гöснеч пуктыштi да...

ПЕЛЬШÖР МАШÖ. Майбырöй! Батыд тай бать на и эм.

ВАЛЕНТИНА (*тшай юигмоз*). Сийö тiян со быдлаö удитлöма, ставныдлы отсасьлöма. Кывзан да, весиг завидь босьтö.

ПЕДÖР МИШ (*нориника*). Мам кулöм бöрын шогöдлiс жö эськö морттö да. Вель кузя дойсö морöс пыткас, лов бердас кутiс.

ВАЛЕНТИНА (*жальпырысь*). Мортыдлы тай быдторсö лöö пыкны-терпитны...

ПЕДÖР МИШ (*бергöдчыштö Валялань*). Сидзи и эм. Кымын во öд мамкöд öтлаын олiсны. (*Ышлолалö кузя.*) Тэ, Валентина, тани бура шуин: батыд пö быдөнлы отсөг вылö волiс, быдөнкöд, кодi эз шыöдчыв, сьölöм бинас юксис. А кор батьö ме дорö ас могнас шыöдчис, отсавны сылы эг сяммы. Видлi эськö, став сьölöмсянь кöсйи мортыдлы бур вöчны, но... Менам сэки нинöм эз артмы. (*Шлапнитö пызан пöвийö кинас.*) Öнi на таысь юръян-дзим.

ПЕЛЬШÖР МАШÖ (*гöгöртö синнас пызан сайын тшай юысь-ясöс*). И мем яндзим овлö, коркö сылы воча эг мун да, эг отсав öтка мортыдлы. Лючки кö думыштлыны, позис, дерт, меным гöгöрвоны батыдлысь шог-дойсö. Но мыйлакö пыкси тай сэки-а...

ЛИДА (*шай-паймунöмөн*). Сё мокасьт! Ми Нина чойкöд та йылысь нинöм ог и тöдöй, первойысь кылам. Мишсянь да тэсянь, дона Машö тьöt. Кутшöм нö отсөг тiянсянь батыным корис?

Пельшөр Машö да Педөр Миш юалана видзöдлöны öта-мöд выланыс.

НИНА (*говкйöглö юрнас*). Еремакань! Шулöмаöсь тай: нэмтö пö олан, да йöйөн и кулан. Висьталöй нин вай тани, кык шпион, мый нö батыным корис тiянсянь?

ПЕДÖР МИШ (*нюмунö*). Менö? Медем кайлi Машö тьöt дорö да коралi сийöс.

ПЕЛЬШÖР МАШÖ (*пыльснитö-серöктö*). А ме верöс сайö петi...

ЛИДА ДА НИНА (*öтвылысь*). Код сайö нö?

ПЕДÖР МИШ. Код сайö, код сайö. Он öмöй гöгöрвой? Миян бать сайö, Вась Педөр сайö.

НИНА ДА ЛИДА. Сё збыль али мый?

ПЕДӨР МИШ (*вашьялігтыр*). Онё кө эскёй, пызан саяс пернапас чөвта.

ВАЛЕНТИНА (*чуймөмпырысь*). Но и дивё, но и дивё тай! (*Пыркнитё еджыд юрнас.*) Мыйыс сөмын мян олөмын оз паны-дасьлы...

ЛИДА (*бытьё оз на эскы талы*). А водзёсё нё мый?

НИНА. Мишё, ветлін корасьнысё?

ПЕДӨР МИШ (*нюмсё гзебөмөн*). Кайлі, дерт. Батьыд голя вылө сувтіс да. Сирасьөмөн сирасис. Быть лои юрөс янөдны. Дзик сы ради...

Занавес.

Нельөд петкөдчөм

Вөчсьё дас воён водзджык, Эжва бокса Шорйыв сиктын, кор Педөр Мишлөн батьыс вөлі ловъя на. Ывла вылын сентябр шөр. Вась Педөръяслөн ыджыд керка. Паськыд да кузь посводз. Шуйгакивылын гождя юкөн, веськыдладорас — төвсья жыр. Төвсья жырйын топыд тэчася роч пач, куим өшинь, пөлать, тасьті-пань да пусян көлуй видзан шкап. Куим өшиньлы воча — кузиник пу лабич, енув пельёсын не-
кымын өбраз, пач бокын — гөбөчө лэччан өдзөс.

Пыран да, ыджыд жырсяньыс тыдалө мөд, ичөтджык жыр. Сэні су-лалө көрт крөвать, өтка өшинь дорын — важиник пызан да небөгъяс видзан стеклөа шкап. Кок улын — ас кыөм джодждөраяс. Жыр пельёсө меститчөма көрт плитаа ичөтик пач. Керкалөн отар и мөдарладорас олөны батя-пия, Вась Педөр да Педөр Миш. Талун найө помалісны град йөрысь картупель керны, сэсся пывсисны да пукалөны пызан сайын. Тэрмасьтөг ужнайтоны, сөйөны-юөны. Көть и удж помалөм бөрын, но винатөг.

ВАСЬ ПЕДӨР (*чышкыштё чукырөсь плешсьыс чепөсйөм пөсьсө*). Но-о-о! Ен сыкөдөн тай помалім жө кыдзкө-мыйкө. Мися, картупель мутө. (*Ланьтыштлө звук кезлө.*) Мичаөн таво какольыд шеді, сё майбыр. Аттьө, Мишө, бур отсөгсьыд! Эн кольөмвояс моз сулик кодав. Öткөнтө эськө меным мыйдыра лои тільсьыны-мырсьыны...

ПЕДӨР МИШ (*чөвтлө синсө бать вылас*). Мый нө коркөясө, батьө, бара казтылан. Сідзи кольөм вотө артмис да. Опонь Миколкөд Ма Ваньясө кежим да сы дорө и сибдім. Доз сайын, мися, пукыштам. Буретш пензиясө вайисны мортыды. Сэсся Ваньыд лавкаө менө мөдөдліс. Öтчыд дай мөдысь. Кымыныськө тай ме кайлі-а. Лыдсө, сё лешак, весиг вошті...

ВАСЬ ПЕДӨР (*броткөмөн, дивитана*). Воштөмыд и эм. Тшөтш и гортө локтан туйтө. Быдса куим лун кавгөмныд, картупель босьтан кадас. Нөшта гортын тулясин мөд куим лун, пөкмеллятө пөжин. А мен ковмис өтнамлы йөрын пессьыны, төлк ни слөй тэысь эз ло да... Ывла гуө и гөбөчө картупельтө кыскавны-идравны. Коскөй та бөрын төлысь юкаліс.

ПЕДӨР МИШ (*яндзим, тыдалө, да чөв олыштө*). Мый сэсся каран, сідзи артмис да?.. Эн нин дивит ёнасө таысь. Мыйта кад нин колис... (*Öвтыштө кинас.*) Мыжа, дерт, тэ водзын. Но таво ар ассьым мыжөс ме вешті. Сідзи өд?

ВАСЬ ПЕДӨР (*коса нюмъевтыштö*). Сідзи эськө да... Вештін, нинөм ог шу. Абу мича батытö, пöрысь мортöс, пиыдлы öтдортны. Сöмын водзö вылö тадзитö эн вöч.

ПЕДӨР МИШ (*панясигтыр*). Ог вöч, батыö, ог. Пель сайö сюркняла тэнсьыд петшöра кывъястö.

ВАСЬ ПЕДӨР (*лöнинака*). Сюркняв, мед оз вун. Гашкö, мыйкö да мыйкö и гөгöрвоан. Пöтурайтан водзö вылö...

ПЕДӨР МИШ. Мыйла ог гөгöрво. Абу öд ме кывтöм пемöс.

ВАСЬ ПЕДӨР (*бытьö оз кыв писö*). Мамыд кö ловъя вöлі, прамöя эськö и карнаналис сэжитö... Паськыд мыш кузяыд. Сикт пасытала код юрнад довъялöмысь. Но кымын во нин сійö кыз му улын куйлö, сарство небеснöй. А менам ки оз лыб тэнö ньöръявны, сё лешак. Уска-тошка нин ачыд. Мися, баты кывйыд, гашкö, тэныд мөрччасджык. Мый сэнi ланьтін?

ПЕДӨР МИШ (*кыскыштö нырнас*). Думайта-мövпала ас кезысь. Кыдзи-мый водзö овны, тэнö не дзерöдны. (*Серöктыштö*.) Мед прамöй шöвктуг кодь лои...

ВАСЬ ПЕДӨР (*гыжыштö баябöжсö*). Но-о-о! Сё морö тай. Ло, бара-й, шöвктугнас. Коді нö тэныд оз сет бур ногөн овнысö? Кага ни бая, удж ни гöтыр-котыр.

ПЕДӨР МИШ (*водзö нуöгö баты кывъяслысь туйвизьсö*). Содты нин: майбыр пö, шывгы-ов, кывт, кытчö ва визулыс петкöдас.

ВАСЬ ПЕДӨР (*дивитана*). Сідз кымын тэнад и артмö да. Мый ради олан, ачыд он тöд.

ПЕДӨР МИШ (*ышлолалöмөн*). Кыдзи ог тöд? Мам ради, тэ ради, чойяс ради олi да ола. Эг карö мукöд моз лыйышт, а чужан сиктö кольччи. Мися, мый верма, тiянлы отсася. Кодлы кö öд и мам-баты дорад колö лоны. Налөн пöрыся-нэмö...

ВАСЬ ПЕДӨР. Ме тэнö ог таысь юрси паныдтö шыльöд. Тöда, мый водзынсö китö кресталöмөн эн пукав.

ПЕДӨР МИШ (*чöв олыштöм мысти*). Эг, дерт, весь шляпвидз öнiя моз. Ачыд аддзылiн. Сельпоын шопералi, сы бöрти совкозын, сэсся орчча вöрпунктын... Кор найö пазалисны-киссисны, уджтöг и коли. И ме коддьöмыс сикт-посёлокад абу öти морт. Бытьö он тöд, батыö... И кодi таысь мыжа? Ме али мый?

ВАСЬ ПЕДӨР (*панясигмоз*). Тэнö ме сельпо-совкозтö бырöдöмысь ог мыжав. Та вöсна мед чина йöзлөн юрныс висьö. Бур олөм тай век кöсийсыöны вöчны, быд бöрйысьöм водзын вомнаныс изöны: то öтитор, то мöдтор пö ловзьöдам-лöсьöдам... А збыль-вылö кö, бöбйöдлöны мянöс, съöд йöзтö.

ПЕДӨР МИШ (*чуймыштöмөн*). Мыйысь нö, сідзкö, менö мыжалан?

ВАСЬ ПЕДӨР (*гöзмана*). Мыйысь пö. Бытьö ачыд он тöд. Эн вай йöй улö лэччысь.

ПЕДӨР МИШ (*зумышмö*). Тöда, мыйла ог тöд. (*Лыгдьöглö чуньсö кусньöглöмөн*.) Öти-кö, съöдас ола, мöд-кö, удж ни гöтыр абу, коймöд-кö, вина чурска-юа. Наысь, тыдалö. Мыйысь нö сэсся?

ВАСЬ ПЕДӨР (*коса нюмдыштö*). Тöдан тай эськö ассьыд грекъястö да... Но батыд ас челядтö лөк вылад некор оз велöд. Кылан менö?

ПЕДӨР МИШ. Кыла, кыла. Абу на съöкыд пеля да.

ВАСЬ ПЕДӨР. Кылан кө, мый нө вочасө нинөм он шу?

ПЕДӨР МИШ (*нүскө пызан сайын*). Шуа, мыйла ог шу.>Addза өд, бур выlö велөдан... Но өттшөтш, еремакань, и пемыд пельөсө топөдан.

ВАСЬ ПЕДӨР. Ме тэнө, пиук, некутшөм пемыд пельөсө ог йорт. Ачыд асьтө сэтчө сюян. Тайө медся лёкыс.

ПЕДӨР МИШ (*ышлолалө*). А мый сэсся вөча, олөмыс кө сэтшөм. Нинөм оз вежсьы да. Киссьөма-вальдөма гөгөр. Колкоз ни сельпо, сплав ни вөрпункт. Удж некөн абу. Но и олөм пуксис. Он көсйы, да быть юсян. Шогысла...

ВАСЬ ПЕДӨР (*гөзмана*). Тэ кодкө да мыйкө выlö эн вай ыстысь. Быд морт ачыс ас вөснаыс кывкутө. Медся кокни өнiя гудыр-гадыр олөм выlö ставсө вештыны. Ачыд нө мый вөчан, медым пемыд гусьыс петны? Вина помалан-ырскан? Бротьялан сикт кузя, өтилысь да мөдлысь сыпирта сорас дзайган?

ПЕДӨР МИШ (*юрсө лэгзөмөн*). Мыйла дзайга? Удж вөчөмысь тадзикөн йөзыс мынтысьöны. Кодлыкө пес поткөдла, кодлыськө йөрсө ытшкышта, коймөдлы картофель мудья...

ВАСЬ ПЕДӨР (*вежсьылө чужöмыс*).>Addзöмыд тай прамöй удж: өти дорө шыбитчылан, сэсся мөд дорө, янөдан тадзикөн баттө.

ПЕДӨР МИШ (*жугыля*). Велөд, сiдзкө, питө, мый сылы вөчны, кызди водзө овны. Юрыд тэнад вежөра, дзор нин дзик.

ВАСЬ ПЕДӨР (*видзөглө ни вылас*). Дзорман татшөм пиыдкөд... Мый пө вөчны? Ме тэныд кымын во доля: гөтрасьны, мися, колө. Сэки олөм-вылөмыд, гашкө, и лад выlö пуксяс. А тадзитө вина гагйыд, небось, өдйө ловтө босьтас. (*Горзө гөлөсыс*.) Гажаягө гургасны, кыз му улын лоан. Мыйтаөн нин вина помсьыд кувсисны... Тэ Ма Вань вылад ёнасө эн видзөд.

ПЕДӨР МИШ (*дугдылө панясьны*). Мый нө меным пыр Ма Ваньсө кыскалан? Сылөн ас олөм, ме ассьым ордым жө таяла. Сöмын кыкнанным өтка пөткаяс...

ВАСЬ ПЕДӨР (*коса нюмгыштө*). Кага ни баля мортыдлөн некор эз вөв. Ог нин шу гөтыр йылысь. Сэсся кутшөм баба нө сы сайө петас? Прамөя оз палявлы да...

ПЕДӨР МИШ. Ачыс тай пыр гөрдлө-сералө: менам пө невес-тапуөй потанын на куйлө.

ВАСЬ ПЕДӨР. Таттян Öльыд, мамыдлөн воча вокыс, унаысь жө шулывлis, сизимдас арөс пө тырас да сэки пөвтө корся.

ПЕДӨР МИШ (*тшай ырситө*). Шуныд, дерт, шулис. Эз тай и гөтрасьлы сэсся да. Öльöксаныд...

ВАСЬ ПЕДӨР (*лабутнөя, тэрмасьтөг*). Гөтрасяс... пöрыся-нэмнад. Сизимдас тыртөдзыс на вошласьны кутis, игнасяс гортас да некодөс оз сибөд, быд лешакыс мортыдлы касьтитчө. Коркө вöли став öшиньсө зорйөн пасьйöма, гусьясьысьяс пө пырöны... Коньөрöйыд, өткөн и кувсис. Көдзыд паччөр сэрөгас лолыс петöма...

ПЕДӨР МИШ (*зумыштчөмөн*). Сьмертьыд тай оз юав, гөтыра ли тэ гөтыртөм. Быть коркө локтас.

ВАСЬ ПЕДӨР. Коркө, дерт, и зөркөдчас, но медым эськө тайө здукыс кыз позьö сёрөн пуксис. Быдөн өд миян пиысь көсйө таладор югыдсө дырджык адззыны... (*Эскөдана, сьöлөм дойөн*.) А тэ, Мишө, том на, майбыр, тэныд овны да овны. Ми-

ся тай, гөтрасьны колө, челядь лөсьодны. Мед дзользёны керка пытшканым, гажөдоны пөль-батьсө.

ПЕДӨР МИШ (*вель дыр мысти*). Сідз эськө да... Ме өмөй паныд?

ВАСЬ ПЕДӨР (*гөзмана гөлөсөн*). Паныд, тыдалө. Кымынысь нин көйсьысәлн пөвтө корсьны, а төлк ни слөй. Сьпирта сорастө помалігөн кадыс та вылө тэнад, тыдалө, оз сюр...

ПЕДӨР МИШ (*батыланыс сетчөмөн*). Абу өд ставыс винаө пыксьөма. Сы вылө медся кокни ыстысьнытө.

ВАСЬ ПЕДӨР. Мыйө нө? Висьтав меным.

ПЕДӨР МИШ (*шылькнитө юрсисө*). А кодөс нө миян тані, Шорйылад, коравнысө? Нывъяс пөвстсьыд некод эз коль да. Ставныс уйкнитісны-муналісны. Öти Куломдінө кайис, мөд карө лэччис, коймөд ылөджык на лыйыштіс. Бөрсө лыда ань гортад локтөны. Коді кынөма, кырсасьөма да, коді некытчө абу инасьөма...

ВАСЬ ПЕДӨР (*торкө писө*). Но кодкө öтикыд век нин сюрас. Прамөйджыкыс, мися. Бура кө мөвпыштылыны. А тэныд дышсө шуны дыш.

ПЕДӨР МИШ (*кызөктыштө*). Коді нө сюрас? Босът миян-лысь Ягвыв грездтө. Сидөр Анналы ветымын сайө нин, Иван Наста меысь ёнджыка винатө ырскө, Емель Роза быд мужик улө водны дась, Расов Валя вывті на том, Катөв Аля вомөдзыс рушкау, Миш Катя кык чуркаөс быдтө... Водзө али мый лыддьөд-лыны?

ВАСЬ ПЕДӨР (*нукө-панясьө, быттьө оз кыв писө*). Позьө на и Кывтыдысь корсьлыны, Илля грездысь видзөдлыны. Кодкө да кодкө син улад усяс на. Öтка бабаыд, мися. Көть и дөва.

ПЕДӨР МИШ (*гөзмөмпырысь*). А меным, батьө, сэтшөм-татшөмыд дарөм оз ков. Кодкө да кодкөыд... Шуан жө сәні! Эн вай питө увтырт. Мед өд сьөлөм серти мортыс вөлі, мед менө кыскис сы дөрө...

ВАСЬ ПЕДӨР (*нюмъевтыштө*). Сідзкө, ас лолыдлы лөсялана-өс и корсь, виртө ыззьөдысьсө.

ПЕДӨР МИШ. Корсь пө... Кокни индавнытө. Но кысь нө татшөмыд паныдасяс? Ас лолыдлы лөсяланаыс.

ВАСЬ ПЕДӨР (*чөв усьлөм бөрын*). Эз өмөй некод сьөлөм вылад Шорйывсьыд воны? Нывъяс пөвстсьыс? Көть öти.

ПЕДӨР МИШ (*гөргөдыштө да гумыштчылө*). Воліс, мыйла эз. Том пөраө, школаын велөдчигөн на.

ВАСЬ ПЕДӨР. Мыйсяма нө ныв? Ме эськө сідзсө ылөсала да...

ПЕДӨР МИШ (*видзөглө бать вылас*). Быттьө эн и кывлы, сикт джыныйыс төдіс-а... Еджыд юра Валя, Пельшөр Машөлөн быдтасыс.

ВАСЬ ПЕДӨР (*бара нюмъевтыштө*). Коді тай купайтчигөн вөйны кутлөма? Пристань дорын, гожөм шөрнас, тэ сәки көкъя-мысөд классө муртса вуджин.

ПЕДӨР МИШ (*ловзьө быдөн*). Сійө, сійө. Юрсіөдыс лои кыскыны Эжва йирсьыс. Муртса ачым эг вөй, вабергачас веськалі да.

ВАСЬ ПЕДӨР. Помнита, кысь ог помнит. Пельшөр Машөыд нывсө дорйөмысь менө быд пөрийө аттьөавліс, крукыштлис на нюмсө дзебөмөн: бур зятёпу пө кодлыкө лоө. Гашкө, тэнө и кутіс юрас, Мишө? Веськыдасө эз шу-а...

ПЕДӨР МИШ (*тшай ырsmith*). Кысь нө ме тода? Туйным миян Валяыдкөд школа помалом бөрын торъяліс да. Сылон өні аслас олөм-йылөм: карө кольччис, верөс сайө петөма, быдтысьө нин. Мамыс моз пө пельшөралө.

ВАСЬ ПЕДӨР (*жалыгга*). Мый сэсса вөчан... Киссьом ватө содзнад он курав...

ПЕДӨР МИШ. Паныдасьліс эськө таво гожом вичко весьтын, ичөтик нывкаыскөд пошталань кайисны, но лючки сёрни миян эз артмы. Мыйкө жутыль чужөма вөлі. Кыдз нө, мися, олан-вылан, юалі да, синваыс доршасьны мөдіс.

ВАСЬ ПЕДӨР. Но-о-о! Мыйкө неладнө али мый лоөма? Воча-сө нинөм эз и шу?

ПЕДӨР МИШ (*здук чөв олыштө*). Кыв ни джын... Сөмын кинас өвтыштіс: эн нин пө юась, да водзө мунісны нылыскөд. Он өд вөтчы Валя бөрсаяс да лов пытшкас пырөдчы. Коді нө ме сылы?

ВАСЬ ПЕДӨР (*чуймыштө*). Абу жө дзик бокөвөй морт. Öти сиктса. Сьолөмыд сы вөсна, тыдалө, ёна косьмылөма тай...

ПЕДӨР МИШ (*ловзө быттьө*). Косьмыліс, дерт, кысь нө эз. Дзик збыль. И өні на, Валятө казыгышта да, горшө курыд ёкмыль тасасьлө. Деливө, мый миян костын сэки нинөм эз артмы. Томөсь на вөлім да. Ок, эськө, олөмтө кө позис бөр бергөдны...

ВАСЬ ПЕДӨР (*ропкыштөмөн, велөдана*). Мый морысь нө бөрсө бергөдны? Абу өд мойдынөсь. Олөмыд ачыс ставсө ас местаө пуктас. А та могысь мужик мортыды аслыс тшөтш колө вөрны, а не кисө кресталөмөн пукавны да мыйкө виччысьны. Аслыс, мися, легны. Абу өмөй тадзи?

ПЕДӨР МИШ (*довкнитө юрнас, сэсса нюммунө*). Тадзи, батьө, тадзи. Мед лоө тэ ног... Но мый нө, сідзкө, весь пукалан, ачыд он вөр-легөдчы? Петкөдлы томджык йөзлы примерсө. Корав кодөскө, сэтшөм кө нин збой. Тэ вит во гөтыртөм, и менам пөв абу. Öткодьөсь ми тэа-меа...

ВАСЬ ПЕДӨР (*быттьө виччысьөма вөзйөмсө, гөзмөмпырысь*). А вот босьта да и корся аслым пөвтө, тэнад кө сямьд абу.

ПЕДӨР МИШ (*чуймө*). Но-о-о! Збыль али мый?

ВАСЬ ПЕДӨР (*юрнас довкнитлөмөн*). Сө збыль! Мудзи ме, Мишө, өткөнтө бергавны та ыжда керкаад. Сэсса йөрад нокыс мыйта. А тэсянь прамөй отсөг ог аддзыв... Узьом ни олөм, вода да, синмөй кольча кодь, юрөй быдсяма думсьыс позялөма.

ПЕДӨР МИШ (*ышловзө*). Кыдзи верми, век на отсасьлі быттьө да... Дерт, нелямын тшупөдаыд ёнакодь сконъявлө. Таысь медсясө яндзим. Мыжа мортөн ачымөс тэ водзын лыддя...

ВАСЬ ПЕДӨР (*коса нюммунө*). Яндзим кө да асьтө мыжаөн шуан, тайө бур нин. Сідзкө, вина гагйыд абу на став ловтө йирөма. А мыжтө ме водзын тэныд позьө бара на вештыны. Отсыштан кө öти делөын...

ПЕДӨР МИШ (*сетчө батьыслань*). Кыдзи нө та өдйөсө вешта? И мыйөн тэныд отсала?

ВАСЬ ПЕДӨР (*здук-мөг чөв олө, кызөктышталө, корсьө лөсялана кывьяс*). Эн вай вывті тэрмась, а кывзышт батьтө. Збыль өд, гуся дум эм менам, Мишө: аслым пөлөс корсьны да гөтрасьны. Бабатөм олөмыд дуб шыд панялөм кодь вөлөма...

ПЕДӨР МИШ. И мыйсяма аньөс көсьян коравны? (*Вашьяліг-тыр.*) Ас сиктса коть?

ВАСЬ ПЕДӨР. Татчос мортыс, бура важон сийос син улын кута. Но некодлы на эг казтыштлы. Вомдзаласны, гашкө, мися...

ПЕДӨР МИШ. Коді нө сэтшөмыс?

ВАСЬ ПЕДӨР (*чөв олыштөм бөрын*). Тэ сийос бура төдан. Еджыд юра Валяыдлөн мамыс...

ПЕДӨР МИШ (*чуймыштөмөн*). Пельшөр Машө?

ВАСЬ ПЕДӨР (*говкнитө юрнас*). Пельшөр Машө. Бур сёлөма ань. Збой, зиль, йөрас гөгөр дзим-дзурк, керка пытшкөсас сөстөм и. Мый вочасө шуан? Видла ог корасынысө?

ПЕДӨР МИШ. Юавнытө поэбө, дерт. Пельшөр Машөыд, чайта да, вомад оз варт. Босыт да петав сы ордө дай. Оз тай ылын ов.

ВАСЬ ПЕДӨР (*чукыртчылө вежавигзана*). Аслым быттьө абу лөсьыд... Кодкө казялас, да йөз сёрни лоө вөчөма. Гашкө, тэ, Мишө, ветлан Пельшөр Машөясас? Корасян делөнас. Дорйыв, дорйыв вай батьтө...

ПЕДӨР МИШ (*гасыпырысь*). Петала, бара-й. Көть өні, прамөя рөмдытөдз. Сэсся игнасяс гөтырпуыд да, өтка олысь дорад он өна пыр.

ВАСЬ ПЕДӨР (*нимкодьпырысь*). Збыль, пемдытөдзыс и ветлы, мый дырсө нюжмасыны. А ме воигкежлад тшай пузьөда, сола ельдөг чуланьыс лэпта, еджыд доз на дзебасын эм и. Мед сөмын везитас-а...

ПЕДӨР МИШ (*чеччө га петө пызан сайысь*). Но мөді, сідзкө. Гашкө, мыйкө и шузяс-пузяс да та рыт...

ВАСЬ ПЕДӨР (*корана*). Менө Пельшөр Машө ордад ёнасө эн ошкы. Мед ог жө янав, сө лешак!

ПЕДӨР МИШ (*сувтыштлө бать горас*). Кутшөм эм, сэтшөмөн и висьтала Пельшөр Машөыдлы. Быттьө сийө тэнө оз төд. Кузь нэмсө нин оло Шорйылад. (*Пыгісянь ышловзбь.*) Ме со мөдөдча корасыны, а аслам ки-кокөй тіралө. Полөм-яндысьөмөйла...

ВАСЬ ПЕДӨР (*тапнитө пельномас*). Ачыд жө вөзйысин менө дорйывны. Кыдз шулөмаось роч йөз, сам погибай, а отца выручай...

ПЕДӨР МИШ (*керкаысь петтөдз сывйыштлө батьсө*). Молодеч, мый гөтрасьны көсьян! Ме моз он мөжгы.

ВАСЬ ПЕДӨР. Мун нин ветлы, ветлы, а то рытыс талаялас...

Занавес.

МӨД ЮКӨН

Витөд петкөдчөм

Вөчсьө дас во сайын жө, Эжва дорса Шорйыв сиктын. Мир туй бокын сулалысь ичөтик керка. Тані оло Пельшөр Машө. Верөсыс сылөн важон кувсьыліс, өні збодер на ань кургө өтнас. Валентина нылыс карө овмөдчис, верөс сайө петөма, нывкаөс быдтө.

Керка жырйын пызан-улөс, тасьті-пань видзан шкап, өшинь дорас кузь лабич, шуйгакивылын ыджыд пач, кок улын мича джодждөраяс, жыр пельбсын — ен өбразьяс.

Пельшөр Машө ноксьө пызан сайын, тэчө-сөвтө кузиник сумкаө сёян-юан да кутшөмсюрө көлуй, корсюрө чөвтлө видзөдлассө югыд чужөма телевизорлань.

Ывла вылын вочасөн рөмдө, регыд арся пемыдыс сывйыштас Эжва

йывса сиктсö аслас борд улö. Тайö здукö кодкö небыдика таркöдчö-торкöдчö Пельшөр Машöлөн кильчö öдзöсö. Öтчыд дай мöдысь... Коймöдысьсö ёнджыка нин. Недыр мысти Пельшөр Машö кылö зöркöдчöмсö да восьтыштö керка öдзöс.

ПЕЛЬШÖР МАШÖ (*гора гөлөсөн*). Коді нö сэні локтö? Коді зöркöдчö? (*Здук-мöд чöv олыштö, кывзысьö.*)

ПЕДÖР МИШ (*тапикасьö кильчö вылын*). Ме тайö, ме, Машö тьöt. Эн али мый нö тöд?

ПЕЛЬШÖР МАШÖ (*броткöдчана*). Кысь нö быдөнöс тöдан. Öдзöс сайсянныд...

ПЕДÖР МИШ (*лов шысö кутöмөн пычиктö*). Мишö ме, Мишö. Вась Педöрлөн пиыс.

ПЕЛЬШÖР МАШÖ (*чуймыштöмөн*). Коді нö, мися, локтö-а. Мишö тайö вöлöма. А ме первойтö эг и тöд. Озырман, сідзкö... (*Гуля-голя восьталö кильчö öдзöс.*)

ПЕДÖР МИШ (*воськовтö кильчö порог вомөн*). Мыйыськö озырман миян Шорйылын. Оз кö виччысьтöг сикт дорас мусир ылькнит...

ПЕЛЬШÖР МАШÖ (*нюмъялігтыр*). Ылькнитас йöрад, вомтö паськöдöмөн виччысь. Пыр вай керкаас, серамöс эн петкöдлы. (*Воськовтöны югыд биа керка пытшкö.*)

ПЕДÖР МИШ (*сувтовкерлö паччөр горын*). Мися, гашкö, узян нин да...

ПЕЛЬШÖР МАШÖ. Слöйма на воднытö. Аски карö мöдöдча да, век на тай мыйкö нокся. Пöжаси асывнас да гöснеч чукöрта Валяслы. Сылөн öд нывка чужис неважөн. Кöсья вежон кежлö лэччывны, отсыштны гозъялы.

ПЕДÖР МИШ (*здук кежлö тишöкмунлö*). Но-о-о! Кага чужтöма... Висьтав, сідзкөнöсь, мясянь пöсь чолöм. Мед ставыс сы олöмын лоö лючки-бур. Помнитö на кö Валяыд менö...

ПЕЛЬШÖР МАШÖ (*чуймыштöмөн*). Мыйла нö оз помнит öти сиктсатö? Вöйöмсьыд дорйылысьтö да... Не кö тэ, вабергачыд эськö öдйö кыкис нывкатö аслас джумö.

ПЕДÖР МИШ. Енмыс, сідзкö, отсаліс Валяыды. Сэкисö...

ПЕЛЬШÖР МАШÖ (*чöвтö пернапас*). Аттьö Енмыслы да тэ-ныд, Мишö. Мый абу повзьöмыд, кыскöмыд Эжвасьыс вöйысь нылöс. (*Чышкыштö вазьöм синсö.*)

ПЕДÖР МИШ. Бур кывсьыд сё пасибö, Машö тьöt. Мукöдыс эськö ме ног жö вöчисны, аддзисны кö вöйысь морттö.

ПЕЛЬШÖР МАШÖ (*öвтыштö кинас*). Эн вай сөр! Оз на быдөн вабергачад лысьт пырны. Ас юрыд пö тай медся дона.

ПЕДÖР МИШ (*чöла жöдзö паччөр горын*). Дона ли донтöм — ме сэки та йылысь эг слöймы мöвпыштны. Валяыд öдва нин горзіс...

ПЕЛЬШÖР МАШÖ (*кузя ышловзьö*). Муртса кежлö и вöзйысисны купайтчыны пöдруга-нывъясыскöд. Пристань дорöдз пö сöмын лэччылам... Не кö тэ, öні эськö менам ныв ни нучка эз вöv.

ПЕДÖР МИШ. Быдторйыс вермис лоны... Абу весьшөрö шу-лöмаöсь: ваыд пö пыдöстöм.

ПЕЛЬШÖР МАШÖ (*сöгласа довкнитö юрнас*). Сідзи, сідзи, Мишö. Миян Валяыд сэки варчынысö на эз куж. А юö пырны, трасичалы, быть колöма.

ПЕДӨР МИШ (*ланьтыштлө здук кжлө*). Челядьыд тай челядь и эм. Жар гожомнад кысь оз купайтчыны. Кыскөмөн өд кыскө ва дорад.

ПЕЛЬШӨР МАШӨ (*серамсорөн нин*). Посни лешакъяс! Ок, ёна и повзьөдісны миянос сійө гожомө. Муртса эг весьөпөрөй верөскөд.

ПЕДӨР МИШ (*нюмъевтө воча*). Öнi мый нин ропкан Валя вылад. Бур ногөн өд ставыс помасис. Бур ногөн...

ПЕЛЬШӨР МАШӨ. Сідз эськө да... (*Шензьөмпырысь*.) А мый нө ме тэнө паччөр дорас сулөда? Аслам сёрни-басьниөн. Вай водзө воськовт, пуксьы пызан саяс. (*Мыччө Мишлы улөс, та бөрын ваялө пачводзись тшай-сакар, блюдйын небыд пөжас, чашка-пань*.) Тшайөн гөсьтитөда, небыд пөжасөн да...

ПЕДӨР МИШ (*матыстчө да пуксьө өшиньдорса лабич помө*). Ме эськө сөмын на пызан сайысь да. Слабог, картофелным керсис талун, ужнайтны муртса удитім батьөкөд. Атшавмөн лои ноксыны.

ПЕЛЬШӨР МАШӨ (*тшөтш лөсьөдчө пызан сайө*). Зато төвбыд кынөмыд пөт, вомад эм мый дзумгынытө.

ПЕДӨР МИШ. Батьө миян тадзи кымын жө шулө. Мышкыд пө сиктса мортыдлөн век ва, гежөда косьмывлө, но кынөмыс тшыгйыдла оз гуръяв. Он кө, дерт, дышөдчы...

ПЕЛЬШӨР МАШӨ (*тшай кисьталігмоз*). ...Да шоныд паччөр сэрөгад шняпвидз-пукав. Абу өмөй тадзи? (*Ачыс аслыс и вочавигзө*.) Дзик тадзи.

ПЕДӨР МИШ (*нюжөдчылө да сугзөдгө көвдум*). Батьө дөзмылө весиг: керигад пө өти картофелсө, гуө вотөдзыс, ки пырыд лоө дасысь лэдзны.

ПЕЛЬШӨР МАШӨ. Гашкө, и унджыкысь на. Он өд сулав да быд каколь лыдды... Забыль, кыдзи нө батыд олө-вылө? Мый вөчлывлө? Важөнокдь эз паныдасылы улич вылын, да сы вөсна юалі...

ПЕДӨР МИШ (*топөдглө пельпомсө*). Ньөжйөнникөн тай олө-вылө-а. Арнад йөрын ноксим, да та понда горт дорысь ёнасө эз и петаवлы. То лук колө идравны, то сэтөр воөма, то потшөс прасла дзоньталө. Сэсся картофел керны босьтчим... Сійө өд миян бригадир пыдди. Став пуктассө арталө-гижалө да пасъялө кыз тетрадө.

ПЕЛЬШӨР МАШӨ (*нюмунө*). Майбыр тэныд и овнытө, сідзкө. Бур бригадирьдлөн киняулад. Юрыд, бара-й, нинөмысь оз вись. Батыд став олөм-карабнас веськөдлө да.

ПЕДӨР МИШ (*шмонитіг*). Веськөдлынытө эськө веськөдлө, нинөм он шу. Но мукөддырийыс шыбөлитлө жө морттө-ө-ө.

ПЕЛЬШӨР МАШӨ (*сетчыштө Мишлань*). Еремакань! Шыбөлитлө?

ПЕДӨР МИШ (*говкнитө юрнас*). Катовтөдлө, катовтөдлө...

ПЕЛЬШӨР МАШӨ (*нюмсө гзебиг*). Кодарө нө шыбөлитлөсө?

ПЕДӨР МИШ (*эскөдана*). То отарө, то мөдарө... Шыбөлитас да, меным тшөтш сюравлө вина юөмсьыд. Бон-бус пинялас, дузгөдчас, кыв он пычкы, но лун-мөд мысти нюмъялө нин. А тасысь нимкодъыд меным! Бурасьом бөрад гортын быд жыр пелькөда, джодж весиг мыскала.

ПЕЛЬШӨР МАШӨ (*нюмъевтө*). Тадзикөн ассъыд мыжтө вештан?

ПЕДӨР МИШ (*ланьтыштлө*). Быть кызкө вешты, грека кө ме...

ПЕЛЬШӨР МАШӨ. Кывзы, дитяй. Батьыд сы вылө и бать, медем бурсьыс ошкыштны, лёксьыс чырыштны. Ас челядьтө, мися. А тэ, Мишө, этшаджык ырску-ю да партитчи Ма Вань коддьомыскөд. Велөдасны найө дорын узылыны...

ПЕДӨР МИШ (*чөв усьлө*). Вот, вот. Бать таысь жө пинявлө менө. Дозмылас, да вирыс пуомон пуө.

ПЕЛЬШӨР МАШӨ. Пинявлө пө... Ме эськө плешкад клонөді батыд местаын. Тадзитө вөчөмысь...

ПЕДӨР МИШ. Сылон кывйыс клонөдом дорсьыд сө пөв парсыштө-мөрччө.

ПЕЛЬШӨР МАШӨ. Мөрччис кө, эн на кут эськө ёртасыны пыктөм чужөма Ма Ваньыдкөд.

ПЕДӨР МИШ (*лэптө юрсө*). Батьтө ме вина юысь другьяс вылад ог некор веж, Машө тьот. Сійө менам дзик өти.

ПЕЛЬШӨР МАШӨ. Батьыд быдөнлөн өти, абу дас... Сідзкө, и видз олөма морттө, а эн дзерөд.

ПЕДӨР МИШ. Ме өмөй өтдорта сійөс?

ПЕЛЬШӨР МАШӨ (*чышкыштө вом дорсө*). Ачыл жө висьталан, вирыс пө пузылө весиг. Дозмас тэ вылө да...

ПЕДӨР МИШ (*чөв ланьтлө*). Быдторйыс, дерт, овлө кык мужик костад. Отлаынтө олігөн... Он өд төд, кутшөм ру батьолы пырас, кодарө сійөс катовтас.

ПЕЛЬШӨР МАШӨ. Шыбөлитас, шуан?

ПЕДӨР МИШ. Сідзи, сідзи...

ПЕЛЬШӨР МАШӨ (*тшай ырситігмоз*). Мый нө сэки батынды вөчө?

ПЕДӨР МИШ (*ышловзьөмөн*). Инас оз кут өшйыны. Жөдзө отарө-мөдарө керка пытшкын. Öти өшиньсянь мөдөдз гоньялө. Быттө мыйкө воштөма.

ПЕЛЬШӨР МАШӨ. Менам овлө жө таджитө. Гажтөмлуныс кор пыкас. Öтка пөткатө...

ПЕДӨР МИШ (*сөгласа говкнитө юрнас*). Вот, вот. Буретш öтка олөмыс и лов вывсьыс уськөдө батьөс.

ПЕЛЬШӨР МАШӨ. А тэ нө мый вылө? Батьтө гажөдысьыс.

ПЕДӨР МИШ (*кыскыштө нырнас*). Менам өд, Машө тьот, аслам делөяс да мый да. Ог вермы сы дорын лун-лун пукавны.

ПЕЛЬШӨР МАШӨ. Уджалан али мый?

ПЕДӨР МИШ. Кытысь нө Шорйылад уджыс? Нокся-отсая сиктсалы. Öти корлас пес поткөдлыны, мөд — потшсьыны... Кодкө да кодкө и йөрсө ытшкыны чукөстлас.

ПЕЛЬШӨР МАШӨ. Сиктад сідзи и эм, посни уджыд төв и гожөм ки улад пырө.

ПЕДӨР МИШ (*кызөктыштө*). Посни уджыд век эськө сюрө, сөмын тай прамөйджыкыс дзикөдз быри... Машина ни трактор шы сиктаным оз кыв.

ПЕЛЬШӨР МАШӨ (*кузя ышловзьө*). Став томуловыс карө усьысисны да... Коді нө гөрны-көдзны кутас? Ми али мый батыдкөд петам? Пөрыся-нэмө...

ПЕДӨР МИШ (*нюмсө дзебиг*). Петалөй бара-й. Пуж петкөдлөй мукөдыссы.

ПЕЛЬШӨР МАШӨ. Сералан сәні, сө лешак! Миянлы сөмын шоныд паччөр нин колө, еремакань.

ПЕДӨР МИШ (*ошйысына*). Менам баты йылысь тадзитө он шу. Чирк кодь на, ен ськөдөн. Сөмын зэв гажтөмтчө, гөтыртөгыд колис да.

ПЕЛЬШӨР МАШӨ (*шогалана*). Ме со кымын во жө нин өт-нам... Челядь воласны да, сәки медся гажыс и овлө.

ПЕДӨР МИШ. Висьтала тай, мися, өтарө-мөдарө жөдзө... Батьөй, шуа. Морттө шогыс личкөмөн личкө.

ПЕЛЬШӨР МАШӨ. Сэтшөм, сэтшөм пөрысь олөмыд. Кор уджалан вөлі, быдөнлы ковлін, а пензия вылад тэөдз некодлы делө абу. Мог кө оз су...

ПЕДӨР МИШ (*небыдика*). Ме эськө, Машө тьот, могөн жө кежи да...

ПЕЛЬШӨР МАШӨ (*чорыга*). Удждысьны кө пырин, менам лишалана сьөмыд оз туплясь. Ачыд төдан, өти пензия вылын ола, да и сийө чаль ыджада, абу чина йөзлөн кодь. Сэсся Валя нывлы на век отсыштны лоө. Аски со бара сы ордө мөдөдча.

ПЕДӨР МИШ (*нюммуныштө*). Ме өд эг удждысьөм ради во, Машө тьот. Мөд могөн пыри...

ПЕЛЬШӨР МАШӨ (*чуймыштөмөн*). Шмонитан, буди-а?

ПЕДӨР МИШ. Ог шутит. Сө збыль.

ПЕЛЬШӨР МАШӨ. Кутшөм-сэтшөм мог нө тэнө суис? Арся рытас.

ПЕДӨР МИШ (*здук кешлө ланьтыштлө*). Эз менө, Машө тьот. Батьөс. Сийө и мөдөдіс тэ дорөдз... Сідз пө да сідз, варови-тышт ме нимсянь... Юась лючки-ладнө, лөсяла ог да мый да...

ПЕЛЬШӨР МАШӨ (*жөдзны кутө весиг*). Мый нө сәні мөм-ган? Висьтав кылөн-вомөн, кодлы лөсялас оз? Батьыд, мися. Горшад быттө йики сатшкысьөма.

ПЕДӨР МИШ (*тишөкмунө да кызөктыштө*). Мыйкө тай гөлө-сөй чирзыштіс... Кодлы да кодлы, юалан. Оз өд Ма Ваньлы, небось. Машө тьотлы.

ПЕЛЬШӨР МАШӨ (*шензьөмпырысь*). Сө мокасьт тай!

ПЕДӨР МИШ. Гашкө, тиянлы кыкнад и збыль гажаджык лоө. Отлаасьны кө, шуам... Оти лэбулө овмөдчыны...

ПЕЛЬШӨР МАШӨ (*вак-вакөн серөктө*). Öвсы вай, Мишө. Йөз пельөдз мед тайө оз жө во-а... Яналам кыкнанным.

ПЕДӨР МИШ. Мыйла нө яналад?

ПЕЛЬШӨР МАШӨ (*өвтыштө кинас*). Больгыны быдторсө мөдасны. Сэсся кутшөм нин ме невестапу. Квайтымын сайө катовтіс...

ПЕДӨР МИШ. Миян батыным абу жө дас квайт арөса. Важөн нин пензиятө босьтө.

ПЕЛЬШӨР МАШӨ (*быттө оз кыв Мишөс*). Йөз сөрни сөмын вөчам. Блонгыны сикт пасьтала кутасны: йөймөмаөсь пө, этшсө воштөмаөсь кык пөрысь йөйыс.

ПЕДӨР МИШ (*асланьыс нырө*). И мед, колөкө, ызгөны-бызгөны. Быдөнлысь вомсө он каличав. Öвясны жө коркө...

ПЕЛЬШӨР МАШӨ. Ланьтнытө, гашкө, и ланьтасны. Но өд менам аслам олөм-вылөм, керка-карта, паськыд-мича йөр. Гөгөр ас киөн пелькөдөма...

ПЕДӨР МИШ (*вочасөн ланьтыштө*). Миян гөгөр жө дзим-дзурк. Керканым ыджды, төвся да гожся юкөнъяса. Ставным

тöрам. Йöрыд, майбыр, вель паськыд и. Орччöн пывсян, кык ва струба.

ПЕЛЬШÖР МАШÖ. Тöда, тöда, батыд киподтуя морт. Ма-мыд, Валентина Дмитриевна, пыр сийöс ошкывліс, лёк кыв эз шулы...

ПЕДÖР МИШ (*гöзыштöма нин корасьöмсьыс*). Сэсса кöни окотитанныд, сэнi и олой. Кöть миян керкаын, кöть тэнадын, Машö тьöt. Рочьяс ногөн кö, вольному воля. Ме серти, батыкöд öти кывъяд öдйö на и воанныд.

ПЕЛЬШÖР МАШÖ (*мугера нюмъевтö*). Митö воам, воам, эн шогсьы. Батытö ме сё во нин тöда.

ПЕДÖР МИШ (*кокниа ышловзьö*). Кысь нö он тöд. Мамö на миян тэкöд уджавліс öти кадö. Санитаркаөн медпунктад.

ПЕЛЬШÖР МАШÖ (*Мишлань вешйыштиг*). Матö дас во öтла-ын зiлим. Шань сьölöма да пöслукман морт вöлі. Быд удж сы киын пүөмөн пуис. Кувтöдз кута казъывны мамтö бур кывйөн.

ПЕДÖР МИШ (*шогпырысь*). И гортын пелькöдчыны удитліс, пусыны-пöжасьны да. Сöмын тай Енмыс сылы дженьыд нэм сетлöма...

ПЕЛЬШÖР МАШÖ. Зато мичаа оліс, мед кöть эз и дыр. Ку-им челядьöс чужтіс-быдтіс, кок йылö батыдкöд сувтöдісны.

ПЕДÖР МИШ (*чышкыштö вазьöм синсö*). Сё збыль, Машö тьöt. Кыдз шуласны, содтыны ни чинтыны. Дзик тадзи...

ПЕЛЬШÖР МАШÖ (*небыдик гөлөсөн*). Дзик кö тадзи, кыв-зышт вай менö, олöма мортöс. Аттьö, дерт, Фёдор Васильевичлы коралöмсьыс, но ме сылысь Валентина Дмитриевнатö вежны ог сяммы. Кöть пернапас чöвта...

ПЕДÖР МИШ (*нориника*). А батылы нö мый шуа?

ПЕЛЬШÖР МАШÖ. Тадзи и висътав. Менам кывъясөн. Мед сöмын оз дöзмы-а...

ПЕДÖР МИШ (*шöйöвошöмөн чеччö пызан сайысь*). Висътала, мися, сідз да тадз да... лөнъодышта морттö. (*Пельшөр Машöлань*). Энö дивитöй волöмысь дай... Муна, инö... гортö лэчча...

ПЕЛЬШÖР МАШÖ. Мун, пиук, мун, ме сэсса узыны жö вода. Аски водз чеччыны лоö...

Педөр Миш öдйö петö Пельшөр Машö дорысь да лэччö гортас. Керка пытшкын писö жöдзö-виччысьö батысь, Вась Педөр.

ВАСЬ ПЕДÖР (*небыдика ышлолаліг*). Но, Мишö, кыдзи-мый? Кодарö нö корасян делöыс бергöдчö?

ПЕДÖР МИШ (*видзöдлö батысь былö, сэсса быттö тшöк-мунлö*). А некодарö на. Эг су гортсьыс невестапутö. Карö пö лэччöма, нывсö видлыны.

ВАСЬ ПЕДÖР (*чуймөмпырысь*). Но-о, коркö удитлöма нин карö утөвтны. Тöрыт на лавка дорысь адзылі-а...

ПЕДÖР МИШ (*жаляггза*). Слöймылöма тай, лешак машинаыд.

ВАСЬ ПЕДÖР (*нюмъевтö*). Эн шогав. Мöдысь коркö кайлан. Дыр оз на кут ветлыны. Регыд бөр локтас...

ПЕДÖР МИШ (*пуксьö пызан сайö*). Локтас, дерт. Век кежлö эз лэччы... Вай, батыö, кöть тшайөн юктöд, горшöй дзикöдз пакталіс тайö корасьöмөн.

ВАСЬ ПЕДӨР (*тэрыба*). Юктöда, бара-й. Тшайыд менам пöсь. Нелямын тшупöдасö на кисьта и. Зильöм-старайтчöмсьыд.

ПЕДӨР МИШ. Чолькнитышт, буди. Мед миянлы коркö быть везитас...

Занавес.

Квайтöд петкöдчöм

Вась Педөръяслөн керка. Керка жырйын, пачводзын, ноксьö-бергалö гажа юра Педөр Миш. Сийö тэрмасьтöг идралö пызан вылысь сёян-юан, тасьтi-пань, стöкан-чашка. Мыйсюрö петкöдалö посводзын сула-лысь ас вöчöм ящикö, мыйсюрö новлö пачводзö, нянь да пöжас тэчö-кольö пызан помö, вевттьö дöраторйөн. Ыджыд көрт тасьтiö кисьтö пöсь ва да босьтчö мыскавны-пожъявны тасьтi-пань. Недыр мысти керка öдзöсö кодкö тотшкöдчö: öтчыд, мöдысь... Небыдика, оз мужикъ-яс моз кума-кама зöркöд.

ПЕДӨР МИШ (*гораа*). Пырöй, вай пырöй. Абу öд калича...

Керка öдзöс дзуртыштöмөн воссö да порог вомөн вежавидзана воськов-тö Пельшөр Машöлөн Валентина нылыс.

ВАЛЕНТИНА (*нюмъёвтöмөн*). Чолöм-здоровье, Мишö. Мися, некод, тыдалö, абу, а тэ гортад вölöмыд. Идрасьöмсьыд торки, буди...

ПЕДӨР МИШ (*эновтчö тасьтi-пань мыскалöмысь*). Эн, эн торк. Мыйла сiдзисö шуан... Кык чой муртса на карö лэччисны, а ме босьтчи пызан вывсö пелькöдыштны. Талун батьöлөн öкмыс лунся да...

ВАЛЕНТИНА. Öкмыс лунся нин? Кадыс тай лэбöмөн лэбö...

ПЕДӨР МИШ (*ышловзьöмөн*). Шывгö тай, миянлысь оз юась. Асывнас шойна вылö ветлiм, казытыштiм-вошйöдiм батьöös. Лок-тöм бöрас гортын пукыштiм чойяскöд. Сэсся найös колльöдi да мый да... Öнi со дзик öтнам коли. Гуляй, Мишö.

ВАЛЕНТИНА. Нинöм. Велалан вочасөн. Менам тай мамöй кымын во öтнас да. Олö-вылö кыдзкö.

ПЕДӨР МИШ. Быть öд ов, ставным карад огö тöрöй.

ВАЛЕНТИНА. Ме эськö мамös кымыныськö корлi жö да, сöмын кинас öвтчис: меным пö буса карыд дарöм оз ков.

ПЕДӨР МИШ. А-а-а! Кын юр ме дзик, порог дорас сулöда татшöм мича аньös. Воськовт вай водзö, пуксы пызан саяс. Час, тшай кисьта, чериняньон да небыд көвдумөн чöсмöдла тэнö. Гашкö, винатор чолькнита?

ВАЛЕНТИНА. Аттьö, Мишö, но винатö ме ог ю.

ПЕДӨР МИШ (*чуймыштöмөн*). Ньöти али мый?

ВАЛЕНТИНА (*довкнитö еджыд юрнас*). Дзик ньöти. Сё збыль.

ПЕДӨР МИШ (*гэльöдана*). Весиг войт мында?

ВАЛЕНТИНА (*чорыда*). Весиг войт джын.

ПЕДӨР МИШ (*пуксьö жö пызан сайö*). Весиг батьöös казы-тыштöм ради?

ВАЛЕНТИНА. Батьтö позьö и тшайөн казытыштны, абу быть вина-сурөн.

ПЕДӨР МИШ (*яндысяна*). Сідз эськө да... Но винаыд тай чөскыдджык.

ВАЛЕНТИНА. Кодлы өд кыдзи. Ётилы юмов, модлы курыд...

ПЕДӨР МИШ (*шензьомпырысь*). Но и дивё! Миян Шорйылын өти ютөм мортөн тай унджык лои. Тэ, Валентина, пыксы коть эн, а ме гулькнита стопкатө. (*Юё.*)

ВАЛЕНТИНА (*чөв олыштөм бөрын*). Ме эськө, Миш, тэ ордө могөн пыри да...

ПЕДӨР МИШ (*гажмыштөма нин*). И менам тэ дорө сёрни эм.

ВАЛЕНТИНА (*чуймыштө*). Мый йылысь нө?

ПЕДӨР МИШ. Вай бөрынджык висьтала.

ВАЛЕНТИНА. Гуся сёрни али мый?

ПЕДӨР МИШ (*инмөдчылө Валя пельпомө*). Абу дзик гуся. Меным инмө. (*Индө ас вылас.*) А могыд тэнад некытчө на оз пышйы, мунтөдыд казгышт дай... Вай первой ю-сёй, да вочасөн и могөдыд воам. (*Ваялө пачвовгысь согтөд сёян-юан.*)

ВАЛЕНТИНА. Гашкө, вунөдан да. Гажа юрнад. Кутшөм могөн волі...

ПЕДӨР МИШ. Ог, ог вунөд. Кумполөй (*тотшнитө юрас*) уджалө на, ен сыкөдөн.

ВАЛЕНТИНА (*нюмдыштө да ырситө кисьтөм тшай*). Уджалө кө, бур нин. Школаад, помнита, эн лёка велөдчыв да. Триястөг, буракө?

ПЕДӨР МИШ. Триястөгыс сөмын сизимөд классөдз. Сэсся тшыкси...

ВАЛЕНТИНА. Кыдзи нө тшыксин?

ПЕДӨР МИШ (*вигзөглө Валя вылө*). Сідзи и тшыкси. Тэнө аддзи да. Юрөй бергөдчис, вежөрөй торкис.

ВАЛЕНТИНА (*чуймалана*). Збыль али мый?

ПЕДӨР МИШ. Дзик збыль. Мый өні дзебнысө.

ВАЛЕНТИНА. Мися, котравны кутін ме гөгөр. То юрсид някыртан, то пальтоос дзебан, то горт дорөдз мир туй кузя вөтчан...

ПЕДӨР МИШ (*нюмсө гзебиг*). Любовыд тай быдторсө вөчө. Нөшта медводдзаыд...

ВАЛЕНТИНА (*вашьяліг*). Сөр сэні, Мишө. Медводдза пө... А Митрей Галыыд нө?

ПЕДӨР МИШ (*серөктө*). Ме бара-й сійөс некор эг кольөды, ог нин шу радейтөм йылысь.

ВАЛЕНТИНА. Пөръясян! Нывъяслы Гальөыд вөлі быд пельөсын ошйысьома: Педөр Миш пө ме понда косьмөмөн косьмө...

ПЕДӨР МИШ. Ылөдчөм! Ачыс ставсө лөсьөдлөма. Зонъяскөд сэки топөдлім, да өдйө и висьтасис...

ВАЛЕНТИНА (*думыштчылө*). Сурнин Васьяслөн Аляыс гартчыліс на и. Школаад велөдчигөн.

ПЕДӨР МИШ (*довкйөдглө юрнас*). Мир смек! Сійө өд меысь ёна том... Нёньпом кага.

ВАЛЕНТИНА. Мукөд томыс адөй на и збойөсь...

ПЕДӨР МИШ. Мун сэтысь... Аляыд абу ме серти. Пелыс чужөма, беринөсь... Некод, коньөрөс, сэсся эз и босьт верөс саяд.

ВАЛЕНТИНА (*чөв ланьтлө*). Гашкө, кодкө на и коралас да? Абу өд Аляыдлы сө арөс.

ПЕДӨР МИШ. Гашкөйд пө кашкө... Алаядлөн бөжыс кузь. Ныла-пияос өтнас быдтө. Чуркаясөс.

ВАЛЕНТИНА (*зумыша*). Коді нө батьясыс?

ПЕДӨР МИШ (*чуймыштөмөн*). Кысь ме тода! Орчча посёлок-саяс вылө шуёны. Накөд пө гуляйтлөма...

ВАЛЕНТИНА. Со кызди... А ме карад олигөн нинөм эг и кывлы. Лун-мөд кезлө сиктад вола да...

ПЕДӨР МИШ (*сёрни костас бара вина юыштө*). Регыд, регыд шняч ас мортөн лоан.

ВАЛЕНТИНА (*вигзөглө Миш вылө*). Öнi мöй абу ас? Бокөвöй али мый?

ПЕДӨР МИШ. Абу бокөвöй, абу; менам гажа юрнад не сi-дзи шусис.

ВАЛЕНТИНА. Мөдтор кө вомсьыд петис, стопкатө вешты нин. Эн гулькйы-ю сэсся.

ПЕДӨР МИШ (*кывзысяна*). Дзеба, час, шкапө пукта. Увлань юрөн. Мед оз дэльöдчы...

ВАЛЕНТИНА (*төждысяна*). Могөн öд ме пыри... Эг сiдз-тадз.

ПЕДӨР МИШ. И менам, мися, сёрни тэ дорö эм...

ВАЛЕНТИНА. А код юрнад нө кутшөм сёрни?

ПЕДӨР МИШ (*ырскö-юö кружка тыр сук тшай*). Час, паляла. Абу на вывтi и код.

ВАЛЕНТИНА. Ю-сөй вай, ме виччысьыштла. Эн нин винатө кисьт.

ПЕДӨР МИШ (*өвтыштө кинас*). Тырмас сэсся. Ачыл вай сөйышт жö, чериняньсö видлы да. Кык чой асывбыд пöжасисны.

ВАЛЕНТИНА (*нурьясьö*). Чериняньыс кутшөм чөскыд! Дул-льыд петö.

ПЕДӨР МИШ (*нимкодя*). Мамö на велöдлiс чойясöс пöжась-нытö. Садьмөдас водзсьыс-водз, да этша зунясясны пачводзын. Шы ни төв ноксьöны, шөпкөдчöны ас костаныс.

ВАЛЕНТИНА. Менö мамö жö пуны-пöжасьнытö велöдлiс. Пö-жасян лунад вöлi зэв водз чеччас. Гөгөр дзурс пемыд на.

ПЕДӨР МИШ. А öнi мамыд пöжасьлö жö?

ВАЛЕНТИНА (*шензьөмпырысь*). Кысь нö оз? Быд вежон чөс-мөдлö миянөс картупеля шаньганад да көвдумнад. Нывкаöй ме-нам пöч гөгöрыс и бергалö пöжасян лунад. Шуö: бабöлы пö от-сая и ачым велöдча.

ПЕДӨР МИШ (*ланьтыштлө здук-мөд кезлө*). Кывсьö, мамыд дорö пö, гортад бөр локтöмыд. Дзикöдз вылө али кызди?

ВАЛЕНТИНА. Быттö тай дзикöдз вылө-а... Тöлысь сайö нин уджала посёлокса больничаян. Пельшөрөн.

ПЕДӨР МИШ (*шензяна*). А ме эг и кывлы. Гуасьöмнад да мый да ставыс гудыртчис...

ВАЛЕНТИНА (*чегыштö көвдум*). Бөр тай локтi-а... Көлуйöс да кутшөмсюрö эмбур коли вайны. Регыд лэччыла нал. Машина кузяыс Петыр Öлкөд сёрнитчи нин.

ПЕДӨР МИШ. Но и бур. Гортад, майбыр, медся на лөсьыд. А верöсыд нö? Татчö жö локтö?

ВАЛЕНТИНА (*дышпырысь, сьöкыда*). Ен мед видзас. Сыкөд ме юкси. Мам дорö локтöдз на. Киасьны кутiс да. Удж ни олөм лои...

ПЕДӨР МИШ (*палялыштö весиг*). Но и дела! Чуймөдін тай менö. Мися, карас дзикöдз вужъясин, а тэнад со кутшöмтор лоöма.

ВАЛЕНТИНА. Юксöмөдз воис да, мый сэсся вöчан. Ачым мыжа...

ПЕДӨР МИШ (*жальпырысь*). Мыйысь нö мыжаыс?

ВАЛЕНТИНА (*гольсьялана сьöлөмөн*). Ставсьыс мыжа... Мый верöс сайö бырс петі, карса сайö, мый патера вылас ыштыси, сэсся öдйöник кага вайи... Лолöй эськö пыксьö, а ме ас ног ныра-вöча. Сэтшöм нин этш, тыдалö, Енмыс сетлöма да...

ПЕДӨР МИШ. Асьтö мыйла сöмын мыжалан? А верöсыд нö?

ВАЛЕНТИНА (*чышкыштö вазьöм синсö*). Мамыслы вомас видзöдiс. Öтлаынтö олiгөн энъка пыр писö дорйис, код юра кöть садь локтас. А кор мамыс кувсис, Сергей быттö дзик мöд морт лои.

ПЕДӨР МИШ. Лёкланьö вежсис?

ВАЛЕНТИНА (*бара чышкыштö синсö*). Чайтан, шöвктугйөн петкöдчис? Эз, дерт. Ёнджыка на мöдiс тешитчыны...

ПЕДӨР МИШ. Сё лешак, мый сылы карас эз тырмы? Патера эм, удж эм, гöтыр-челядь орччөн...

ВАЛЕНТИНА. Гортын эз кут узылыны, быд рыт юис-кодалiс. Волас да, тышкасьны век зэвтчö. Нöйтлiс и быдтор менö. Сэсся кывсис: кок шонтысьöс пö лöсьöдöма.

ПЕДӨР МИШ. Та бöрын, тыдалö, и юксинныд?

ВАЛЕНТИНА (*ышлоалiг*). Быдса кык во на йöйталöмсö терпиті. Нывкай жаль вöлі: мися, батытöг коляс.

ПЕДӨР МИШ (*виччысяна*). Ори жö коркö тешитчана гезйыс?

ВАЛЕНТИНА. Ори. Кор нылöй ырзöмөн бöрддзис да шуис, миянлы пö татшöм батыд оз ков...

ПЕДӨР МИШ (*ланьтлö, мыйкö ас кежсьыс мөвпалö*). Со мый пыр тэныд ковмöма мунны, сё лешакö. (*Жаляггза ышлоалö.*)

ВАЛЕНТИНА (*юыштö тшай*). Кысь нö мортыд тöдан, кызди олан туйыд артмас? И ме эг тöд, бурас век эски. Кызди мам-бать велöдлiсны...

ПЕДӨР МИШ. Сиктса нывъясыд абу карсаяс, пöслукманöсь; найöс кокниа и пöрйöдлöны. Гача войтырыд, мися. Абу öмöй сiдзи?

ВАЛЕНТИНА (*чöв олыштö звук*). Мед нöсь тэ ног лоö. Но киссьöм ватö пожнад он курав. Öнi колö кызкö водзö овны... Мамкöд öтув кыпöдны быдтасöс.

ПЕДӨР МИШ (*ловзö*). Мамыд тэнад бур морт. Лым вылö оз коль. Мыйөн вермас, сйөн и отсалас.

ВАЛЕНТИНА. Мамö и корис менö гортö да. Кор висьталі, кызди верöсöй асьсö кутны мöдiс... Во джын думайтi, локны али не. То öтарö катовтла, то мöдарö... Сэсся вені жö полöм-майшасьмөс.

ПЕДӨР МИШ. Батыö миян абу весьшөрö бöрйылöма мамтö. Гöтырпу вылад, мися. Жаль, сэкитö нинöм эз пузы. Сöмын юрöй яналіс.

ВАЛЕНТИНА (*пыркнитö юрнас*). А меным мамö корасьöм йывсьыд кыв ни джын эз висьтавлы. Быттö нинöм абу и вöвлöма. Тöрыт на и тöдмалі, тiянö волiгөн...

ПЕДӨР МИШ (*серöктыштö*). Со кутшöм топыд вома вöлöма

мамыд. Менам весьшөрö повсьöма: мися, став Шорйылыс кутас тöдны корасьöм йывсьыд, а мöдарö лои.

ВАЛЕНТИНА (*жальпырысь*). Мый сэсса вöчан, абу вермöма мамö отсавны батыды да. Пыксьöмön пыксьöма... Валентина Дмитриевнатö пö ме вежны ог сяммы...

ПЕДÖР МИШ. Тадзи и шуис сэки мамыд. Сöмын батылы ме мöдтор висьталi, пöръялi сийöс: мися, абу гортас, карö ныв дорас лэччöма Машö тьöтыд.

ВАЛЕНТИНА (*чуймыштöмön*). Мыйла нö пöръялiн?

ПЕДÖР МИШ (*лэгзö синсö*). Лолöй эз лэпты морттö дойдны. Мися, майшасьны кутас да, друг мыйкö лоö, сьölöмыс топöдас ли мый ли... Абу öд дас квайт арöса.

ВАЛЕНТИНА. И кор нö збыльсö висьталiн?

ПЕДР МИШ. Кад колыштöм бöрын. Мöдысь кутiс ыстыны мам дорад да...

ВАЛЕНТИНА. И мый нö батыд шуис? Пинялiс али ошкис?

ПЕДÖР МИШ (*здук чöv олыштö*). Ошкис... Карнанön мыш кузя, та бöрын дзонь вежон эз сёрнит.

Кыкнанныс серöктöны.

ВАЛЕНТИНА (*ланьтыштлö здук-мöг кeжлö*). Ме эськö, Миш, могөн пыри да...

ПЕДÖР МИШ. Кутшöм-сэтшöм мог нö суис?

ВАЛЕНТИНА. Мися тай, регыд көлуйöс да шкап-пызан-улöс кута карсянь вайны. Машинаön. Мамö ордö... Гашкö, отсыштан ректысьны-пыртлысьнысö? Ме öд быть мынтыся...

ПЕДÖР МИШ. Уджыс вöчтöм на, а тэ мынтысян нин... Отсала, дерт. Пикö ог вошты. Игана кө лоа, зөркöдчы дай...

ВАЛЕНТИНА (*кокниа-тэрыба*). Петыр Васьöс тшöтш корла. Мед отсыштас. Öнi Шорйылын тай, мамсö пö видлыны локтöма. А то гортын миян ставным бабаяс...

ПЕДÖР МИШ. Корлы, корлы, кыкнад ректысьнытö кивывджык. Васьтö, лешакöс, ме батыöс дзебöмсянь нин эг аддзыв.

ВАЛЕНТИНА. Вот и аддзысьланнуд. Час, мунiгмоз сы ордö кeжала жö. Мед тэ дорö волас. Сёрнитчöй кыкөн сэсса дай...

ПЕДÖР МИШ (*рагпырысь*). Мед пыралас. Гажöдыштас көть менö, öтка пöткатö. Шог думъясысь орддас...

ВАЛЕНТИНА (*чуймыштöмön*). Том на шог думъястö юрад бергöдлыны. Сö арöса öмöй?

ПЕДÖР МИШ. Абу эськö да... Но мыйкö неладнö быттö. Дольсвидзö сьölöмöй морöс пытшкын...

ВАЛЕНТИНА. Мый нö лои? Гашкö, чойясыдкöд пинясин да? Лэччытöдзныс?

ПЕДÖР МИШ (*чövтлö синсö Валя вылö*). Пинясьнытö эськö ёна эг пинясь, но кыкнад менö прамöя топöдiсны.

ВАЛЕНТИНА (*ышловзьöмön*). Вина юёмсьыд?

ПЕДÖР МИШ. И сыысь тшöтш.

ВАЛЕНТИНА. Сэсса нö?

ПЕДÖР МИШ (*шлaпкö ки пыдöснас пызанö*). Карö мырдөн кыскöны менö. Öтнамтö танi коли да, вошан пö Шорйылад, юсян дзикöдз.

ВАЛЕНТИНА. А тэ кыдзи? Мый чойясыдлы шуин?

ПЕДӨР МИШ (*юалана вигзöглö Валялань*). Ме, ме налы ни-
нöm на эг вочавидз. Мися, вай нелямын лунсясö батъыдлысь
виччысьлам да сы бөрти сёрнисö орöдам. Быттьö тай кöсйысис-
ны-а... Виччысьлам пö.

ВАЛЕНТИНА (*пыдiсянь ышловзьö*). Чайта, вузавны ставсö
вöзйöны? Чойясыд, мися. Керка-картатö, эмбуртö да йöртö?

ПЕДӨР МИШ (*зумыша*). Сидз тай гаралöны-а... Удж меным
кöсйöны корсьны, оланiн да. Весиг гöтравны дасьöсь кык чой.

ВАЛЕНТИНА. А кытчö ас лолыд кыскö?

ПЕДӨР МИШ (*довкнитö юрнас öтарö-мöгарö*). Дзик ог тöд.
Мен быттьö юрö нöшкөн вартисны. Та вöсна и кöсья вöли сёрнит-
лыны тэкöд. Кодарö-мый сетчыны...

ВАЛЕНТИНА (*думыштчылö*). Ме öд, Мишö, абу тун. Ас саяд
ставыс. Кыдзи шуан, сидзи и лоö. Лэччан кö — лэччан, кольчан
кö — кольчан. Некод тэнö сира гезйөн оз кыскы карад.

ПЕДӨР МИШ. Сидз эськö да... Карыд ылын, а гортыд орччөн.
Карса олөм дорад велавны на колö. Чойяслы вомнад кокни из-
нытö. Кымын во бокынöсь да...

ВАЛЕНТИНА. Менö тай олөмыд топöдiс, да быть лои гортлань
сетчыны-а...

ПЕДӨР МИШ (*гыжйыштö юрсö*). И менö со жмитiс олөмыд
пемыд пельöсö. Мый и чойяслы вочавидзны? Кыдз тэ думайтан?

ВАЛЕНТИНА. Мися тай, ас сьölөмыдлысь юав. Мый ещö
тэныд шуа?

ПЕДӨР МИШ. Мый пö шуа... Висьтав, кодарлань кежнысö?

ВАЛЕНТИНА (*чуймыштöмөн*). Кодi нö ме тэныд, мед олан
туйтö индавны?

ПЕДӨР МИШ (*зумыштчылö-ланьтлö*). Кодi, кодi пö... Но морт,
но челядьдырся ёрт... Этша али мый? Коркö öд ме тэнö радейтлi
на и...

ВАЛЕНТИНА (*нюмунö га петö пызан сайысь*). Аттьö, Мишö,
пöсь тшайсьыд да чöскыд кöвдум-чериняньсьыд. Муна нин, а
то воштасны гортын. Эн вунöд кöсйысьöм йывсьыд. Карсьыс
воам машинанас да быть чукöстла. Öтнам öд ог мöд ректысьны.

ПЕДӨР МИШ. Ог вунöд, ог. Эн асьтö пес. Васьтö корлы
тшöтш и.

ВАЛЕНТИНА. Висьтала, мися. А тэ вай думайт-мövпав, Мишö.
Кодарö-мый сетчынытö. Чойясыд, он и тöдлы, бөр воасны...

ПЕДӨР МИШ (*чеччö га кольöгö Валяöс öгзöс горöгз*). Мый
сэсся вöчан, быть лоö юрöс жуглыны. Шома кöть абу сйö.
(*Егжыд юра Валя петö, а Педөр Миш пыдiсянь ышлолалö, сэсся
крапкö ачыс аслыс: «Но и олөм пуксис, сё лешак! Босьт да
кöть ваö пыр...»*)

Занавес.

Сизимöд петкöдчöм

Педөр Мишъяслөн керка пытш. Еджыд юра Валялөн мунöм бöрын
Миш бара на ноксьö-мыськасьö пачводзын, сэсся пуксьö пызан сайö
да гораа ырскиг юö тшай. Посводзын кылöны кок шыяс. Кодкö зöрк-
нитö керка öдзöсö: порог вомөн тэрыба воськовтö Петыр Вась, Мишлөн
челядьдырся ёртыс. Сы бöрся мыччысьö Опонь Микол, Педөр Мишкöд
öттшöтшъя кымын, сиктса олысь жö.

ПЕДӨР МИШ (*петө пызан сайысь да кияссö паськөдмөн вочалö пырысьясöс*). Мися, оз нин кежавны-а, но со тай воин-ныд жö... Аттьö, вок-ёртьяс, таысь. Абу вунöдмныд, мый батьö-лөн талун öкмыс лунся. Воськовтöй вай порог дорсьыс да пук-сьöй пызан саяс...

ОПОНЬ МИКОЛ (*пуктö пызан вылö вель ыджыд тубрас*). Ас кыйöм чери солыштлi да со буретш лöсялiс. Батьыдлөн лолыс мед кöть номсасьыштас. Радейтлiс Васильевичыд ас кыйöм черитö... Сэсса и ми виддам тшöтш.

ПЕТЫР ВАСЬ (*лукйысьö питшöгас да сувтöгö пызан шöрö водка доз*). А тайö еджыд платтьöаыс Миколайлөн чери дорö содтöд. Мед бурджыка кылалас... Батьтö казътыштöм ради да...

ПЕДӨР МИШ (*азыма сывйыштö да топöглö ас бердас челядь-гырся ёртъяссö. Первой Опонь Миколöс, сы бöрын Петыр Ва-сьöс*). Төрöдчöй вай кызкö-мыйкö пызан саяс да казътыштам батьöös. (*Мыччалö воысьяслы тасьтi-пань да мый да, матыстö налань сёян-юан. Тэрыба вайö пачводзысь ассьыс вина доз, лыш-кыда кисьталö курыдторсö. Лэптö тыра стопка да куумнанныс юöны.*)

ОПОНЬ МИКОЛ (*кыскыштö нырнас*). Кежим кö, казътыштам, дерт. Сё во нин тадзисö эг пукавлöй да. Куим коми, куим ёрт... Öтшöтшгьяс, еремакань...

ПЕТЫР ВАСЬ (*бергöдчыштö Опонь Миколлань*). Абу дзик тшöтшгьяс. Тэ миянысь арöсөн ыджыдджык, буди? Сiдз абу, Миколай?

ОПОНЬ МИКОЛ. Сiдз кымын. Костным чаль кузъта и эм. Öти воыд морт олöмад — тшаква...

ПЕДӨР МИШ (*довкнитö юрнас Миколлань*). Сюсь юра öд детинаыс. Эз весышöрö колхоз-совхозад бригадиравлы. Весиг управляющöйöдз волiс коркö... Миян Шорйылын.

ПЕТЫР ВАСЬ (*вашъялiг*). Помнита, помнита... Газетö на ме гижлi чинсö сетöм бöрын. Мися, прамöй морт улö веськалiс сиктса видз-му овмöс. Лыддылiн, тыдалö, статьяöс «Коми му» газетысь?

ОПОНЬ МИКОЛ (*нюмъөвтö воча*). Лыддылi, дерт, кысь эг. Зэв мичаа гижöмыд-шаркөдöмыд. Шылыда-молыда. Менам быд кöсйысьöм йылысь гарыштöмыд и, сё лешак... (*Кутчысьлö юрас.*)

ПЕТЫР ВАСЬ (*чуймыштöмөн*). Казътыштi и эм. Зэв азыма сэжитö вомнад изiн да... Кыдзи тэ висьталiн, ме сiдзи и гижи. Мукöд моз эг содтав-чинтав.

ОПОНЬ МИКОЛ. Ме öд ог шу, мый содталöмыд...

ПЕТЫР ВАСЬ. А мый нö?

ОПОНЬ МИКОЛ (*зумыштчылö*). Сола кöч вый нö. Ва гöптö сурттöм кодъ ставыс артмис да. Збыль олöмас.

ПЕДӨР МИШ (*орччөн пукалысь Опонь Миколлы*). Мед йöз водзас эн кöсйысь дай. Бокад вед некод эз тойлы.

ПЕТЫР ВАСЬ. Тадзи, тадзи... Ачыд сэжитö кöсйысин. Сиктса-лы тыр-бур олöмсö...

ОПОНЬ МИКОЛ (*ышловзьöмөн*). Сiдз эськö да... Унатор окота вöлi бергöдны-вöчны. Шорйылад, мися. Шоныд скöт карта кы-пöдны, сикт гöгöрысь видз-муястö бурмöдны-паськөдны, выль трактор-машина ньöбны...

ПЕДӨР МИШ. Мый нö, сiдзкö, эн вöч? Кодi тэнö сконйыштiс?

ОПОНЬ МИКОЛ. Асьныд быттö онö тöдöй, кодi. Олöмыс, дерт. Сэки сийö дзыкöдз гудыртчис. Сöвет власьттö кисьтöм бöрын... Миян йöв-йыйд да картупельыд некытчö эз мöд инасьны. Весиг донтöм донысь. Америкаысь чипан кокъяс вайисны... А сьöмтöгыд нö кутшöм олöм? Сытöг кодарö-мый, сё лешак? Мый кыпöдан-лэптан?

ПЕТЫР ВАСЬ (*гыжйыштö баябöжсö*). Сё лешак и эм. Медся гудыр-гадыр кадас мойвиöма тэныд, Миколай, видз-му овмöстö миян сиктын кутны.

ОПОНЬ МИКОЛ (*öвтыштö кинас*). Кутшöм кутöм! Пазалöм-сö видзöдны. Сьöлөмöй топöдлiс да, муртса Енмыс ас дорас эз босьт. Больничаян быдса тöлысь лои куйлыны...

ПЕДÖР МИШ. Мыйта овмöс тай киссис. Коми му пасьталаыд. Лы ни кучик наысь.

ПЕТЫР ВАСЬ. Миян Эжва йылад водзын квайт ыджыд совкоз вöлi, а öнi öти абу. Быттö тöв ныр мунiс, став овмöссö нö бöдiс-чышкыштiс...

ОПОНЬ МИКОЛ (*сёйигмоз*). И миян Шорйылад бушколыд ыджыдалiс. Нинöм эз коль видз-му овмöссьыд. Асьныд аддзан-ныд, абу синтöмось...

ПЕТЫР ВАСЬ (*чуймыштана*). Сё дивö тай! Мөвпыштыны эг лысьтлы, мый миян сиктын татшöмтор лöö. Мыйыс эз вöв совкоз юкöнас, да нинöм абу кольöма. Гид ни карта, гараж ни кузинеца, трактор ни мöс юр. Шы ни тöв гөгөр...

ОПОНЬ МИКОЛ. Менам юралiгөн ставыс на вöлi. Мися, думайта да, сямма кутны овмöстö, гашкö, водзö на сöвмöдны. Но мöдарö тай олöм визулыс бергöдчис. Удждон тшöт весьтö муртса удитi важиник МТЗ трактор ньöбны... И сыысь аттьö, отсалö вердны-юктавны семьяöс. Кык ныв öд быдмöны менам. Көмöдны-пасьтöдны найöс колö...

ПЕДÖР МИШ (*шогалана*). Эк-ма! И мыйла олöм резьдан кадас миян чужлыссьöма?

ОПОНЬ МИКОЛ (*ёртыслань*). Та йылысь, дитя, колiс аслад мам-батьыдлысь юавны.

ПЕДÖР МИШ (*чепöльтö калбас тор*). Кодлысь нö öнi юалан? Мам-бать ылынöсь, а Енмыс ылын...

ПЕТЫР ВАСЬ (*зумыша*). Сиктса йöзыд некор озыратö эз овлыны. Нэмсö тужа-нужа пыклiсны. Тима Вень на та йылысь гижлiс. Абу весьшөрö шулöмаöсь миян пöль-пöч асланыс сир курыд олöм йылысь: вөрö мунны — нянь абу, карö мунны — туй абу, райö кайны — пос абу... Öнi дзык жö тадзи...

ПЕДÖР МИШ (*чуймыштöмөн*). Велöдчöм мортыд, майбыр, пыр и тöдчö. Абу миян кодь трубича...

ОПОНЬ МИКОЛ (*вашьялiг*). Оз тэа-меа моз няйт пиын зунясь, еремакань. Газетын, лешак-машина, мырсьö, шөр редакторөн... (*Лэптышtlö чуньсö.*) Медыджыд редакторнас! Юрыс бара-й ужалö.

ПЕТЫР ВАСЬ (*коса нюмдыштö*). Мун, энö тешитчöй сэни... Ме, гашкö, регыд мысти бөр Шорйылад локта да. Öтлаын кутам няйт пиас гудрасьны.

ОПОНЬ МИКОЛ. Кор нö воан? Пензия вылад петöм бöрын? (*Серöктыштö.*)

ПЕДÖР МИШ (*гажмöма нин*). Свисьтитö сэни бара...

ПЕТЫР ВАСЬ (*говкйӧдлӧ юрнас*). Ог шмонит, ньӧти ог. Весь-кыда шуа. Дзик пӧръясьтӧг.

ОПОНЬ МИКОЛ (*чуймыштӧмӧн*). Мый нӧ, сідзкӧ, лои?

ПЕДӦР МИШ. Висьтав, вай висьтав ёртъясыдлы. Эн сәні кадсӧ гарт.

ПЕТЫР ВАСЬ (*йӧткыштӧ ас пытшсьыс*). Чӧвтисны менӧ шӧр редакторсьыд...

ОПОНЬ МИКОЛ (*чуймана*). Но-о-о! Вештисны, шуан...

ПЕДӦР МИШ (*шензьӧмӧн*). Сюра лешак тай! Кор нӧ?

ПЕТЫР ВАСЬ. Тӧлысь сайын.

ОПОНЬ МИКОЛ. Но-о-о! Еремакань сьӧд кукань!

ПЕДӦР МИШ (*оз эскы*). Збыль нӧ али сӧран?

ПЕТЫР ВАСЬ (*говкйӧдлӧ юрнас*). Сӧ збыль! Тонӧ Енмыс... (*Чӧвтӧ енув пельӧслань пернапас.*) Ог жӧ ме пӧръясьны кут.

ПЕДӦР МИШ. Мыйысь нӧ татшӧм ёнасӧ мыжмин, другӧ? Начальство водзә.

ОПОНЬ МИКОЛ. Кутшӧм-сәтшӧм грек вӧчин, вӧтлӧмӧдз кӧ воис?

ПЕТЫР ВАСЬ (*гӧзмӧмпырысь*). Сюраліс тай, небось... Вомӧс паськӧдлӧмысь да чинатӧ газетад крукыштӧмысь. Ачим ставсьыс мыжа. (*Ӧвтыштӧ кинас.*)

ПЕДӦР МИШ (*стопка пӧрӧдиг*). Брежнев на коркӧ кайтліс: критикаыд пӧ абу сакар либӧ ма. Оз быдӧнлысь сійӧ вомсӧ юммӧд. И кодлы нӧ веськыда шуӧмыд лӧсялас? Кӧть коми, кӧть роч петасад...

ОПОНЬ МИКОЛ (*ләптыштлӧ кисӧ*). Коліс тәныд, Василей, кызкӧ-мыйкӧ ассъыд дом поводитӧ зәлӧдӧмӧнджык кутны. Ёсь кывтӧ вывтӧ не мыччӧдлыны газетад. Мед чинаыд чукрасьны эз кут. Сәки эськӧ быдӧнлы бурӧн и колин...

ПЕТЫР ВАСЬ (*гӧзмӧмпырысь висьтасьӧ*). Он ӧд газетад сӧмын йӧзлӧн гажӧдчӧм, налӧн сьылӧм-йӧктӧм йылысь гиж. Со пӧ, майбыр, кутшӧм бура миян овсьӧ. Талун Иван лун пасъям, аски Петыр лун, сы бӧрын Илля лун локтӧ... А коми сикт-грездад чӧжсьӧм нелючкияс йылысь чинаыд мыйлакӧ оз радейт сёрнитнытӧ. Босьтам кӧть миянлысь Шорйивтӧ. Юрсиктӧдз тулыс-арнас сӧ пӧгиб кайны, джын туйыс эм, а мӧд джынийыс — гуран да гӧп. И быттӧ та йылысь власьтыд оз тӧд? Тӧдӧ, дерт. Кызь во нин дӧмлӧны туйсӧ. Ме дасысь кымын гижлі жӧ та йылысь. Но чинаяслӧн ӧти вочакыв: средств пӧ нету... Кыдзи шуліс Мӧскуаысь ӧти ыджыд морт, сьӧмыс пӧ абу, но ті терпитӧй...

ПЕДӦР МИШ (*нора ньюмъвтӧ*). Со и терпита. Вочасӧн пӧрысьмам да, кувсялам да... Сӧ збыль, газетад колӧ олӧмыслысь и гутсӧ, и бансӧ петкӧдлыны. А олӧм гутыд чина войтырыдлы оз век лӧсяв, гӧн паныдсӧ шылыкнитӧм кодъ артмӧ. Начальство-ыдлы окота, мед налы олӧм бансӧ, мичасӧ пыр мыччӧдлӧма...

ОПОНЬ МИКОЛ (*ышлолаліг*). Тадзи кӧ водзӧ лӧӧ, регыд мысти коми сикт-грездыд лыда кольӧ. Чужан кыв тӧдысь йӧзыс йывмасны и. Ӧнія ныв-зонмыд востерӧсь, миян моз оз кутны куйӧд пиад лукйысьны, ӧдйӧ сявкнитасны-муналасны: кодӧ юрсиктӧ, кодӧ карӧ, кодӧ нӧшта на ылӧджык — Мӧскуа-Питерӧ. Ме ассъым нывъясӧс ог жӧ мӧд кутны-а... И мыйӧн найӧс кутан?

ПЕТЫР ВАСЬ (*водзӧ ӧдгзӧ*). Дзик нинӧмӧн. Ылӧ оз ков мунны,

петав миян Шорйылö. Көть рытнас, көть луннас. Шыч ни рач öнi гөгөр. Трактор шы ни мөс баксөм. А öд коркө танi олöмыс пуөмөн пулис. Асьныд помнитанныд...

ПЕДÖР МИШ. Эг öд синтөм-пельтөмөсь вөлöй, помнитам, дерт.

ОПОНЬ МИКОЛ. Көмтөм кока челядьдырыд некор оз вун...

ПЕТЫР ВАСЬ (*лөнныштөмөн нин*). Бать на менам, война пыр мунлөм морт, кувтөдзыс шулис: челядь, видзöй-дөзьöритöй пö сийөс, мый миян киөн кыпөдöма-вөчöма, миян пöсьөн шедөдöма. Мый ме батьöлы вочавидза? Паныдасям вылиас да? Мися, ставсö кисьтiм-пузувтiм? Му-виддзыд баддьөн тырис? Сой кыза бор-тшевикөн да?

ПЕДÖР МИШ. Мый эм, сiдзи и шу. Он öд пөръясьны кут, ас вылад грек босьтны.

ОПОНЬ МИКОЛ (*ыпнитлө*). Веськыда ставсö висьтав. Нинөм дзебтөг. Мед власьт бердын пукалысьяс гөрдөдласны миян пöль-пöч водзын.

ПЕТЫР ВАСЬ (*чуқыртчылө*). Вомтö паськөд да виччысь чина-ыдлысь гөрдөдлөмтö. Ачыд на мыжман веськыда шуөмсьыд. Ме моз...

ПЕДÖР МИШ. Аддзасны найö, бара-й, мыйысь крукыштнытö. Төв паныд кудзасьöм кодь артмас...

ПЕТЫР ВАСЬ. Синмад крапкысь морттö миян чинаясыд оз зэв радейтны...

ОПОНЬ МИКОЛ (*сетчыштö Васьянь*). Ас вывтiыд лөк гыыс мунöма, да тэ, дерт, бура тöдан...

ПЕТЫР ВАСЬ. А ме ог и соссьы, мый начальство водзад некор эг копрасьлы, зiли пыр ас юрөн овны.

ПЕДÖР МИШ. Кытчөдз повтөм юртö эз сапнитны-керыштны? Тадзи абу? (*Серөктыштö*.)

ПЕТЫР ВАСЬ. Ваксьы-серав сэни, ваксьы... Гын сапөг тэ, Михайлө, ме öд став коми газет-журнал дорыс сувтi, а эг öти газет дорйы. Гөгөрвоан он?

ПЕДÖР МИШ. Мыйла нө ог гөгөрво? Эг на дзикөдз нитшсяв Шорйылад да...

ОПОНЬ МИКОЛ (*стопка юигмоз*). Василейлы тыдаланаджык, мый йылысь сийö висьталө, Михайлө. Эн торкав, кывзы мортсö.

ПЕТЫР ВАСЬ (*пöся шыөгчö ёртъясыс горö*). Збыль, ме öд эг ас вöсна тöждысь, а зiли коми печаться став уджалысьсö дорйыны.

ПЕДÖР МИШ. Кодысь нө дорйынысö? Найö öд асьныс власьт. Нельöд власьт пö тай-а, тадзи шуöны...

ОПОНЬ МИКОЛ (*ырситö тшай*). Сiдзи вексö, буди, вöли. Нельöд власьт пö. Радио пыр кывлi тшөтш...

ПЕТЫР ВАСЬ (*югнитлө синмыс*). Кодыськө больгөмсö кывзанныд, ёртъяс. Печать пö миян — нельöд власьт! Эн вай матькө-дöй.

ОПОНЬ МИКОЛ. Абу өмöй тадзи? А ме чайтлi...

ПЕТЫР ВАСЬ. Вöли кө сiдзи, ми эськө кинымөс нюжөдөмөн эг олöй. Метö та йылысь бура тöда. Майбыр, эг öти во газетад уджав.

ПЕДÖР МИШ (*чуймыштөмөн*). А ручка-перö легöдысьясыдлы збыль өмöй лөка овсьö?

ОПОНЬ МИКОЛ. Мый нө тэнсыд, вөвлөм редактор, мусто зырто? Сьом мынтöны, стаж локтö, газетыд петö...

ПЕТЫР ВАСЬ (*мөвпалөмпырысь*). Унатор зырто, детинаяс. Эз кө зырт, ме эськө ва паныдтö эг сын... Мися тай, корысьяс моз олам. Сьом муртса сетыштöны, удждоныд содз мында, та вöсна журналистыястö пöнара бион он корсь. Локтöм пыдди утөвтöны газетсыд. Регыд коми петастö некодлы лэдзнысö лоö...

ПЕДÖР МИШ (*шензяна*). Но и но! Тадзитö öд резьдас коми печатыд... Но асьныд энö жö весь дйтшвидзöй: шыödчöй вылі власьт дорас, зöркöдчöй чиналөн öдзöсö.

ПЕТЫР ВАСЬ (*гöзмигтыр*). Быттö ми ки кресталөмөн пукалам! Шыödчылім, кызди тэ, Мишö, шуан, вылі власьт дорад. Но и мый? Корліс мянөс ас дорас юралысьöс вежысьыс, ачыс коми морт, да бон-бус пиняліс гижасьöмсыд. Сэсся сёрни помас крапкис: денеганад пö öні быдлаын сьöкыд, корсьöй ассьыныд пытшкөсса резервьяс, а энö элясьöй-няргöй.

ОПОНЬ МИКОЛ (*вашьяліг*). А содтöд сьомсö эз и сетны?

ПЕТЫР ВАСЬ. Сетасны, майбыр, вомтö паськөдөмөн виччысь. Аслыным жö и лои топöдчыны, корсьны сідз шусяна пытшкөсса резервьястö. Чинтасим гөгөрбок, весиг премиястö уджалысьяслысь киритім. Быть öд, кытчö воштысян. А шуанныд, бура пö олам... Важ коми йöзлөн шуөм серти и артмö: вөрö мунны — нянь абу, карö мунны — туй абу... Рай йылысь ог нин кут казътивны. Вылын да ылын сійö мянсянь.

ПЕДÖР МИШ (*говкнитö юрнас*). Оз, дерт, тырмы сьöмыд, быд пельöсын гусясьöны да. Мавтас сетöны да. Чинаясыд, мися. Быдса миллионъяс кватылалöны, быттö бөръя лун олöны. Удждонныс кызсьыс-кыз, а налы век этша. Сар дырйи весиг татшөм дивöйд эз вöвлы.

ПЕТЫР ВАСЬ. Сідзи, сідзи, Мишö другöй. Муртса чин сетасны мортыдлы, мöдыд видзöдö нин, кызди да мый позьö шепнитны. Гусясьöмыс и кисьтö странанымöс, сім моз көвъясьöма да некыз сыысь он мын.

ОПОНЬ МИКОЛ. Он мын тай. Быттö ставыс эм, а дөмаса гачөн лоö ветлыны.

ПЕДÖР МИШ. Та вöсна и бур туйыд мянөдз оз воы. Бур олөмыд да.

ПЕТЫР ВАСЬ (*гораа*). А-а-а! Ог вай ёнасö шогавны кутöй. Енмыд öд абу синтöм, сійö ставсö аддзö. Коркö и юалас кузькиа чинайддысь. Сюралас налы сэки, быть сюралас.

ОПОНЬ МИКОЛ. Гашкö, гашкö...

ПЕДÖР МИШ (*эскөмөн*). Мед тэ ног и лоö, Васьö другöй.

ПЕТЫР ВАСЬ (*сувтö*). Тіянкөд пукалігөн со кутшөм кывъяс воисны юрö:

Сьöкыд овны тайö мирас,
Пыр көть медся джуджды йирас.
Но сьöд джумйö ме ог пыр,
Овны кута дырысь-дыр...

Вай и збыль огö сетчöй шогыслы да кутам овны дырысь-дыр. Кыз роч йöз шулöны, юам на посошок да разöдчамöй сэсся. Менö мамö, тыдалö, воштис нин.

ОПОНЬ МИКОЛ. А менö гөтырöй, час, корсьны локтас. (*Серөктыштö.*) Карнанөн. Пемдö нин со да...

Ставон петоны пызан сайысь. Педор Миш, сывъясиг-кутлысиг, колльодо кык ёртос кильчо вылодз. Колльодом борас весиг вунодо кильчо одзоссо игнавны, шатласигтыр пыро да пуксьо идравтом пызан дорё. Юо стопка, сэсся модос, ёнакодь коддзо. Лэдзо юрсё да регыд мысти пуксон и унмовсьо пызан сайын.

Занавес.

Кокъямысод петкодчом

Воддза петкодчомлон керка пытш. Мод лунас нин арся асыв. Керка жыръясын ромыд. Тыдало век на идравтом кузъмос пызан да сы помын ойбыртом Педор Миш. Корко-некорко Миш садьмо да пыркнитё юрнас, видзодло ас гогорыс. Породо тыра стопка да суйо вомас нянь тор, вочасон веськалыштё-палялыштё. Син водзас сувто ёртъясылон сы дорё торытъя воломыс, накод сёрни, челядь кадсё казътылом... Педор Миш бара на тырто ныр улас сулалысь стопка да гулькнитёюо курыдторсё. Тяпкодчо-сёйё. Но торытъя вылад вочасон гажмё...

ПЕДОР МИШ *(ачыс аскодыс сёрнитё пызан сайын)*. И мый морла чужсьылёма менам вольной светас, сё лешак? Медым таdzi сьодас пессыны-овны... Кузь нэм чож, чужомсянь лов петодз... Няйтё вейом Шорйылын... Дзик нином эг кут потурайтны-гогорвоны батёс дзебом бёрын. Бытьё вежорёс гуисны дявольясыс. Ог весиг онодз тод, кодарё меным сетчынысё? Мый вочныкерны? Петан туйыд по эсько быд пемыд пельосыс эм да... Колё сомьин мовпавны-корсьны, юрто жуглыны... Аслыс Мишлы, коды нё сэсся! Чойясыс вотодз городсё быть кызко разьны, сувтны нин зумыда, кодарё-мый сетчыны. Шорйылын водзё муркодчыны-овны али кывзысьны чойясыслыс да накод карё лэчыны? А вермас лоны, кутшомко коймод туй на сюрас да? Сылы, Мишлы, шыртом калгансё песигон... Кык чойлон вотодз. Дзик аслас туй, сы сьолёмлы тодтом, коді виччысьтог воссяспеткодчас дай... Весиг Педор Мишос шензьодас-чуймодас... Код тодас, гашко, и збыль петкодчас да? Оломто тай пыдосодзыс некод на абу гумлавлёма...

Ыштас ко чойясылон вёзийом выло, мыйко сылон артмас оз? Сэни, мича да ылі карас... Лешак машина тай! Сы мында майшасьом чужо. Бабаясыдлы кокни вомнаныс изныто — лэччам да лэччам. Кар дорад, дитяяс, ковмас на вель дыр велавны. Карыд абу миян Шорйив, уна выльтор паныдасяс. Карад дзик мод олом. А веськыда ко шуны, коді менё сэни виччысьо? Неямын арёснад... Вёрзыны ко, коліс томджыкон, школа помалом бёрын. А они мый нетшкысьныто... Том пороаыс менам кольёма... *(Овтыштё кинас, бытьё отдорточё карё лэччом йылысь мовпсыйс.)*

А кольчас ко Шорйило, мый сыкод водзосё лоо? Бара жо сё юалом чужо-мыччысьо... Сэки вермас дзикодз торксьыны, орчон олысь другъясыдкод партитчас да. Ма Вань сяма вина корсьысыд модасны бергаломон бергавны сы гогор, пычкыны Мишлыс абутом сьомто, дзайгыны оттор да модтор. Гачтогыс колясны, коньорёс. Батыс они абу орчон, кор колё пыр да пет на керкаыс, чырыштныто, олөдана кывто шуны некодлы... Майбыр, вөля воис, Мишо, шаркысь, мыйта лолыды колё,

мыйта лолыд босьтө-төрөдө. Видзөдан да, вина юысь другтасыд өдйө и урөстасны керка пытшкөстө, гидня кодьон вөчасны. И ачыс Миш накод тшөтш юяс-лэдзчыс. Откөнтө олөгөн дзик сідзи и артмас. А тасянь мөдарьюгөдөдзид абу нин ылын... Кымынөн сиктсаяс пөвстысь лёк ногөн оломсө помалісны... И Миш босьтас да морөнлуйө кодлөнкө потшөс дорын либө кынмас веж көдзидзяс дырйи мир туйбокса лым пиын. Шорйылысь Изө Вань моз, коді турдөма вөлі ас кильчө помас...

Казытштан, да йирмөг босьтө. Страсьт! Удж ни матысса морт Мишлөн өні абу-а. Сөмын вина дучкысь ёртъясыс колины. Сэсся, кольчас кө гортас, мый вылө кутас овны-вывны, сөйны-юны. Картупельды, дерт, майбыр, сылөн эм, гөбөч тыр пыртлөма. Тулысөдзид да пуктысьны какольыс тырмас. Да и чойясыс, жаладза, сьөмтө вичмөдыштасны, оз дзик топөдны өти воктө. А водзөсө кызди-мый? *(Кузя ышловзё.)* Енмыс төдө, сөтана-пызь... Со тай төрыт пыралісны сылөн челядьдырся ёртъяс, Опонь Микол да Петыр Вась. Аттьө, мый оз вунөдны, уна бур кыв шуисны бать йивсьыс и... Зэв ас кадө кежалісны. Но ог вежалөм ради, а веськыда шуа: налы өд ме серти кык кокни-джык, Миколлөн да Васьлөн мыйкө да мыйкө нин эм. Керка-карта, овмөс, гөтыр-котыр, челядь, кутшөмкө да удж... Дерт, быдпөлөс сьөкыдлуныскөд найө паныдасьлөны жө. Татөг нө кызди! А сылөн, Педөр Мишлөн, мый? Гидын баксысь көзаысь өтдор нинөмыс абу. Со сэсся и пессьы-ов Шорйылад, лешак машина. Та ыджада керкаад дзик өткөн, аския лун вылө надея-төг...

Да-а-а... Ясыдасө кык туй Миш водзын и петкөдчө. А кутшөмкө коймөд вож эм на, гашкө? Тайө оломас... Коймөд туй, коді саймовтчөма кык саяс да оз өна тыдав-төдчы. Коді зэв аслыспөлөс, кутшөмакө шуштөм весиг. Абу быд мортлы вын сертиыс тайө вожас кежны... Но тэ вай видлы... Мый нө майшасян сэнн, Мишө, кеж дай, өтчыдысьөн ставсө помалан?! Став сьөкыдлуныс пельпом вывсьыд здукөн усьө, став шог-печальыс ылө-вылө лэбзяс, бөрө кольө... Дзик нинөм сэки оз кут тэныд ковны. Ни керка, ни карта, ни челядьдырся ёртъясыд, ни ыджыд йөрыд, ни весиг ачид, кодлөн лолыс вөчасөн кыпөдчас муа-енэжа костас... *(Ышлолаліг чышкыштө вазьом синсө.)*

Ставыс артмас өдйө да пессьытөг-майшасьтөг. Ас саяд тайө воськолыс, Мишө. Некод тэнө ки пөлөдыд оз кут, некод оз сувтөд тайө думсьыс. Ас вылад ачид тэ көзяиныс. Чойясыд ылынөсь, мам-батьыд ылын... Мый лолыдлы окота, сійөс и вөч, майбыр. Көть отарө кеж, көть мөдарө, көть карө лэччы, көть Шорйылө кольччы. И көть коймөд туйсө бөрйы, коді төдтөм на да та понда и шуштөм-повзьөдчысь... *(Юрсө өшөдгөмөн водзө мургө-варовитө пызан сайын гажа юра Миш.)* Нинөм сэн повнысө, аслас өд оломыс, Енмөн сетлөм, дзик өти. Мый көсийө, сійөс и вөчө Миш... Налысь тай, небось, чинаясыд эз юавлыны өнасө, кор Шорйылысь овмөслөн шөр усадьбаө став мөс-куканьсө катө-дісны, а на грезды «перспективатөм» ним сетісны-көвьялісны. Волісны районсянь сьөд шляпаа войтыр, чукөртлісны йөзөс көдзид клубын, юөртісны та йылысь да өдйөджык ушумгайтчисны бөр. Кутшөмкө концентрация да специализация кывъясөн, лешакъясыд, шыбласисны на, өтитор долисны: посни грездьяслөн

пö нэмыс помассьö, аския луныс налөн абу, öнi колö гырысь овмөсьяс сөвмөдны. Мый нö, сідзкö, артмö? Перспективатöм кö сикт-грезд, перспективатöмсь лоöны и сэтчöс олысьяс. Тшöтш и Педöр Миш. Сідзкö, и сылөн аския луныс абу. Сё лешак тай! Мишлөн пöль-пöчыс нэмсö танi му вöдитисны, скöт видзисны, челядöс чужтисны-быдтисны, а öнi ставсö лои керыштöма-помалöма... Чинаяслөн öти шуöмөн, йöзкöд прамöя сёрниттöг да налысь юасьтöг... *(Шылькнитiс шырöм юрсö да звук кeжлö чöв ланьтлiс. Сэсся петiс пызан сайысь, ветлöдлыштiс öтарö-мöдарö, сувтiс гöбöч öгзöс дорö. Сулыштiс сы водзын, восьтiс öгзöссö да копыртчылöмөн пырис гöбöчас. Мыйкöдыра лукйысьыштiс сэнi да пошкигтыр петкöгiс кузьмөс тубрас. Пызан дорын разис сійöс. Важ мешöкысь перйис батысьлысь кык ствола пищальсö да патроньяс.)*

А матере ставыс, звук-мöдөн эновтас таладор югыдсö дай. Мый сылы татшöм олөмсьыд? Ловсö песöм-пыдзралöм сöмын, курыд шог пыкөм да. *(Ачыс аскöдыс сёрнитiгмоз зуньясь-видгалö батысьлысь гуся льянсö, дöраторйөн чышкалö пищальсö, точйöдглö-пезьдöдглö курокаяснас. Шома юрнаг весиг топöдглö ас бердас льянсö, малышталö сарöга кинас.)* Регыд нин, регыд, уджыд тэныд лоö. Виччысьыштлы, дитяйö. Мед сöмын некод оз торк миянөс-а... Некод миян костö оз суйсьы... А кодлы и торкнысö, би ни ва гөгöр, асылыс сöмын на ымырасьö со... Экма да экма! Час, час, пукыштас регыдик да сэсся петас гид вылас... Оз жö кут бать-мам керкасö пежавны, код тöдас, гашкö, сы бöрын татчö вьль йöз на овмөдчасны да, гашкö, и мортнога олөм на пуксьылас коркö Шорйылын да...

Тайö кадö кильчö вылын, сэсся посводзын кылöны гора кок шыяс. Здук мысти керка öдзöс гурйыв воссьö да порог вомөн gryма-грама воськовтö пыкталöм чужöма Ма Вань. Сы бöрся пырö гажа юра Пошта Анна. Педöр Миш муртса удитö саймовтны йöз син водзысь батысьлысь пищальсö, суйыштö сійöс шкаф сайö да бергöдчö локтысьяслань.

МА ВАНЬ *(назгана)*. Мый нö тэнад талун асывсянныс гөгöр восьса? Абу öд Иван лун, пöди...

ПОШТА АННА *(порог дорсянь)*. Весиг кильчö öдзöсыд гурйыв. Пыр да кöть аснад ставсö петкöд.

ПЕДÖР МИШ *(гыжйыштö баябöжсö)*. Тöрыт другьясöй кежалiсны да гажа юрнад менам вунöма, тыдалö, игнасьнысö. Восьсөн и узьсöма...

МА ВАНЬ *(зумыш чужöма)*. Кодъяс нö волiсны?

ПЕДÖР МИШ. Петыр Вась да Опонь Микол.

МА ВАНЬ *(индö кинас игравтöм пызанлань)*. Прамöя тай гужуйтöмныд, еремакань.

ПЕДÖР МИШ *(очсыштö)*. Эг эськö ёнасö ышмöй да...

МА ВАНЬ *(матыстчö пызанлань)*. Менам талун, Мишö, юрöй потöмөн потö. Дорйыв вай Иван дядьсö. Тöрыт став пензияöс пызнитсьöма. Грöш ни көпейка абу кольöма. То Анна сьвидетельыс...

ПОШТА АННА *(говкйöдглö юрнас)*. Сідзи, дзик сідзи, Мишö. Дзонь пензия лунөн пыркнитöма... Бура унаöн эськö Вань дорад вöлим да... Дашкö, дасөн да... Пöттöдз тай трайгим-а...

ПЕДӨР МИШ (*паскөдлө кияссө*). Менам весиг сё грамм абу. Ставыс быри... Тонө тыртөм дозйыс пызан улас туплясьө.

МА ВАНЬ (*шогөдөм чужөмөн*). Но, сөтанапызь тай. Мися, тэнад гуасьөм бөрад мыйкө эм-а... Ставсө нин дучкөмныд...

ПОШТА АННА (*муртса синваыс оз пет*). Чолькнитышт вай. Көть вит войтөн морт вылө... Кулам кө өд, тэ, Мишө, мыжаыс лоан.

ПЕДӨР МИШ (*гөзмөмпырысь нин*). Энө голя вылө сувтöй. Шуи тай, мися, войт эз коль. Ни сыпирт, ни водка... Эскöй көть энöй, матере!

МА ВАНЬ (*лесьтпырысь*). Винаыд кө абу, көть сьöмтö удждыв, Мишук. Доз вылө. Горшным дзик тачкө. Локтан пензияысь деньгатö гортөдзыд пырта. Тонө Енмыс... Сийö ставсö аддзö...

ПОШТА АННА (*Вань пельпом сайсянь*). Юрнымöс көть вескөдыштам... Брунгөмөн брунгө кыкнаннымлөн, сё лешак.

ПЕДӨР МИШ (*гөзмана*). Ловъя юрөн тай тиянысь он мын. Вай да вай! Быттö ме гортын аскур вийöда да сьöм печатайта...

МА ВАНЬ (*воськовтö Мишлань*). Криста ради, дорйыв вай миянöс.

ПОШТА АННА (*сы бөрся вөтчиг*). Мишукöй, зарни пи, сё зөлöта, отсышт, отсышт ми воклы. Дзик кулан вийынöсь өд...

ПЕДӨР МИШ (*броткөдчигтырйи лукйысьö орчча шкапын да сугзөдö сьöм. Мыччö Ма Ванылы кык сё шайта*). На, адгорш. Вескөд юртö. Да локтан пензиясьыд эн вунөд уджйöзтö пыртны.

МА ВАНЬ (*босьтö сьöмсö да көсьяна довкйөдлө юрнас*). Дзик пыр и котөртöда. Мед сöмын вайласны-а...

ПОШТА АННА (*аттьöалана нюмьөвтö пиньтöм вомнас*). Сетас, сетас уджйöзтö, эн пов, Ваныыд абу сэтшöм-татшöм морт...

ПЕДӨР МИШ (*бөр пуксьö лабич помö*). Быть вайöй, эн вунөдöй. Ме öнi öтка пöтка, некод вылө надейтчынысö.

МА ВАНЬ (*Мишлы*). Сё пасибö, Михайлö. Дорйöмсьыд, мися. Пикö эн вошты суседъястö да... Ен мед сетас тэныд бур здорöвье да кузь нэм...

ПОШТА АННА (*сюйсьö кык мужиклөн сёрниö*). Та дорö прамöй гöтырöс да. Мед мича вöлi, сьöлөм-лолыды колана да лöсялана.

ПЕДӨР МИШ (*курыда нюмьөвтö*). Кывнад, майбыр, кокни малскынытö, Анна тьöt. Но кытысь нö татшöм гöтырпутö босьтан? Шорйылысь али мый?

ПОШТА АННА (*эскöдана*). Енмыд кө көсьяс, и миян сиктысь тэныд пöлыд сюрö. Сё збыль. Мед сöмын выліас пукалысьыс окотитас-а...

МА ВАНЬ (*кыскö сойборгöдыс Аннаöс*). Мөдiм нин вай Мишö дорсьыс. Көвъясин сэнi аслад гöтыр-котырөн... Пильö Васьлөн лавкаыс регыд воссяс. Кайлам сылань.

ПЕДӨР МИШ (*тэрмөдлігмоз*). Мөдöй, мөдöй вай. Ывлаас лун нин пуксьö.

Ма Вань да Пошта Анна югыд чужöмаöсь кума-кама петöны Педөр Мишъясысь. Миш шлапиктö на бөрся да игналö кильчö öдзöссö. Сэс-ся пырö гортас да бөр пуксьö пызан сайö.

ПЕДӨР МИШ (*бара мургө-сёрнитö ас кежсьыс*). Пошта Анна сөрö сэнi, Енмөс да гөтырпу йылысь казгытлö... Матере, öти здукөн помавны ставсö дай... И лэбзян вылö-вылö, гашкö, райö, гашкö, адö. Код тöдас, кытчö... Некод оз тöд... Сэтысянь пö бөрсö морт на абу волöма да... Тадз тай важ йöз висьталöны-а... (*Чöv усьлö, ланьтлö здук-мöд кежлö. Сэсся нюжöдчылö шкаплань, сугзöгö сы бокысь саймовтлöм льянсö. Малышталö сийöс кыз чуньяснас да меститö кык ствола пищальсö лабич помö. Та бö-рын чеччылö пызан сайысь, лукйысьö орчча шкапын, перйö сэ-тысь вöсньыдик тетрадь да ручка. Пуксьö лабичö, вештышталö ныр увсьыс сёян-юан да пуктö тетрадьсö пызан вылö. Дзак косялö тетрадьсьыс кабала-лист, гумыштчылö регьидик, мыйкö көсйö парсавны-гижны...*) (*Ачыс аслыс.*) Мый и шулö мортыд олөм помад? Ловтö ас вöляысь орöдигөн? Сё лешак тай, став мөвпыс юрысь виччысьтөг пыркалис-лэбзис. (*Пукалö-ышлолалö, аслас забеднöйсла синваыс горшасьö, сьölöмыс гыпкөмөн гыпкö.*) Сэсся тiралана киөн босьтчö гижны. «Энö дивитöй менö лёк воськовсьыс. Тайö туйсö бөрйи дзик ачим. Некод эз индав. Дзедöй мам-бать дорö...» (*Муртса эз удит помавны ассъыс чукыль-мукыля гижöдсö. Муртса-муртса... Кильчö вылö кодкö кайис да кылана таркнитiс öдзöсö. Отчыг дай мöдысь. Та бöрын кутiс гораа камгыны-зöркöдчыны.*) (*Кывзысьö.*) Тайö, тыдалö, кодлөнкö юрыс бара жувгö-потö, пöкмелитчыны вöзйысьö. Ма Вань код-дöмыс асывсяньыс көвтчö. Мися, менам вина войт абу. (*Горöдö керка тырнас.*) Сьöм ни. Некодлы сэсся öдзöссö ог восьты! (*Вартö чорыг кабырнас пызан помö.*) Шöйтöны лун и вой, спокöй абу... (*Кильчö вылын кок шыяс вочасөн лöньöны, но негыр мысти кодкö тутш-тотш вöчö пачводз öшиньö. Педөр Миш чеччö пы-зан сайысь, локтö öшинь горö да вештыштö занавессö.*) (*Дöз-мөмпырысь*). И код лешакыс сэнi зымöдчö-ветлö? Первой кильчö öдзöсö камгö, сэсся öшиньö котшкөдчö... (*Синмыс паськалö чуй-мöмысла, öшинь улын сулалö еджыд юра Валя да öвтö сылы ки-нас. Миш воча öвтыштö жö.*) Час, пета, пета... Виччысьыштлы.

Петö восьтыны кильчö иган, да найö кыкөн нин пырöны керкаö.

ВАЛЕНТИНА (*пыригмозыс*). Мыйла нö та дырасö он восьты? Зöркöдча да зöркöдча, а тэ быттö пельтöм. Киöй весиг гегдiс... (*Лэптö синсö Миш вылö.*)

ПЕДӨР МИШ (*кузя очсыштö*). А менам ойбыртсьöма вöли, сё лешак. Пыдi вежöсас. А мый нö лои?

ВАЛЕНТИНА. Карсянь меным көлуй да пызан-улöс вайисны. Ыджыд машина тыр. Тэ тай көсйысьлiн: отсышта пö ректысьны-тö, Петыр Васьöс на горöдла и... Отсалан он?

ПЕДӨР МИШ (*шланöгö кыкнан кинас, пинялö асьсö*). Экма да экма, но и сiсь юр! Но и вежөр! Дзик вунöма. Кысь нö ог отсышт, ректыся и пыртлыся. Васьтö мунiгмоз чукöстла и. Отсöг вылö...

ВАЛЕНТИНА (*матыстчö пызан горö да синнас кытшовтö керка пытшсö*). Машинаыс миян йöрын сулалö. Муртса на воим.

ПЕДӨР МИШ. Нөрöвитлы здук, Валентина. Час, ме дөрöм-гачöс көть пыдi жыръяс вежа. (*Пырö орчча жырйö.*)

ВАЛЕНТИНА (*нюмъевтiг*). Эн дыр сöмын. Шоперыс тэрмасьö да...

ПЕДӨР МИШ *(пыгі жырсянь)*. Ме шутёлөн вежся...

Недыр мысти Педөр Миш петö нин керкалөн пыдi жырийсы. Тайö кадö Валентина син улö веськалö лабичын куйлысь пищаль, кодöс Миш вунöдiс саймовтны, содтöд пызан помын куйлысь кабала-лист да ручка. Валентина босътö киас косялём тетрадь листсö, лыддö гижöмасö да ставсö гөгөрвоö...

ВАЛЕНТИНА *(горзытöг, көть вирус пузьö, лабутнöя-янöгана)*. Мый нö тэ, Мишук, думыштöмыд вöчны? Та ыджда грек ас вылад көсян босътны. Сё дивö тай! Олöмтö öд Енмыс дзик öтчид сетлö мортыдлы...

ПЕДӨР МИШ *(синнас парснитö Валяöс)*. А мый меным татшöм олöмсьыд? Сьöкыд из кыскöм кодь. Öткөнтö коли да...

ВАЛЕНТИНА *(воча воськовтö Мишлань)*. Тэныд кө, мужик мортлы, сьöкыд, меным, сiдзкö, нывбабалы кокни? Пöрысь мамкöд, ичöt нывкакöд да верöстöг.

ПЕДӨР МИШ. Чайта да, кык сьöкыд на...

ВАЛЕНТИНА. Но меным юрö эз волы тэ кодь лёк мөвпыд!

ПЕДӨР МИШ *(ышлолалiг)*. Мися, öтчидйөн ставсö эштöда дай...

ВАЛЕНТИНА *(дивитана шуалö Мишлы)*. А тэ, трасичапызь, медся кокни туйсö бöрийöмыд. Мамтö дзебин, батыд кыз му улын, а öнi асьтö помавны көсян, öти здукөн став сьöкыдлунсö лов вывсьыд вештыны. Сiдз артмö?

ПЕДӨР МИШ *(кыскыштö нырнас)*. Сiдз быгтьö... Гөгөр пыкис да, быть мыйкö вöч. Пöсь ни кодзыд нин ставсьыс...

ВАЛЕНТИНА *(пöся)*. Мися тай, морт олöмыд медся донаторйыс, Мишö. Став вöльнöй сьветас. А тэ таdzi шуан да көсян мыйкö аскöдыд вöчны... Став лёкыс коркö бөрö кольö. Эскы меным, Мишö...

ПЕДӨР МИШ *(чуймыштöмөн вигзöгö Валялы синмас)*. Тэ збыль али мый менö дорйыны көсян? А Валентина? Кылан? Збыльсы?

ВАЛЕНТИНА *(сьöлөмсяньыс петан кывъясөн)*. Сё збыль! Тонö Енмыс... Пернапас чöвта... Тэнö ме кымын во тöда, öтлаын моз öд быдмим. Тэ, Мишö, абу на дзик вошöм морт. Миян пиысь быдөнкöд мыйыс оз овалы да... Ме öд тэ водзын, Мишö, нэм помöдз уджайöза. Вöйöмысь тай коркö дорйылiн. Эжва дорын купайтчигад... Помнитан?

ПЕДӨР МИШ *(чуйöмпырысь)*. Адöй, адöй! Öнi на син водзын гожся луныс... Визув Эжваыс да. Джумсьыс кыска тэнö, а вынöй дзик нин быри... Муртса ачым эг вöй...

ВАЛЕНТИНА *(вазьöм синъясөн)*. Эн кө тэ вöв ю дорас, эн кө сэки уськöдчы вабергачас, ме эськö талун вöльнöй сьветас эг ов. И мича нылукой эз котрав орчöн. Öнi воис кад меным уджайöзтö вештыны — тэнö дорйыны, олөм йирсыс кыскыны...

ПЕДӨР МИШ *(век на оз эскы Валя кывъяслы)*. Збыль али мый?

ВАЛЕНТИНА *(нюмыс петыштö)*. Збыль, мися. Öг öд пöръясыны кут.

ПЕДӨР МИШ *(синваыс жö горшасьö)*. Сё пасибö бур-пöсь кывсьыд, Валентина. Быдсөн лолöй воссис, синмöй югзис менам.

Окота лои овны да овны. А ме, сись юрыд, мый косьи вочны... Мир смек! *(Виччысьтөг кватитө лабичө пуктылом пищальсө да чивгө-шыбитө сійос пемыд гөбөчө, сэсся гзуж-гзая косявлө пызан вылын куйлысь тетрадь листсө да кабала торьяссө суюд пач вомө.)* *(Скөрпырысь.)* Со көнi налы местаыс... Сё лешак!

ВАЛЕНТИНА *(кокниа ышловзьомөн)*. Но и бур, но и шань, Мишө. Енмыс өд ставсө аддзө да пикө воём мортыдлы век зильө отсавны...

ПЕДӨР МИШ *(шмонитігмоз Валялы)*. Вай коть кутыштла тэнö, еремакань. Бур вочысьсө да менö дорйысьсө.

ВАЛЕНТИНА *(ворсөдчиг)*. Кутыштлы, бара-й, он кө пов.

ПЕДӨР МИШ. Ме талунъя бөрад нинөмысь нин ог пов. *(Кутыштлө Валяс пельпомодыс да лыгдьө Петыр Васьон гижом кывбурсө.)*

**Сьокыд овны тайö мирас,
Пыр коть медся джуджыд йирас.
Но сьод джумйö ме ог пыр,
Овны кута дырысь-дыр...**

ВАЛЕНТИНА *(лөсьодыштө кывбурыслысь бөрья кывьяссө)*. ...Овны кутам дырысь-дыр! Ми шорйывсаяс, шуа. А ме тэкөд орчөн лоа, Мишө. Кылан?

ПЕДӨР МИШ *(голыда)*. Кыла, кыла, дерт, меным Енмөн сөтөмтор... *(Топөдчылө Валя бергө.)*

**Кылö керка өдзөсö зөркнитөм. Упкигтыр порог вомөн воськовтө Валя-
лөн мамыс, Пельшөр Машö.**

ПЕЛЬШӨР МАШӨ *(дивитана гөлөсөн)*. Ми тиянөс ректысьны виччысям, а найö сувтөмаось да кутчысьлөны сэнi. Лок мунамой, шоперыс броткөдчө нин, дзик дөзмас.

ПЕДӨР МИШ *(вигзөглө Валя вылө)*. Но, петамö вай...

ВАЛЕНТИНА *(воськовтө өдзөслань)*. Мөдiм өдйөджык...

ПЕЛЬШӨР МАШӨ *(гораа)*. Сөмын эн нин кутчысьлөй-а...

Ставныс пыльснитөны-серөктөны да өта-мөд бөрся петөны Педөр Мишьясысь.

Войнас көдздөдiс. Асьядорыс нин сапкис-усис медводдза лым. Гырысь лым чирьяс вочасөн саймовтiсны сьод арлысь няйтсө, еджадөдiсны-мичмөдiсны гөгөр.

Педөр Мишлөн пач трубаысь чепөсйис лөз тшын. Көнкө ылын увтыш-тiс пон. Пес чипас дорын китшнитiс катша...

Шорйылын олөм-вылөмыс мунiс водзö.

ПОМ.

2012–2013 вояс.





*Быд во юль тӧлысь 6-ӧд лунӧ Суоми-
ын пасйӧны Гожӧмлысь да Кывбурлысь
лун. Бурети тайӧ лунас 140 во сайын
чужліс нималана гижысь — **Эйно Лейно**
(Eino Leino, збыль нимыс Armas Einar
Leopold Lönnbohm) (1878-1926). Мукӧд-
дырйи шулӧны весиг, мый Эйно Лейно
вӧчис финн литературалы сы мында жӧ
бурсӧ, мында роч литературалы Пуш-
кин: выльмӧдіс гижӧд кыв, ас кывйӧ ву-
джӧдаліс Европаса классикгъясӧс, гижис
и кывбур, и проза, и драма. Став гижӧ-
дыс ӧкмӧ 80 небӧгӧ. Ӧнӧдз на финнгъяс
тшӧкыда вӧдитчӧны Эйно Лейно кыв-*

*бургъясӧн, мед чолӧмавны кодӧскӧ, бурсины ли казътыштны... Коми
лыддьысьысьлы Эйно Лейнолӧн нимыс тӧдса жӧ: ас кадӧ Алёна
Ельцова комиӧдліс сылысь «Лапландияса гожӧм» кывбурсӧ («Ко-
дзула зэр» небӧгын, 2016).*

Эйно ЛЕЙНО

Вӧрын олысьлӧн сыланкыв

КЫВБУРЪЯС

Ми ветлӧдлам быттьӧкӧ ру пытшкын тані

Ми ветлӧдлам быттьӧкӧ ру пытшкын тані,
ми кывзысям тӧлыся вояс.
Ми вуджӧръяс, яласӧ кок туйтӧг талям,
а войыс став вуджӧрсӧ сёяс.

Но кыкӧн кӧ ӧтвылысь горӧдам сывны
да чуксасьны войнас ог полӧй,
кык вуджӧр кӧ ӧтвывтчас торъявтӧм сывйӧ,—
эг весышӧрӧ му вылас волӧй!

Лӧнь

Мыйысь чӧскыдӧсь кӧръясыс тан гӧгӧрбок?
Тайӧ чӧвлуныс вежӧртӧ мый?
Мыйла бурасьӧм сӧлӧмӧй тіпкӧ выль ног,
татшӧм ыджыд да тӧдтӧм, да выль?

Кыла, дзоридзгъяс надзӧник быдмӧны кыз,
кыла, вӧрын кыз сёрнитӧ пу.
Меным чайтсӧ, мый кӧсйӧмгъяс кисьмӧны сідз,
кызди кисьмӧдӧ быдтассӧ му.

Ставыс ме гөгөр чөв, ставыс шемөсә лөнь,
ставыс бурсиё, бурдөдө тан.
Гырысь дзоридзяс сьөлөмам воссисны өн,
налөн көрысь и югид, и шань.

Том ань

Вильыдөн, быттьөкө лым вывті лызьён,
зэлыдөн, быттьөкө зверлөн ёсь гыжйыс,
ворсысьён, быттьөкө пипулөн корйыс,
курыдөн, быттьөкө пывсянын горйыс,
юмолөн, быттьөкө нянь шөрөм выйнас,
сьөкыдөн, быттьөкө саридзын гыяс,
зумышён, быттьөкө өдзёсын томан:
татшөмөн овлывлө мусалиг том ань.

Вөрын олысьлөн ссыланкыв

Ме сиктысь муні сьөд вөр шөрө овны
да лөсьөді сән аслым вылө овмөс
зэв югид ичөт вөр ты дорө.
Но сиктысь отсөг некодлысь эг корлы.

Эг вөчлы сәні сиктсаяслы помеч,
эг ветлы поп-дяк ордө кильчө помөдз,
эг көсийысьлы, мый водзёс сета уджөн,
купечлысь весиг ур мында эг удждыв.

Ме ош моз пөрөдчи да вундалі ён керъяс,
нитш вайи, сюялі, да пачсө варті-кери,
ме гожөмбыдсө черөн өвті ачым,
и арнас куд кодь керка вөлі дась нин.

А өні ола-выла ылі вөрын,
оз некод татчө воны ордым шөрө,
ни рыйысьөм, ни көлысь вылө менө
оз виччысьны ни корны сиктас сәні.

Но гожся рытө, му вылө кор пета,
ме нимкодяся вынсялөм нин шептөн,
мен любө тані овны, любө сыысь,
кыз малыштө нырбордөс пывсян тшыныс.

Сэк ордым вылө виччысигмоз пета
да видзөда, оз лок-ө кодкө сәті,
мед нимкодясим өтвылысь ми сыкөд,
мед пывсьыштім да корөсясим зыктөг.

Но некод паныд локтысьыс оз мыччысь.
Оз прөститны өд некор менө сыысь,
мый некод бөрся сиктын ме эг вөччы,
мый ас киөн ме шудөс ассыым вөчи.

Тэон любуйтча ме, тэон любуйтча ме,
тэон любуйтча вазыштөм синмөн.
Тайо мыйсяма шуд, татшөм төдтөм да выль?
Тайо шудсьыс ме тірала-сырма.

Восьса сьолөмыд кор, сэки тупкыса вом,
сьолөм кыв шутөг радлө, оз няргы.
Тэон любуйтча ме, тэнө лелькуйта ме,
быттё корысь, а тэ менам нянь тор.

Меным вичмыліс этшаник, этшаник шуд,
нянь чир мында то тані, то сэні!
Тайо пызаныс меным-ө дасьтөма тан?
Шогөй дзикөдз-ө помасис менам?

Радейтчөм

Ме радейтлі Мусө, ме радейтлі вөр,
а өні ме радейта сійөс.
И сы кындзи сьолөмам нинөм оз төр,
мен сы пыръя югзис став мирыс.

Ме радейтлі войсө, ме радейтлі лун,
а өні ме радейта сійөс,
код рөмыдлөн нывка, код шензьөдан ун,
код рытланьыс югөр моз сылө.

Ме радейтлі мукөдсө, ачымөс тшөтш,
а өні ме радейта сійөс.
Ми сы пытшкын өтувтчим: ачым да йөз,
сы биपुरысь ловзьөдла биөс.

Шемөс

Сійө кулөма вөлі да дзебөма нин,
унмыс личкөма эжаа вөтөн.
Гожөм воліс нин гу вылас, дзоридзөн тыр,
төлыс шебраліс лымйөн да слөтөн.

Но со быттёкө воссисны гуясыс тан,
олөм лолыштіс толаяс весьтөд,
көні, мусаөй, бөрдөмөн сыркъялі ме,
крестыс гу вывсьыд быттёкө вешйис.

Со нө, кудритө меліа сыналө төв!
Со нө, чышъяныд дөлалө ылын!
Тайо тэ, тайо тэ, менам сьолөмшөр ныв,
тэ өд кулөмысь, кулөмысь мынін!

Пидзӱс вылам сэк толаас лэдзчыся ме,
сьӱлӱмшӱрӱйлӱн сывъяс ме суна.
Видзӱд! Сувтігам вужвыйӱн вежсьӱма му,
и ме дзоридзъяс пӱвстӱдыс муна.

Арся ру

Муса ёртанӱй, бура тэ мӱвпыштін,
мунін ме дорысь кор, шондібан.
Тэнад морӱсид том, шонид, ӱзъялысь
мена́м морӱскӱд йизыштас тан.

Вӱрса туй дорын кельдӱдӱм дзоридз со
лымйысь мыччӱма юрсӱ и рад.
Мый нӱ век на тэ, дзоридзӱй, виччысян?
Юртӱ копыртан воис нин кад.

Лолӱс та бӱрын уна мӱвп ызъӱдліс,
сӱмын ӱнӱдз на некыдз оз вун:
вӱрса туй дорын нӱриник дзоридзтор,
и ме шебравтӱг сійӱс эг мун.

Ен нянь

Есус, карелалӱн енмыс,
важӱн вӱлӱма ыж видзысь,
медавлӱма сійӱс Ирӱд.

Лӱк да мисътӱм Ирӱд гӱтыр
дасътіс ыж видзысьлы нуртор:
вит нянь шӱрӱм нопйӱ пуктіс,
сола чери квайтӱс лӱдіс,
няньыс бакшасьӱма дзыкӱдз,
чери сісьмӱ воысь унджык.

Код нӱ пажынторсӱ нуас?

Нывныс, зарни Роза нывныс.

Шыасис из вывсянь Есус:
«Мыйла вайин меным тайӱс?»

Вочавидзӱ зарни Роза:
«Эньӱй пажынторсӱ дасътіс,
а ме видзӱді да бӱрді».

Юалис сэк сылысь енмыс:
«Мыйысь бӱрдін, муса нылӱй?»

Гӱрдӱдыштіс зарни Роза:
«Морт олӱм вӱсна ме бӱрді,
дзоньнас курыд олӱм вӱсна».

Чегис нянь шөрөмсө енмыс,
пуктіс коз мыр ыло сійөс:
«Пуксы, сёйыштам вай мекөд!»

Көрліс эськө нырсө Роза,
сөмын тшөктөмасө вөчис,
медводз ичөтика курчис,
сэсса чөсмасьомөн сёйис.

Няньыс медбур шобдi пызъыс,
чери вөлисти на кыйөм.
Босьтіс нывкаөс сэк шемөс,
юалис, кыз лоис тадзи.

Нюмыс петіс Есус енлөн:
«Ен нянь татшөм няньыс шусьө,
бөрдін тэ морт олөм понда,
синва сорөн няньыд небзис,
шогсин курыд олан туйсыс,
таыс чөскыд сёян лоис
лөзалыс енвевтыс улын,
Енлөн лышкыд пызан сайын».

Котөртіс сэк гортас нывка,
нэмсө колис томөн Роза.

Комиөдіс Ольга Баженова.



Елена ЕЛЬЦОВА

«Некод эз вöв сыысь вевтыр...»

«Некод эз вöв сыысь вевтыр...» — татшöм кывъяс сиис коми поэт Тима Венъ вокыслы, Жан Морöслы, 1924 воö йöзöдöм «Ниа» кывбурын. И збыль, босьтчан кө видлавны-лыддьыны сэкся, 1920 воясса, газет-журнал, дзик пыр и казялан: Иона Тимофеевич Чисталёв вöлöма медзиль, медся öзъян-ыпъялан сьölöма да медся пыдди пуктана йöз пиысь öтиöн. Кутшöм уджö сійö сöмын эз босьтчыв, мыйсö эз вöч: вöлі поэт-лирикöн, вуджöдчысöн, критикöн, велöдысöн, коми челядьлы учебникъяс да лыддьысян небöгъяс лöсьöдысöн, коми кыв, коми литература, школаясын коми кыв велöдöм вöсна вийсьысь-тöждысьысь мортöн...



Чужис Иона Чисталёв Кулöмдін уездса Помöсдін сиктын 1893 вося сентябр 13 (25) лунö вöлöстнöй писар, крестьянин Тимофей Иванович Чисталёвлöн уна челядя семьяын. Помöсдінса начальнöй земскöй школа помалöм бöрын сійö недыр кад чöж ямщикалис чужан сиктас: новлöдліс орчча сиктъясö ветлысь-мунысь войтырöс. А сэсся велöдчис водзö Усть-Сысольскöй городскöй училищевын да Архангельскын велöдысьяслöн кык вося семинарияын. Училищевын велöдчигас на, 1909 воö, Иона Чисталёв гижис ассьыс медводдза «Уллянаö ветлöм» висьтсö, кодöс сёрöнджык вöлі йöзöдöма рочöн П.П.Ползунов «История Усть-Сысольского городского училища» (1912) небöгын.

Семинарияын велöдчöм эштöдöм бöрын Иона Тимофеевич воис гортас, Помöсдінö. А 1914 воö, кор пансис империалистическöй, либö, кызди шулісны комиöн, «сар война», гижысьöс мобилизуйтисны — сійö веськавліс Турецкöй фронт вылö, вöлі полкöвöй писарöн, сэсся висьмис, да сійöс лэдзисны гортас. Помöсдінö воöм бöрын сійö босьтчис уджавны земскöй начальнöй училищевын, таысь öтдор зілис тшöтш и «Коми автономист-социалист чукöрын», секретаралис Помöсдінса партиячейкаын.

1918 воö велöдысьяслöн уезднöй съезд дырйи Иона Чисталёвöс корисны уджавны УОНО-ö* — йöзöс велöдан отделö. А 1918

* УОНО — Усть-Сысольский отдел народного образования.

вося ноябр төлысьö, кор УОНО бердын воссис «Коми комиссия», кодлөн могыс вöлі чукöртны да лöсьöдны школаяслы да коми войтырлы литература, Иона Чисталёв Андрей Цемберкöд, Василий Лыткинкöд, Афанасий Маеговкöд öтвыв зiля босьтчис лöсьöдны коми школаяслы учебникъяс, велöдчан программаяс, лыддысян небöгъяс. Комиссия нимсянъ сiйö шыöдчис велöдчöм коми войтыр дiнö да на дорö, кодъяслы абу веськодъ коми кывйыс, коми литератураыс: *«Комиссиялөн могыс — лöсьöдны, кыпöдны кок вылö коми литература. Тайö зэв ыджыд мог. Ас кежысь комиссия нинöм оз вермы вöчны. И сiйö чуксалö босьтчыны тайö уджас став коми йöзсö, кодлы муса мам кыв, кодлөн эм вын, кодi кужö лöсьыда комиöн гижны да висътавны. Шыасьöй, чукöстчöй, коми ныв-зон!<...> Мый нö коми челядьяс-ыс школаясас кутасны лыддыны коминас? Абу миян сэтшиöм литература, кутшиöм рочлөн, абу миян Пушкинъясыс, Гоголь-ясыс... Та кузя ми коньöргяс. Сидзкö, гашкö, нинöмла и кутчысьны коми кывъяс, нинöмла лöсьöдны, чужтыны, пычкысьны коми литературасö?<...> Ог жугыльтчöй, коми пиян! Коркö и рочлөн некутишöм литература эз вöв, коркö и рочнас унатор йылысь оз позь вöли сёрнитны, роч кывйыс вöли кын. Но сiйö дырөн босьтчис<...> Сидз жö и миян, бур вокъяс. Миян вермас жö лоны литература. Ёнджыка колö кыпöдны, босьтсьыны сы вылö ставöн, код мый вермас. Уджалöй, лöсьöдöй коми кыв, том войтыр, посни чой-вокныдлы, найö мöдысь аттьö шуасны тiянылы, кор кутасны школаын лыддысьны-велöдчыны комиöн»* [2, 110–111 л.б.]. Тайö шыöдчöмыслы зэв бура лöсялö Жан Морöслөн «Пармаса войтыр» (1921) кывбур, кодöс поэт гижис сёрöнджык, некымын во мысти:

Пармаса войтыр, чудь-коми котыр,
Тырмас нин жугыля овны!
Йöзысь эн кольччы, орчöнöдз котöрт,—
Сюсюлуыд кутiс тай ковны.
 Öнiöдз туйсö асвийöн овны
 Ог вöли тöдöй ми сiйöн:
 Пыр вöли лоö кодыськö повны,
 Овлiм, мый вöли мойвиö.
Öнi тай, майбырöй, ордымыс дась со,—
Шудланьыд мун, коми пиö!
Син водзыным восьса, ки-кокным разьса
Повзям-ö мыйыськö миö?!
 Мый миян абу, оз тырмы мыйыс?
 Вөр-ваысь, гашкö нö, дзескыд?
 Му пиас көртыс, из шом, мувыйыс,
 Джынъявтöм, сотлывтöм пескыд!..
Кöсйыны сьöлöм, босьтчыны колö,
Мывкыдным тырмас мед сэтчö;
Удж вылын вөрны коми зiль овлö,
Морттуй эм, быдторйыс сетчö..
 Пармаса войтыр, чудь-коми котыр,
 Морт туйö асьнытö пуктöй!
 Культурлун шедö он тöдлы кодыр —
 Вылынджык юрнытö кутöй!

1919 воö Иона Чисталёв уджалiс УОНО бердын Ичöт войтыръяс просвещение подотделын. Сы отсöгөн воссис коми типография, кодi бöрынджык, 1920 воö, лои Наркомнац Зырянот-

деллön издательскöй подотделön — «Коми книга лэдзанінön». Сэні уджалігön Иона Тимофеевич ёна зіліс коми школаяслы учебникъяс лöсьöдöмын. Сылön художествоа гижöдъясыс да вуджöдöмторъясыс пырисны «Виль туйöд» (1923) да «Школаын лыддянтор» (1926) небöгъясö. Йöзöдтöмön коли 5–6 арöса челядылы гижöм «Нимсö шу!» азбука, кодöс гижысь лöсьöдіс 1922 воö.

Иона Чисталёвлön зільлун йылысь, сёлöмсянныс уджалöм йылысь бур ногön да пыдди пунктöмön казътылöны гижан да уджалан ёртъясыс. Шуам, Сандрö Васьö — Василий Александрович Молодцов — гижö со мый: *«Долыд вöлі ськöд уджавныд. Медсьöкыд уджсö пыр ачыс тиöтиш вöчис. Коми комиссияд и, коми литература лöсьöдан удж пиад и, школаясад и, коми сцена вылад и,— быд колан удж вылö тырмыліс. Ёна öд и*



паськавлі сы дырйи коми уджыд. Да, сёлöмсьыс уджаліс Ионаыд, ловсö пунктіс удж вылас» [4]. Либö коми гижысь Илля Вась — Василий Ильич Лыткин: *«Медыджыд уджыс Ионалön — коми школа лöсьöдöм<...> Школьнöй отделеын Ионалысь кабинет шоча ми аддзывлім тыртöмön: сэн пыр вöлі пукалö Иона — асывсянь вой шөр бөрöдз. Ионаöс кö кабинетсьыс оз аддзöй, шензям вöлі быдсөн: «Тайö, мися, абу бур водзын» — шмонитам вöлі. <...>Ионаыд кувтöдзыс пыр уджаліс. Вермытöм сорөн нин, а пыр уджаліс. Ёна вöлі тöждысьö коми литература пондаыд<...> Уджыс сылön вöлі ловъя. Йöзöс садъмöдöм уджыс сылön весь оз вош. Коркö öд и сьöд коми йöз на бурön казътыштас садъмöдысьсö, ныр вылас усьтöдзыс сы понда тöждысьысьсö!» [2, 111 л.б.].*

Ассьыс художествоа гижöдъяссö И.Чисталёв гижис да йöзöдіс ёнджыкасö 1918—1923 воясö Жан Морöс псевдонимön. Жан Морöс — сідзкö, паськыда восьса морöс, восьса, сибыд сёлöм. Со тай кызд казътылö Иона Чисталёвöс кувсьöм бöрас нин гижысь ёртыс, Нёбдінса Виттор, 1933 воö «Ударник» журналын

йөзөдөм «Жан Морөс — коми поэт да критик» статьяын: *«Медся серьёзнöя миян пиысь видзöдiс гижöдъяс вылö Жан Морөс. Сийö вöли ачыс коми поэт, кöть эз эштыв гижны уна кывбур: сёлöмсьыс вермасис сийö коми школа вöсна, медым коми челядьöс школаясын велöдiсны асланыс коми кывйöн. Но и эшаник кывбуръясас сьлөн тöдчö ыджыд культура, збыльвылö поэтлөн сям<...> Но медся бура ме помнита Жан Морөсöс кызд коми критикöс. Сийö вöли казялас быдсяма нелючкисö, кутшöм вöли веськалас гижöдад (форма боксянь и пытшкöссяньыс), да индас, туйдöдас, кызд эськö колö вöли гижны»* [3, 25 л.б.].

Унаысь кывбуръясас Жан Морөс шыöдчö коми йöз дiнö, кыпöдö налысь сёлöм-ловнысö, ышöдö джöмдывтöг мунны водзö революцияöн писькöдöм туйöд. Татшöмöсь «Выныштчöй, вокъяс!» (1919), «Еджыд офицер» (1920), «Пармаса войтыр» (1921), «Май төлысь воддза лун» (1926)* кывбуръяс. Нёбдiнса Виттор пасйö статьяс, мый *«Жан Морөслөн революционнöй поэзияыс эз вöв куш гымалан кывъясын, сийö кужис пыртны чувствояс, настроениеяс, аслас сёлöмлысь кылöмъяс — мöд ног кö, революционнöй лирика»* [3, 25 л.б.]. Татшöм гижысьлөн «Выныштчöй, вокъяс!» кывбур:

Выныштчöй, вокъяс, эн воштöй
Ассыныд морт ним да мезд;
Казьтыштлöй, кутшöмджык вöли
Перйöмыс: сьöкыд-ö, эз?..

Вынгъясным бырласö миян,
Гашкö, ог аддзылöй пом...
Мед! Миян быдмöны пиян,
Вынсялö выль войтыр, том.

«Выныштчöй, вокъяс!»

1922 воö Жан Морөс гижис рочöн «Всезырянскому съезду» кывбур — тадз сийö сёлöмсянныс шыöдчис Медводдза Коми совет Съезд дорö**. Кывбурын автор кыпöдö Коми мулысь автономия, öткодялö чужан мүсö Эльдорадокöд — важ мойдъясысь озыр да шуда зарни мукöд:

Торжественный склад нашей песни не нов,—
Издrevле присущ он боянам,—
Но древний былинный напев тот мы вновь
Споём в применении... к Зырянам!

Доселе неведом народец сей был,
Он с вымершей путался Чудью,—
А ныне из тьмы Автономией всплыл,
Вскормленный Советскою грудью.

Но мать ослабела, взрастивши детей,
Ей сил понабраться бы надо...

* Кывбурыс вöли йöзöдлöма учебникын 1926 воын И.Т.Чисталёвлөн кувсьöм бöрас нин.

** Коми АО Сöветгяслөн Медводдза съезд вöли 1922 вося январ төлысьö. Сэни сёрнитiсны став коми войтырöс, тшöтш и перым-комиясöс, öтувтöм йылысь.

Мужай, автономный! На помощь с своей
Страной Коми му — Эльдорадо!

Вчера, как безродный, по множеству вод
Раскиданный, в парме скитался,—
Сегодня ты сам, Всезырянский народ,
На Съезд Всезырянский собрался!

Свершаешь судьбы дни грядущие сам,
С широким общаешься миром,
И силушка ходит по мощным плечам,
А сердце наполнено миром.

И мнится тебе: в лучезарной дали
На пир собрались все народы,—
И вечных они воплощенье нашли
В нем Равенства, Братства, Свободы!

Сьöлöмтö вöрзöдö Жан Морöслöн муслунлы сiöм лирикаыс:
«Янсöдчöм» (1922), «Сыланкыв» (1922) кывбуръяс. Кыкнансö
гижöма еджыд, рифматöм, стихöн. Сы йылысь ачыс авторыс
со мый гижлис Илля Васьлы письмöйн: *«Кутшöм кокныйд вö-
лöма гижны еджыд стикöн... дзик жö прозайн моз кокныйд
быд вежöр чукыль сёрний пöртны...»* [2, 112 л.б.]. Меным сьö-
лöм вылö ёна воö поэтлöн медводдза муслун йылысь «Янсöд-
чöм» (1922) кывбур, кодöс гижöма роч поэт А.Кольцовлöн
«Разлука» кывбур мотивъяс сerti. Ставыс, мый овлö мортлöн
томдырйи, сын эм: медводдза муслун, медводдза янсöдчöм —
став сьöлöм ойдлöмсö, кыпавлöмсö и ямöмсö казялöма-гижöма
поэт.

Майбыр, томдырйи сьöлöм пуигöн,
Став лов вир-яйнам нылöс радейтi.
Синмас видзöдлан — юрид бергöдчö,
Чужöмбан вылас — öзйö сьöлöмыд.
Мича дзоридзöсь ва дор видзьясöй,
Вевтас ыбьясöй, ылi пармайöй,
Тувсов асывводз, рытъя кыайöй,
Вöт кодъ войясöй, мый тi сы водзын?
Вывтi гажась тi, кодыр öтнадöн,
Кодыр тiянöн гажтöм пальöдан.
Но, а сы дырйи? Ставныс веськодъ. Сэк
Тöлыс — тулыс кодъ, войыс — мича лун!
Ме ог вунöдлы, кызди медбöръясь
Сылы шуи ме: «Эн бöрд, мусай!»
Сидзи, тыдалö, енлöн шубма...
Öнi янсöдчам, коркö аддзысьлам...»
Муртеса шуи сидз — öзийс чужöмыс...
Сэся кельдöдис лым кодъ еджыдöдз...
Да кыз сыркнитчис, йöй моз бöрддзас друг...
Кутас сывйöдым, öштяс морöсö...
«Энлы, эн на мун! Недыр лэдз менö
Гажтöм пöдтыны, шогöс бöрдöдны
Медбöръяысьсö, сьöлöмшöр менам!..»
Лолöй тупкысис... Кывийöй эз артмы...

1921 воö Жан Морöс висьмис зэв нин чорыда: мöрччис кö-
дзыд окопъясын война кадö кынмавлöмыс, ныр вылас усьтöдз
уджалöмыс. Карса уджысь гижысьлы ковмис дугöдчыны:

1921—1922 воясса төвсö сійö семьяыскöд — гöтырыскöд да сöмын на чужöм Прометей пиыскöд — оліс гортас, Помöсдінын, да и сәні на уджаліс: юрнуöдіс верстьöяслы опытно-показательнöй школаөн. Сьöкыд висьöм выlö видзöдтöг кык тöлысьöн сійö гижис-лөсьöдіс «Шыпас йöртöд» нима буквар да сы дорö методическöй очерк «Кыз велöдны шыпас йöртöд серти». Букварсö вöлі йöзöдöма медводз 1922 воö Сыктывкарын, а сәсса 1923 воö Москваын.

1922 вося арсянь 1923 вося тулысöдз Иона Тимофеевич бурдöдчис Кавказын да Крымын, но бурджык гижысьлы эз нин ло: Коми муö сійö воис 1923 вося май тöлысьö ёна нин висьысь мортөн. Та выlö видзöдтöг зілис уджавны водзö: велöдысьяс да гижысьяс собрание дырйи вöчис коми литература сөвмöм да могъяс йылысь ыджыд доклад, сёрнитіс сәні коми газет-журнал лэдзöм йылысь, коми гижöд йылысь, донъяліс коми гижысьяслысь творчествосö.

Олöм помланыс нин поэт гижис нор кывбуръяс — элегияяс. На лыдын — «Кор менам сьöлөмöй нöйтчыны дугдас» (1922) — кывбур, кодын бура нин кылöны регыдъя кулöм йылысь мөвпъяс: «Кор менам сьöлөмöй нöйтчыны дугдас, / Кодыр ме ловгъясь ловтöмö пöра»; кольöм томдыр кад казътылöм-жалитöм «Вöт моз тай кольöма кад сійö ылö» да чужан мукöд, сылөн вөрвакöд прöщайтчöм.

Жан Морöс вöлі бур вуджöдчысьöн. 1918 воö сійö медводдзаөн комиöдіс «Интернационал» — ставмирса пролетарийяслысь гимн, кодöс бöртиджык бурмöдыштісны В.Чисталев, В.Савин, А.Маегов; комиöдіс сідзжö и «Красное знамя» — «Гöрд дöрапас» революционнöй сыланкыв. Таысь кындзи Иона Чисталёв комиöдіс роч авторъяслысь уна гижöд: В.Короленколысь да Д.Мамин-Сибиряклысь висътъяс; А.Пушкинлысь «Утопленник» («Вöйöм морт»), Н.Некрасовлысь «Крестьянские дети» («Ачыс морт»), И.Никитинлысь «Вырыта заступом яма глубокая» («Кодйöма көрт зырийөн»), И.Суриковлысь «Горе» («Шог»), Л.Мейлысь «Колыбельная» («Потан дорын сылан»), Е.Баратынскийлысь «Зима» («Где сладкий шёпот») («Кытчö кольöма»), «Не искушай меня» («Эн ылöдлы»), А.Толстойлысь «Острою секирой ранена береза» («Лэчыд черөн кызд пу дойдöмабсь ёна»), М.Лермонтовлысь «Горные вершины» («Джуджыд слуда узьö») кывбуръяс.

М.Ю.Лермонтов серти

Джуджыд слуда узьö,
Гөгöр шы ни ру;
Пемыд увтас кузя
Чиркйö көдзыд ру.

Абу туйöд буса,
Вөр-пу кор оз вөр...
Шойччөг лоас муса,—
Виччысь, сьöлөмшөр!

«Джуджыд слуда узьö...»

1923 вося юнь тöлысьö Иона Чисталёв воис туберкулёзөн висъсысьяслы Пöддельнöй сиктса санаторийö. Сәні недыр олöм

бёрын сійö кувсис — 1923 вося юль 24 лунö. Гижысьлы вöлі сöмын 30 арöс. Таладор югыдсьыс мунтöдз удитіс на гижны ассьыс медбөръя, бөрдöдчанкыв сяма, «Гажа эськö тан дай...» кывбурсö:

Гажа эськö тан дай,
Гажтöм тай меным!
Югыд шондібан дай,
Лов вылын пемыд.
Сюрс сё майбырöй дай,
Чужанін муёй!
Дзоньвидзадырöй дай,
Гортын олöмöй!
Гöтыр-котырöй дай,
Пион да нылön,
Эмбурöй — тырөн дай,
Другъяс чукөрөн.

Сьöкыд висьöм водз орöдіс таланта гижысьлысь да ыджыд сьöлöма мортлысь олöмсö. Уна коми гижысь-лыддьысьысьлысь Иона Чисталёв сяммис вөрзьöдны сьöлöмсö: унаöн на пиысь сиисны сылы кывбуръяс, бурөн казтылісны журнал-газетын йöзöдöм статьясын. Илля Вась гижис Жан Морöс кулöм ылö «Пожöм» (1924) да «Жан Морöс гу ылö» (1929) кывбуръяс. Ыджыдджык вокыс, Тима Вень, сиис сылы «Ния» кывбур, гижис кулан лунас зэв нор «Шондi петігөн, олöм кусігөн» (1923) кывбур. «Пожöм» да «Ния» кывбуръясын авторъясыс öткодялöны Жан Морöсöс пукöд — Илля Вась пожöмкöд, Тима Вень ниякöд. Кывбуръясын тайö пуясыс джуджыдöсь, мичаöсь, вылын юраöсь. Тима Вень кывбурын эм весиг татшöм строка: «Аслас этшнас вöлі сар».

Тима Веньлөн:

Джуджыд изъя слуда йылын
Быдмис ыджыд ния пу.
Йылыс кымөр пöвстын, вылын,
Вужйыс корсис пыдысь му.

Некод эз вёв сыысь вевтыр,
Некод водзын кос эз син.
Кыза сылön — куим сывтыр,
Йывсö мортлön эз судз син<...>

Вöлі тыдалö зэв ылö
Сылön ёсьмöм туган йыв.
Юрсö кыпöдöма ылö,
Быд пу вылын вöлі вев.

Илля Васьлөн:

Кыркöтш дор нöрысын
Сулаліс пожöм,
Тöлыскöд вензис пыр —
Тулыс и гожöм.

Косясис-вермасис,
Лапъяснас шувгис,
Эз сетчыв некодлы
Тышкасиг-увгиг<...>

**Кутіс пыр ӧтмоза
Юрсӧ зэв вылын.
Матысса вӧр пуыс
Шензис сы вылӧ.**

Тайӧ, коми войтырӧн зэв пыдди пуктана войвывса пуясыс, сетӧны йӧзлы кыпыд сьӧлӧм, корӧны югыдлань. Найӧ ӧткӧн косясьӧны-вермасьӧны лёк вына вой тӧвкӧд, гым-чардкӧд да наысь и усьӧны-пӧгибнитӧны. Дерт, гижӧдъясын найӧ лоӧны символӧн: петкӧдлӧны-серпасалӧны мортӧс, кодӧ вӧлі вывтӧ тӧд-чананӧн аслас войтыр пӧвстын, збыль чуксаліс да нуӧдіс коми йӧзӧс югыдлань.

Илля Вась, Нёбдинса Виттор гижисны Жан Морӧс олан туй да творчество йылысь статьяяс, очеркъяс, казътылӧмъяс. 1963 воӧ медводдзаысь пасйисны Иона Чисталёвлысь 70 вося юбилей: сійӧ вося «Войвыв кодзув» журналлӧн 9 номерын вӧлі йӧзӧдӧма гижысьлысь кывбуръяссӧ, П.Г.Доронинлысь «Иона Чисталёв» статья, кӧні сійӧ гижис: *«Жан Морӧслы регыд удайтчис уджавны литературно-творческӧй удж вылын, но век жӧ сійӧ коліс тӧдчана киподтуй коми школаяс, коми учебникъяс, детскӧй литература лӧсьӧдӧмын, коми литераторъяслысь, переводчикъяслысь том кадръяс котыртӧмын»* [1].

Снимокъяс вылын:

1. Иона Тимофеевич Чисталёв.
 2. «Ыджыд мыж» да «Гудрасьӧм» драмаясын ворсысьяс. 1919 вося февраль 14 лун. Вылыс радас шуйгаладорсянь нӧльӧдыс И.Т.Чисталёв, витӧдыс — гӧтырыс, Е.Анисимова. Шӧр радас коймӧдыс — В.А.Савин.
- Аттьӧалам И.А.Куратовлӧн литературнӧй музейса уджалысьясӧс снимокъяс сетӧмысь.

Вӧдитчан литература:

1. Доронин П. Иона Чисталёв // Войвыв кодзув. 1963. 9 №. 53 л.б.
2. Илля Вась. Тӧд вылӧ усьӧм // Коми му. 1924. 4–6 №. 110–113 л.б.
3. Савин В.А. Жан Морӧс — коми поэт да критик // Ударник. 1933. 8 №. 24–26 л.б.
4. Сандро Васьӧ. Иона Тимопеевич Чисталёвӧс казътыштӧм кузя // Коми му. 1924. 4–6 №. 110 л.б.



Регыд дас квайт...*

ПОВЕСЬТ

Сэсса регыд воис нывбабаяслөн праздник, Март 8 лун. Сійö жö Марина Кириковаыс ышöдöма öткымын юбка новлысьöс пасйыштны тайö лунсö. Корисны и миянöс начальниккöд — мед көть пö мужик дукуыс тшöтш кылыштас. Ми тшöтш пуктiм ассыным пай — Шура судзöдöма литр джын спирт — и кыкөн мöдöдчим нывбабаяслөн бал выlö.

Ме, дерт, водзвыв бурджыка вöччи-пасътаси. Кöмалi сьöд ной гачöс — гач дöрасö премия пыдди козынавлісны Лукабанядорын пöрöдчöмысь,— пасъталi кельыдлöз сатин дöрöм да визьöсь-визьöсь американскöй пинжак, кодöс сетлісны гортын на, мамö дырйи, военнöй отсöг пыдди — сэки тай новлыштöм американскöй көлуйтö уна вайлісны... Гортын эськö и öшаліс на жö öти мича ной костюм батьölөн (мукöдсö, кыдзи вурсян машинанымöс да мукöдтор, мамö нуліс нянь выlö Кировскöй обласътö), но та-йö костюмыс меным вöлі ыджыд на, эз на лок сійöс новлан ка-дыс...

Видзöдчыштi зеркалö торйö, шильöдыштi кузь юрсійöс. Нинöм, скодита и буржуйölөн пинжакөн, көть эськö сійö и öшалыштö ме вылын.

Марина ордö жö и котыртöмаöсь балсö. Орччөн сувтöдöмаöсь кык пызан, и кор ми Шуракöд воим, пызанъяс вöліны нин вевттьöмаöсь сёян-юанөн. Коді мый вермöма, сійöс и вайыштöма: коді тшак, коді яйтор, коді чери да сідз водзö. Быдөн судзöдöма ящик пыдöссьыс важөн нин перйывтöм мичаджык платтьöсö да öні пукалö шöйöвошыштöм чужöма: буракö, велавтöмөн ка-житчö мича паськöмыс, ватнöй гачьястö да кыз фуфайкаястö дыр новлігад.

Ми Шуракöд шензьöмөн жö видзöдам бабаяс выlö: дзик быттьö мöд кодьöсь лоöмаöсь найö талун, асланыс праздник лунö, он и тöд...

А сідз кө нин шуны — мый и не гажöдчыштны öтчыдтö! Кузь война чöжыс сэтшöма вийсьöм-мырсьöм бöрын... Ловъя йöз на öд — быдөнлы колö гажыс...

Кисьталісны стöкан тырөн пув ваөн сорлалöм спирт. Тшöктіс-ны Шуралы:

— Ноко, начальник, вай мыйкö шу миян праздник кузя.

Шура сувтіс, ыджыд киас стöканыс тіралыштö, сьöд костюм морöсас Краснöй Знамя орден югъялö. Чужöмыс гөгөрвотöм кутшöмкö: быттьö кыпид, но тшöтш и нор. Видзöда — тіралысь стöкансьыс весиг почовтчöма розövöй спиртыс да визувтö чуньяс-öдыс. Мый талун лоöма Шураыскöд? Некор на ме эг аддзыв сійöс татшöмнас.

Начальник видзöдліс сысянь кыв виччысьысь лөньюм бабаяс выlö, кызöктыштöмөн весаліс голясö да шуис вöсни гөлöснас:

* Заводитчöмыс воддза номерын.

— Мый нӧ эськӧ тӱяны висьтавыны, бабӧньяс? Ӗд луныс талун кутшӧм... Тӱян луныс. Татшӧм лунад мужикъясыдлы кызкӧ быттьӧ абу и лӧсьыд тӱян пӧвстын... Да... Ме тай и шуа: сюрс ӧкмыссӧ нелямын витӧд во нин со мунӧ... Нӧль во регыд войнаыслы... Сэни, фронт вылас, тӱян верӧсьясныд войнасӧ пыкӧны, да... А ти танӧ пыканныд, тӱян фронтныд танӧ нюзӧдчӧма... Фронт жӧ танӧ!.. Кор помасяс войнаыс, тӱянлы, бабӧньяс, уна бур кыв шуасны, меысь тӧлкаджык йӧз... А менам озджык артымы, этша велӧдчылі да, видзӧд, мыр дорын ковмыліс велӧдчыны... Мый ме кӧсья тӱянлы шуны, бабӧньяс? Ме кӧсья шуны, мый танӧ война чӧжыс вӧлі нывбабаяслӧн лун. Да нӧшта Федя кодъ зонкаяслӧн... Сы вӧсна мый став надеяыс тӱян вылӧ вӧлі, ти танӧ нӧль во чӧж мырсид-пессид... Мый эськӧ меным окота вӧзйыны тӱянлы? Мед эськӧ верӧсьясыд ӧдйӧджык бӧр локталісны, кодлӧн ловъяыс... Но, а кодлӧн, сідзкӧ нин шуны... Да... Ме кӧсья шуны, мися, мед некодӧс олӧмыс вывтӧ ёнасӧ эз жӧ дойд... Вот. Юӧй, бабӧньяс...

Шуралӧн гӧлӧсыс джӧмдіс, сійӧ курччис улыс парсӧ. Кодкӧ ырӧбӧн бӧрддзис, менам курзис жӧ горшӧй, весиг ачым ог тӧд мыйысь... Ставӧн сувтисны да пызан весьтын нюзӧдісны пув ва сора спирт стӧканъяснысӧ.

Ырзӧм сӧлӧмнад ме эг и казавлы, кызди гулькнитӧ стӧканысь ставсӧ. Нӧшта нин сы вӧсна, мый эз вӧв курыд. Пырысьпыр жӧ зӧв ёна шоналіс кынӧм пытшкӧсӧй, лӧсьыд лои, зӧв окота лои сӧйны, кынӧмӧй вир сюмавыны быттьӧ пондіс, а нӧшта — окота лои сывны горӧдны.

Бабаяслӧн лов пытшкӧсын, буракӧ, татшӧмтор жӧ вӧчсис. Здук-мӧд кыліс паньясӧн да вилкаясӧн гольскӧдчӧм. А сӧсса кодкӧ горӧдіс: «Нывъяс, вайӧ сылыштамӧй!» «Марина, лешачика, заводитлы!» «Мый нӧ, мый?» — юасӧ мӧдыс. «А кӧть мый!»

Марина неуна бӧрынтьчыштӧс улӧснас пызан дорысь; личалӧм гажа чужӧм вылас вуджӧртӧс дум. И заводитӧс вына, шогӧн йиджтысьӧм гӧлӧсӧн, веськыд кинас сьылан лад ногыс неуна ӧвтышталӧмӧн:

**Что стоишь, качаясь,
Тонкая рябина,
Головой склоняясь,
До самого тына?**

Ме некор на эг кывлыв ни эг аддзыв татшӧм сьылӧмсӧ. Менам син водзын Маринаыс быттьӧ мӧд мортӧн лои, шом кодъ сьӧд синъясыс сьлӧн ыдждісны да вазисны, шуйга кинас кутчысис морӧс бердас; а гӧлӧсыс, а гӧлӧсыс мый вӧчис! Гӧлӧсыс друг быттьӧ йиджтысис мирыслӧн, сьӧкыд кадыслӧн став дойнас да нем жалиттӧг кырлӧдліс менсьым сӧлӧмӧс, кодӧс и сідз нин вӧлі вӧрзӧдӧма Шуралӧн кывъясӧн да спиртӧн.

И не сӧмын менсьым — ставӧн йиджтысисны Мариналӧн шогӧн да синваӧн. И кор ковмис выльысь горӧдны куплет помсӧ, быдсӧн горӧдіс ас ногыс: шудаджыкъяс — кыпыджыка, а шудтӧмъяс — морӧссыныс став чукӧрмӧм шогнысӧ горӧдӧмнас ылькнитӧмӧн.

Меным сэтшөм сьокыд лои. Ме косьйылі нин чеччыны да петны ывлао, но буретш сэки Марина босьтіс вьль куплет, и сылөн гөлөсыс быттьо домалис мено места вьло, и мукодыскөд тшөтш ме азыма водзö сылі.

Колö шуны, ме ичөтысянь жö радейтлі сьывнытö, и таысь век кызкö бурмывліс сьөлөмөй. Мукөддырйиыс, гортын на, улич тырөн вöлі мурга-сьыла; ышма да, став кывбурсö, кодос тöда, ас ногөн сьыла. А дась сьыланкывъястö сэки ми тöдім этша — радио эз вöv, деревня пасьтаын öтияслөн сөмын патефон вöлі...

**...Но нельзя рябине
К дубу перебраться.
Значит, сиротине
Век одной качаться.**

Сьылөмыс помасис кодлөнкö лёкысь бөрдана горөдөмөн. Ме лэптi копыртөм юрөс — бөрдiс Маргарита, Юлий Шварцлөн гөтырыс. Сiйö тшөтш вöлі тани, öтнас, верөстөгыс. Ставөн бергөдчисны Риталань, а сiйö ырситіс пызан сайысь, кватитіс тув вылысь кышөдсö да и чепөсийс ывлао. Некод эз кут сiйөс, некод эз вөтчы. Сөмын жалитысь видзөдласьяс кольбөдісны. Ме юалі орччөн пукалысь Калисалысь, тэрыб вöраса нывбабалысь, мый лои Ритаыскөд.

— Мужиксянныс юөр воөма, пленысь пö мынтөдчөма,— сьөлөм сетіс мунысьлөн шоглы Калиса.— Öні сэсся места оз аддзы, коньöрушко.

— А Юлийыс нö?

— Тайö — мөд... Войнаыдлөн мөд онас мужик вылас усян кабала волас — пал пö смертью храбрых. Во чөж шогалас-шогалас Ритаыс да босьтас мужик вьлө тайö Юлийсö. Кульөм ур кодö омөлик пö сэки вөлөма Юлийыс. Вердас-боссөдас Ритаыс. И со тэныд... Колö жö тадзи лоны!..

— Либö ичөт зонкаыс сылөн воддза мужиксянныс?— юася.

— Сысянь,— ышлолалö Калиса.

— Но мый сэсся ставныд няргыны пондінныд! Вайö юыштамөй ли мый ли нөшта, екуткойвась!— тадзсö ышөдіс мянөс фельдшерица Лиза. Сiйö ар кызя ныв, зэв визув да ёсь, юрвундысь кодь. Ме неөтчыд нин аддзывлі, кызди сiйö бон-бус вензыліс начальниккөд ассьыс висьысьяссö дорйигөн. А висьысьыд сылөн век вöлі тырмө — кодлөн пиньыс, кодлөн коскыс юкалө, коддысь кынөмсö орьөдлө — ёна небзисны йөзыс тшыг нисьö пөттö уджалігад. Шура вöлі горөдас Лизаыслы: «Вай дугды тэ лазаретьяс вөчавны тани!» А мөдыс воча горзö: «Висьысь мортос ог лэдз вөрö! Лун-мөд кө куйлыштас, дзонь-здоров лоö, а петас кө татшөмнас вөрö,— төлысь кежлө немортөн лоö!».

Шура сылы ас ногыс, аслас сигөр вывсянь дольö, а мөдыс — аслассянныс жö.

Но мем век жö чайтсьö, мый дырсö вензыны начальникным ськөд оз вермы. Мем весиг кажитчö, Шураыс видзөдлывлö тайö Лиза вылас вывтіджык шоныд синъясөн, да, гашкө, и частөджык öтлаын лөсявлö ськөд... Службаөн индөм серти частөджык.

Нöшта кисьталісны морса спирт, спирта морс ли. Ме бара лöсышти дзонь стöкан. Ог тöд, мыйла сэтшöмасö ышми... И некутшöм шог эз ло. Лолöй чукойн ойдіс гажөн, окота лои чеччавны, быдөн лоины мусаöсь, окота быдөнöс окавны, шуавны медся бур да пöсь кывъяссö, медся мича кывъяссö, кодъясöс весиг ачым на ог тöд.

Ме сöмын на кöсии шуны татшöм кывъяссö, но сэки горöдіс сьывны Калиса, комион да зэв тöдса да радейтана сьыланкыв: «Югыд кодзув, петав, петав...» Сöмын тай Калисаыс помсö асно-галыштöма сьыланыслысь:

**Петас эськö муса зонмöй
Кыа бöрын ме дінö,
Война тай сійöс оз лэдз:
Немечкöд вийсыны тшöктö.**

Тайöс сьылігөн ме, буракö, медъяна зіли: коланаинтіыс сэтшöма нюжöдлі-босьті, мый мукöдыслөн эз судзсьывлы лов шыыс, весиг лэчыд гөлöса Калисалөн. Сьылöмсьыс ме дзикöдз вылö коддзи, друг быттö стенъясыс вöрзисны места вывсьыныс да пондісны кызсюрö гöгравны ме гөгөр. Öдвa и сувтöді ме найöс. Пыркöдышти юрөн, доймытöдз курччи улыс парйöс, сувті да мöдöдчи пызан сайысь. А кок улысь джоджыс сідзи и пöлöстчö, сідзи и пöлöстчö. Кыдзкö-мыйкö тай восьті жö коридорö петкöдысь öдзöссö. А сэні, пемыдінас, пырысь-пыр и люкалі мöдар стенсö. Пиньясöс векуштöмөн, став вынöс зэвтöмөн кыздкö-мыйкö петі кöдзыд ывлаö, лэччи кильчö вылысь да шатлалігтырйи мöдöдчи кöза гидъяслань, йöз син водзсьыс ылöджык.

И тані,— вöрсаясыс кыскалöны сійöс!— вор кодь векныыдик ордым вылын, меным паныд лои Яков, посёлок пасьталаын дзик öти ай кöза, мöд ногөн кö, общественной козёл, коді могмöдаліс став энъ кöзаясöс. Тайö вöлі ыджыд звер, бур бычöпи кодь кымын. Сы вöсна, мый сылөн эз вöв торъя кöзаян, а видзисны вердісны сійöс кызди веськалö, Яков пöри аслыссяма типö. Сі-йö вöлі скөр, и эз зэв ёна радейт йöзöс: стрöка сюрас да, пыр и зутшнитас мышкад из кодь чорыд сюръяснас. Буракö, водзöс босьтіс сыысь, мый мукöддырйиыс вунöдывлісны вердны сьöлөмшöрöс.

Быдлаысь позьö вöлі аддзыны Яковöс: то сійö кавшасьöма конюшня лöскö, турун дінö, да удзöдö вöвъясöс, то гöгралö по-мöй чукор дінын; то сійö мырддьöма ичöтик нывкалысь нянь шöрöмсö, то, кöинъясысь повтöг, пöткöдчö киськасьöм турунөн мир туй вылын; то сійö пышйöдöма кыськö чöскыд пипу корöсь, то кыйöдчö мудер синъяснас барак коридорын — оз-ö сюр мыйкö сöтыштны. И, дерт, не этша сылы аслыс дөнзыліс: то пöсь ваөн койыштасны, то коколюкаөн гурйыштасны, — мун пö сэтысь, сюра лешак, тэтöг нин шөгöдö...

Öти кывйөн кö, Яков нуöдіс чорыд тыш тайö му вылас олөм вöсна. И сэк жö эз вунöдыв энъ кöзаяс йылысь.

А öні со ми паныдасим ськöд джуджыд лым пытшкö талялөм векныыдик ордым вылын. И сійö оз тöд, мый ме жалитышта сі-йöс, кадыс век на эз вöв висьтавны сылы та йылысь...

— Яков, д-другö, л-лэдз менö... М-ме т-талун г-гажа... Т-тэ

н-нэль к-кока, т-тэныд кокныдджык к-кежны.— Ме код, но пола сыысь. Ёд татшом зверыд кө зяткөбтас юр чашкаад, вины вермас. Мун пö да и судитчы сэсса сыхкөд.

Яков сулалө воча да сюся видзөдө ме вылө, оз и думайт кежны. Сійө абу сэтшөм рөдысь, мед эськө первойон кежны! Ме көсийи на висьтавыны сылы виль, мөрччанаджык кивъяс, но сэки менсьым пытшкөсөс пондiс гутөдны, ме копыртчи, и сійө жö здукас мышкө, коскысь улөджык, косыштит мыйкө зэв чорыд — быттö ёна кусынтөм кыз пу друг лэдзисны да сійөн швачкисны меным. Ме, сю кольта моз, турки-тарки летити лым пиö, пурскыси кымыньон; борся-курася и некыз ог вермы чеччыны. Зумыдінад кызкө-мыйкө сулалі на, а тані некызди ог вермы кок йылө сувтны, сідзи и пөра, сідзи и пөра, и юрөй дурмө, кодзулөсь сөдз енэжыс то улын, то выліын лолө. Сосъяс тыр и морөс тыр лым пырис, вом тыр лым и. Пöшти öтпөлөсә өд ачым, вылын сөмын ной гач да американскöй пинжак, шапка-төм... А көдзид войыс... Но Яков, сволоч!.. Часлы, тэ мем сюрлан на...

Ме кызкө-мыйкө быгыльтчи туй вылөдз. И век на ог вермы сувтны кок йылө, сідзи и пөра. Вот дивөйд!.. Сэтшөма али мый Яковыс зутшнитөма? Гашкө, кыткө чегис да?

Тані и аддзис менö Шура Рубакин, мортыд воштөма ассъяс мастерсö да петөма корсьны. Кынмас пö ещö, войыс өд зэв көдзид вөлі...

6

Колис март джын. А тайö тöлысьыс, кызди и век вöрын, ударнойон вөлі. Пөрөдчөм кузя миян участоклөн планыс бура тырис, а кыскасьөм кузя вөлі кольччыштам. Начальник корис менö да Динаос ас дінас да гөрдөдтөдзным пиняліс. А помланыс шуис:

— Федя, ме видзөда да, кыскасьөм пондаыс тэ ньöти он тöждысь. Ставсö Дина вылө лэдзөмид. Ачид куш сөмын пөрөдчөм төдан. А тэ өд мастер, тэныд ставнас участокыд вөсна колө кыв кутны. Мый пöльзаыс пөрөдөм вöрсыйд, абу кө кыскөма сійөс, ягын кө куйлө. Вай тэ кыскы сійөс, кыскы!

Диналөн сөстөм чужөмыс, көні тулысланыс содісны беринъяс, меысь на ёна ымралө. Сылы, буракө, абу жö ёна долыд. Гашкө, и чайтö, мый бөртиджык ещö и ме на понда дивитны сійөс.

Но со скöрысь триньöбтiс стенин öшалысь телефон. Начальник босьтiс трубкасö, и миян вылө скөрмылөм чужөмыс вежсьыштö, лөö тöждысянаөн:

— Кывза, Рубакин... Бур асыв, Иван Петрович.

Директор. Тайö нимсö кывлөм бöрын ме пытшкын мыйкө быттö пондiс чөсөдны-зөлитны. Тыдалө, оз весышөрö шулыны, мый иса нырыд пö вежонөн водзджык кылө бур кулаклысь көрсө...

— Оз лёка уджав... Сідзсö шань зонмыс... Кыскөм кузя тайсө кымын куб кольччис... Тані... Час сета...

Начальник синъяснас корис менö телефон дорө. А меным

сэтшөм некота босътны трубкасö, быттö, босьта кö, чардби лыйыштас сэтсыянь. Но кытчö воштысян!

— Мелехин кывзö...— мырдысьöн моз шуи ме.

— Зэв лёка кылö да, сибдiс али мый гөлöсыд?— ылисянь воö директорлөн зэлыд сёрниис.

— Мыйла, эз...— шуи ме.

— Но, Мелехин, лёка тай уджалан, а ме тэ выlö надейтчи.

— Вöвъясыс омöльтчöмаось, Иван Петрович,— шусис менам Диналөн кывъясөн.— Туруныс ичöт кöшас воöма...

— Кутшöм вöвъяс! Кутшöм турун!— директорлөн гөлöсыс чорзö.— Тэ, гашкö, ещö кутан шуавны, мый столöвöйын шыдыс кизьöр, а вöрын лымйыс джуджыд? А? Сидзи али мый?.. Аттьö, Мелехин, юрöс югдöдöмсьыд. А то ме, кабинетсяньыд, ог и тöд вöли та йылысь... Тöда! Аддзыли! Кылан тэ менö? Тэнад кö эськö, вöвъяс пыддиыд, тракторъяс вöлины, то и планыд эськö мöд вöли! Тэ вай, Мелехин, дугды нюньöасынытö. Тэд сетöма план, и мед вöли тыртöма сийöс! Гөгөрвоин?

— Да...— сöмын и верми шуны ме.

Сэсса раснитi-öшöдi трубкасö да некод выlö видзöдтөг чепöс-йи ывлаö.

А сьölöмöй ыпъялö-скöралö. Паныдасис кö öнi Яков, ме эськö сылысь, сötаналысь, сюръяссö чистö чегъявли!..

Чöрту, мастернад дай ставнад! Уджалöй колöкö асьныд! Эг тай ме вöзйысь! Аски жö муна пöрöдчыны! Вит кубометртö ворсiгтыр вöча! Öнi сойяс ёнмыштiсны нин. Сэки некод нин тэ выlö оз кут горзыны. Воин гортад — спокой-дорогой, кöть лыддысь, кöть гатшөн червидз. А танi лунтыр пон моз котралан, а сэсса кузь рытивбыд талонъясөн да мыйөн ноксян. И тэнö жö топöдöны быд боксянь. Öтарсянь тэ выlö рабочöйыд лöгалö, мыйла сылы содтöд нянь он сет, а вылисяныс со начальство жмитö... Чöрту, колантор тай — мастер!.. Дугды пö нюньöасынытö... Шуныд öд лöсьыд... А мый нö, ачым али мый ме вöвшой пыддиыс дöддяся да понда керсö кыскыны?.. Корсьöй колöкö бурджыксö!

Но кöдзыд асылыс вочасөн пальöдыштiс жö менö.

А дугда кö мастеравнысö, кывзысьтөг кö энöвтча,— сэки, гашкö, и вокъяслы нянь карточкаяссö оз кутны сетны? Кыдзи сэки найö пондасны овны? Тьöткаыд öд сэки кöдзалас на дiнö. Колiс жö эськö налы кöть семилеткасö кыдзкö помавны. Уджавнытö удитасны на...

Тайö мöвпъясыс сэтшöма дойдiсны сьölöмöс, мый весиг ымöстытöдз лои.

А сэсса вочасөн ме мöдарлань скöрмыны пондi. Мися, менö кö тi тадзи, то и ме сидзи жö верма! Ме верма жö кодсюрöлы пуж петкöдлыны!

Ме тöv ныр моз шуркнитi-пыри кыскасысьяслөн баракö. Сэни вöли лөнь, посныдик öшиньясöд пырысь шондi югөръясын дышиникпырысь лайкъялис бус. Менам сувтса синъясöй пыр жö казялисны, мый кыкөн абу мунöмаось удж выlö.

— Микол, тэ мыйла абу удж вылын?!— варыш моз уськöдчи ме крöвать вылас куйлысь гöрд юрсиа зон дiнö.

Сийö, буракö, повзыштiс меысь, тэрыба чеччис:

— Жар менам... Со фельдшерсянь справка...

— А вöлыд кöні?— горза.— Сулалö жö?

— Да... Мед шойччыштö.

— Вöлыдлөн нö тшöтш али мый эм фельдшерицасянь справ-
каыс!— горза ме; лöньöм пыдди менам содö лöглунöй.— Эн али
мый вермы сетны кодлыкö вöвтö!

Мöд мортыс вöлі Калиса, кодкöд ми öтлаын пукалім Март
8 лунö Марина Кирикова ордын. Калисаыс уджалö сөвтчысьöн,
ягын тэчö вöрсö кер додьясö.

— Тэ нö висян жö?— ме чепöсийи сылань.

Сійö сувтіс меным воча — ичöтик, гöгрöсіник, руд синъясыс
шöйöвошöмаöсь.

— Ог эськö вись да... Гын юръясöй дзикöдз розялісны, кулак
ыджда розьяс, лымйыс пырö кокö,— и кыпöдіс крöвать боксьыс
шынель ной пышына гын юр да пондіс дзурсійöдлыны дженъы-
дик, кызіник чуньсö розялöминас.

— И та вöсна эн мун удж вылö?— ме öні öдвa-öдвa нин
верми кутны пытшкöсын чукöрмöм лөк бисö.

— Кокöй вед кымö, лымйыс пырö да...— Калиса, буракö, гö-
гөрвоис, мый вöчсьö ме пытшкын. Содтіс мыжмöм морт моз:—
Талун турун кыскалысьяс ваясны гортысь дöмас... Рытнас дö-
мышта, и аски бара понда уджавны...

— А коді нö либö тэнад вöвъяслы талун сөвтö?

— Крестин...

— Но öд сійö оз удит кык пыддиыд?

— Этшаджык, дерт, кыскасны...

Таысь менам дзикöдз мыніс кутöдöй.

— Öні жö, кылан?— Öні жö! Кöмась-пасьтась и котöрт
ягö!— барак тырнас горöді ме.

Калиса чермунліс повзьöмысла.

— Ой, весьöпöртас татчö... Загреки тай тэ вöлöмыд... Батыд
тай нö эз татшöм лөкөн вöвлы... Зэв бур морт вöвлі... А кысь
нö тэ татшöмыс?

Ме шай-паймуні, бöбми, весьöпöри. Ме вылö быттö пывся-
нысь петöм бöрын виччысьтөг ызгисны кöдзыд ва ведра. Эз!
Менö быттö пес поткöдлан нöшкөн клеснитісны. А Калиса во-
дзö дöжналö:

— Аслас кокас снич выль катаникъяс... Аслас небось оз
кынмы кокыс... Оз верит йöзыдысь кымöмтö...

Менам сьöлөмöй муртса эз пот яндзимöйла. Ме шурк бергöд-
чи и петі баракысь.

Мый нö тайö ме понді керны?— Ме тай нö ачым куті пöрны
Ошö...

А выль гын сапöгъяссö меным неважөн начальниклөн ор-
дер серти сетісны, сы вöсна мый важъясыс сотчисны. Кöдзыд
вöлі, и стöрöжикаыс ломтöма пачöс асывнас, а менö абу
садьмöдöма. Садьми — лöз тшын лювъялö, чуть ог пöд. Ката-
ник пыдöсьяс дзикöдз нин сотчöмаöсь. Мый сэсся шуан
йöй нисьö прöсуж пöчöыды, кодлы талун ли аски ли, гашкö,
сё арöс нин тырас...

Петі ме баракысь ывлаö да котөрөн — гортö. Кватиті сотчöм
гын сапöгъясöс и — бөр.

— Калиса!— горза,— вай օтвылысь зэв тэрыба дօмлам гын юрҗастօ и — ягօ!

Видзօда, мортыд дзикօдз шօйօвошис, кыскалыштис нырнас, синҗассօ весиг чышкыштис килутшнас.

— Чօв, Федя, ог удитօй,— шуис меліа.— Ме кօмаси нин, Кольօ со сетис ассыс. Ыджыдджыкօсь эськօ да, мед... А тэ вай бօр ну катаникҗастօ, аслыд на ковмас дօмас вылад... Вокҗас-ыды ли...

Оні нин ме бօбмօмօн сулала сотчօм катаникҗасօн джодж шօрын.

— Ну бօр, тэд шуօма!— нюмҗалօ Калиса.— Меным, мися, ваясны дօмассօ... Ветлігкостыд ме доддҗа и, кօсьян кօ, օтлаын мунам вօлօн.

— Кутшօм вօлօн?

— Кольօыслысь доддҗалам. Мый сылы сідзсօ сулавны.

Недыр мысти ме пукалі нин Калисакօд орччօн օбледьօн вольсыштօм додҗ колода вылын, а дженьыдик гырка Пеган, кок помҗасас исергаօн кынмօм йиторҗасօн сярօдчигтыр, рօдтис-нуис миянօс ягօ. Бօрсянь кывзысьмօн вօтчис кресталօм гезҗас вылօ лэдзօм ичօт додҗ, кодօс миян шуօны патрօօн.

— Калиса, а тэ нօ батыօос менсьым бура тօдан?— юася.— Онтай тай шуин...

— Но, тօдтօг ог ов, օти сиктсаяс да. Дас кօкҗамыс арօсօдзыс օд ме гортын олі, сэки кօть Сюзибас петалі верօс сайօ-а... Бура помнита батыօ, шань морт вօлі. Эз тэ мознад горзыв ни.— Калиса лօкавтօг серօктис.— Помнита, кор колхозыд лои, бօрйисны сійօс председателҗօ. Кօть эськօ и том на ачыс вօліс. Первойсօ морт кызь, буракօ, гижсис... Батыды, буракօ, яндзим вօлі ыстыны йօзсօ удж вылօ. Эз на кужны сэки ыстасьнысօ ли. Видзօдан да, Оңдрей гозҗа, батыд да мамыд тэнад, асьныс медводз доддҗасьоны турунла мунны. А мукօдыд сэсса кыз он мун?..

Ме лов шыօс кутօмօн кывза Калисаօс, и мен кажитчօ: тайօ сёрнинас нывбаба нօшта на օтчыд օлօдօ менօ օнтая скօралօмысь.

— Шутлив вօліс батыд и,— водзօ казгытлօ Калиса.— Коркօ, сёрօнджык нин, օтлаын жօ вօрын уджалім. Ме ар дас квайта вօлі, кыскаси, а сійօ тай миянлы сօвтис-а. Тэчим ми сыкօд ыджыкодҗ додҗ, куб сайօ нин, буракօ, лои. А, видзօда, зэв мича кер на орччօн куйлօ. Оңдрей дядҗ, мися, вай нօшта пуктам тайօс! А сійօ сералօ: эн горшась, пօран вед. Но ме нин сираси: пуктам да пуктам... Но — лэптім, кօрталім. Сօмын тай туй вылօ петтօдз на менам доддҗыд и пօрис. Кօть караул горзы. А батыд сералօ. Пуксис мыр вылօ, перйис табак кօшельсօ и куритчыны пондіс. Мися, Оңдрей дядҗ, лок отсав но!— кора бօрдігтыр. А сійօ оз и вօрзҗыв: мօдысь пօ он понды горшасьны.

— Сэсса нօ эз и лэпты али мый додҗтօ?— шензя ме.

— Лэптис, кыз эз... Но не этша тешитчыштис.

Меным нимкодҗ таысь, и օттшօтш ёнтыштօ сьօлօмօй. Ме неуна помнитышта жօ тайօ Калисаыслысь верօс саяс мунօмсօ. Ачыс ичօтик, а верօсыс тай зэв ыджыд бытҗօ вօлі-а. Часовня дорын вօлі петкօдлօ миянлы, зонка чукօрлы, кызди колօ лэптав-

ны кык пудъя гира чаль чуньон. Ми сэки, көть и зэв сюся велөдчим сылысь, но асьным лэптынысö некыз на эг вермөй.

Онi ме висьталi та йылысь Калисалы. Сийö кызкö нориника серöктыштiс да шуис:

— Сэтшöм вöвлi. Ён дядьö жö, енкöд, вöвлi... Менö, ичöтик морттö, тупыльон вöли шуö... А вай жö пö ме тэнö, тупылёк, шкап выланым лэпта. Видзöдлам пö, кыззи тэ сэтись лэччан.

Калисалон вежсис чужöмыс, сийöс, буракö, дзикöдз шымыртiс кольöм шуд йывсьыс казтылöмыс.

— Кытчöкö тай вошис со, көть и та ыджда дядьö вöлис. Сизимöд во виччыся... Комын öкмысöдын армияд Степаныс ветлис, буретш бөр локтан кад нин вöли, но войнаыд таялис. Сысянь — слук ни дук... Граница дорад сийö вöли мян, кутшöмкö Перемыш дiнын, первой нырас и веськалис. Код тöдас, ловъя ли, кулöма ли сэсса. Век тай виччыся-а... Кызь арöссиянь ныв ни дöва... Челядь эз удитны лоны, öтнам ола пöрысьяс дiнын, тöлын ни гожöмын вöрысь да ваысь ог петавлы. Немтор он вöч — кодлон кутшöм шуд...

Кор ми пондiм нин матыстчыны уджалан яглань, друг паныд лои кыккокйив скачитысь вöv. Шуркнитiс мян дiнтi гортлань, сийöс-гужи дiнас куш сöмын додь вожъяс кольöмаöсь.

— Кутю Митьöлön тайö Каркоыс,— шензьöмön шуис Калиса.— Мый лоöма ськöд? Меддыш вöлыс тайö да...

Сэсса и тыдовтчис ачыс ямщикыс — Кутю Митьö, ме кодь жö арлыда, но пыста кодь омöлик да жебиник зонка. Беринöсь чужöмыс муртса тыдыштö пон ку шапка пытшсьыс. Котöртö, кöсийö вöтöдны Каркосö.

— Мый нö лои?— горöдiс сылы Калиса.— Куш вожъяснас тай нö скачитö Каркоыд, а доддьыс нö кöни?

Но Кутю Митьö немтор эз вочавидз, сöмын öвтыштiс кинас. Вом доръясыс сырмöны, сьöкыда кашкö-лолалö.

— Ок тэ, рöбöтник!— котöртысь Митьö вылö жалитана синъясөн видзöдiг шуис Калиса.— Мöмöt!.. Батыс татшöм жö мöмöt вöвлi. Нэмсö вежыньтчöм керка-картаын овлис. Вина юны да керка тырыс Кутю пиянöс лöсьöдны толькö и сяммылис.

Вöлöмкö, Митьöыд вöчöма зэв лектор. Сöвтасны сылы додьсö, Каркоыс мыйкö мында муныштас да зумыд туй вылö петтöдз на бөр сувтас. И некыззи пö бöрсö оз вöрзьöдчы, дзуртö-легö сöмын места вылас. Митьöыд пессяс-пессяс, ньöрийön и зорйön вуштас Каркоыслы, но немтор оз отсав. Сэки Кутю Митьöыд ваяс матысса бипурйысь пöсь öгыр, лэптас вöлыслысь бöжсö да пуктас сэтчö öгыртö. Небось тай сюрас Каркоыдлы выныд! Кыдз корснитас да кызд чепöсьяс! — сöмын заветкаясыс рутш-ратшмунасны... А вöлыс тövзыштас куш вожъяснас.

Бöрд көть серав сэсса. Колö жö татшöмтор думыштны!

Коньöр вöv! Да и, сiдз кö нин шуны, Кутю Митьöыс коньöр жö. Сылы абу жö кокни омöльтчöм да ещö дуланитчысь вöвнад.

Со тай буретш петкöдöны морöсöдз челикысь сэтшöм жö кер додь. Горзöмыс, сötкöмыс!.. Кодкö нүдö вövсö дом поводöдыс, ямщикыс кутчысьöма вöжжиас да нюдз ньöрийön швичйöдлö боксяныс, сöвтчысь нывбаба ыджыд зорйön, чужöм гöрдöдтöдзыс, бертö-йöткö додьсö мышсяныс. И ставön горзöны, ставön ышöдöны ичöтик вöлөс, кодлон быд лунъя сьöкыд уджысла да

омёлика сёйомысла, туйвивса чорыд вуж моз, дзикодз нин лыбё-
ма корпаыс.

Сэсса тай кызкё-мыйкё вөрзис жё сьёкыд доддыс. И пы-
рысь-пыр жё горзём-ышодём уна пөв ярджыкөн лои: од өні ко-
лө сэтшөма весьөпөртны кывтөм пемөсөс, мед эськө сійө туй
ужодз челикысь петігөн кызкё-мыйкё эз нин сувтлы.

Кызди сөмын эг ышөдывлөй ми вөр кыскалысь вөвъястө!
И ки тыр чөскыдджык туруннад, и нянь шөрөмнад, кодөс мыр-
дысөн сорөн лоө торйөдны аслад паёкысь. Но век жө ёнджыка-
сө коньөръясөс ышөдывлөм ньөрийөн да зорйөн да сизим вевся
матьөн.

А Кутю Митьө со и пось шомөдз воөдчөма.

А думыштны кө, мыйта вөчисны миян вөвъясыд война кадад!
Од техникаыд зэв гежөд на сэки вөлі; пример вылө, миян лес-
промхозын немся механизируйтөм участок эз вөв... Пөшти став
вөрсө кыскисны колхозса вөвъяс, посныдик, но шензёдана
винёв пемөсыс. Коньөръяс и зөртө омөля аддзылісны; Эжва да
Сыктив дорса турун вылын сөмын и олісны (и весиг туруныс
эз тырмыв пөттөдзыс!), но найө мырсисны и мырсисны: сы
мында кер лэччөдісны гөльмөм странады, сы мында му гөрисны,
сы мындаөн тшөтш фронт вылө веськалісны, а кор ёна нин
ковмыліс — мездылісны асланыс чорыд яйөн кок йывсьыныс
усьны заводитөм йөзөс...

Директорөн дзужалөм бөрын ме слөйөн босытчи кыскасьом
дінад. Начальниккөд өтвылысь звөнитлім колхозса председа-
тель-
лы, корим содтөд вылө нөшта некымын вөв мөдөддыны. Мися,
ми тэнө мыйөнкө мездям жө. Мортыд эз кут ыргянитны, нель
вөв вайөдіс сезон помөдз. Ямщикъясөн! Эбөссыс усьөм йөзөс
унджык мөдөдім туй вылө — мед төпканъясө слегаыс тэчөны,
чой горувъяс лыскалыштөны... И вочасөн унджык пондім кыскыны.
Буракө, мися, немтор кө сэтшөм-татшөмыс оз ло, тыртам квар-
тальной плантө. Мед сэки, колөкө, звөнитө директорыд...

7

Өні, кыскасянінад ёна ноксигөн, ме частө вөлі өтлаын Дина-
көд, аслам подчинённой десятниккөд. И, веськыда кө шуны,
меным нимкодь вөлі сы дінын бергавны.

Кызкө өтчыд ме вои примитны вөр Диналөн бать — Тэрыб
Ольөш діно. Тайө вөлі ар ветымын вита ыджыд тушаа дядьө,
корөсь кодь паськыд тошка да куш юра, мый вөсна меным век
кажитчыліс, мый став юрсиыс сылөн гусьөникөн тошкас лэччөма.
Сёрнитөны вөлі, мый Тэрыб Ольөшыс — зэв асруа морт, он
и төдлы, чажнитас мыйыськө, и сэки сөмын виччысь: быдторсө
вермас керны.

Өтчыд пө Ольөшыс мөдөдчас ягө, джын туйсө нин, кык
верст, подөн восьлалас. Но виччысьтөг конйыштчас кыз вужйө
да усьө. И кымөснас люкыштчө пожөмө. Таысь мортыд сэтшөма
скөрмас, мый лөкысь йирыштас пиньнас да уськөдчас бөр горт-
ланьыс. Усьө пө да чеччө котөртө. Кватитас гортсьыс чер, вы-
льысь локтас вуж дінөдзыд да, капустаөс моз, чистө тшытшас-

керавлас сійөс. Тшөтш и пусö, кодöс люкалöма, пөрöдас скөр-мём вывсьыд. Выжив кö нин-а?..

Шуам, скөрмынытö ме и ачым скөрмывла, мукöддырйиыс сэтшöма на ещö чажнитла... Но мед увйö сконъясьöмысь та дыра не ыркавны, сы ылна öтарö и мöдарö котралігөн не ыркавны,— ог тöд, менам эськö аслам регыд и серамöй петіс...

Татшöм висътъяс бöрад ме полыштікодъ Тэрыб Öльöшсьыд. Но тшөтш быттö и окота вöлі аддзывны сійöс скөрмöманас, кутшöмджык сійö сэки...

Уджалис мортыс бура, нормасö век тыртіс, и ме быд лунсö эг и волев сы дінö. Допталонтö позьö вöлі сетны сылы вöрсö примиттөг.

А öні вои и шемöс босътіс, вомöс паськөді: Тэрыб Öльöшыд аслас пөрöдöм вöрысь пашкыр сад вöчöма — быдлаын ув да йыв, ачыс некөн оз тыдав, черөн тукöдчöмыс сöмын көнкö кылö. Чаща пырыс öдва и писькөдчи сы дінөдз.

— Мый нö тэ увсö он сот?— юася дöзмöмөн.

Пөрччис кепысьсö, шылькнитіс кинас паськыд тошсö да до-лыдпырысь шуис:

— Виль ногөн ме шуи уджавны, Педөр. Квайт лун понда куш сöмын пөрöдны да чинтавны, а сизимöд лунас, вöскресен-нöö — сотны, сöмын сотны, мед быттö шойччöм кодъ лоö.

— А лым кö усьö? Тыртас став увтö.

— Оз усь, детина, öні кутшöм нин лым.

— Но мед, шуам, оз усь,— ог сетчы ме.— А кыскынысö кы-дзи татшöм вöртö пондам? Запасыс öд миян абу öні, лун-мöд мысти ковмас кыскыны... Вай, зон, тэ, Öльöш, öні жö сот увсö!

— Ог, Педөр, недель помöдз ог кут сотны. Вай тэ эн торкав менсьым плансö, сэтшöм лöсьыда думыштöмасö.

— Он кö сот талун жö, ме ог примит тэнсьыд!

— Ме тэд сета — ог примит!

— Ог, тэд шуöма...

Кыз тай Тэрыб Öльöшыд горöдас! Кватитіс мерайтчан зорсö и — ме вылö. Ме, повзьöм ур моз, тюркниті сы киөн вöчöм чашаö. Сійö ме бöрся. Сэсся, пöрысь мортыд, конъясис, усис, буракö, да пондіс эравны. А менам нин серамöй петö, горза ылісянь:

— Аски асыв бара вола, мед вöлі сотöма увсö! А он кö сот — ог кут тэнсьыд примитны! Мед, колөкö, начальник примитö.

Но и Тэрыб Öльöш! Збыльсь, буракö, выживмöма...

Рытнас, кор Дина пыртіс ме ордö кыскасьöм йылысь лыд-пасъяс, ме висьталі сылы лунся спектак йылысь. Нылыд ыпнитіс-гöрдöдіс, кыв шуны оз куж. Мися, мыйла и висьтавсис мый оз ковсö!

— Ме öд, Дина, бурөн шуи сылы... Эг лёк вылö... Эг чайт, мый сійö сэтшöма пузяс... Вöрсö öд кыскыны колö...

Дина копыртöма юрсö, пашкыр юрсиыс дзикöдз вевттöма чужöмсö; сöмын и аддза, кызди кузьмöс чуныяса еджыд киясыс кальба шамралöны öта-мöднысö.

— Федя, тэ эн ёнасö дивит сійöс...— кылö сёлөн тіралыш-тысь гөлöсыс.— Сідзсö абу лёк морт батьöйс... Сьölöмыс бур... Öдйö öзйысь сöмын... Асьсö кутны оз вермы... Водзті сійö эз татшöм вöв, збыль шуа. Войнаöдыс сійö мöд кодбөн вöлі. Зэв

ёна уджавліс и, звучникон вөвлі. Гортын важ газетъяс эмось, унаысь сійос снимайтлөмаось.

— Видзод со!— чуйми ме.

— Ми сэки чойкод ичотось на вөлім, а Веча вокöй пөрнöй зон нин вөлі, институтö муніс велөдчыны. Ёна и велавлөма сійö миян... Батьö немысь-немтор эз жалитлыв сылы, гашкө, сы понда и ёнджыкасö вийсис — мед нин сөмын велөдчас... Костюмъястö вөлі ньобалö сылы, денегатö мөдөдö... Став сикт пасьтаысь пö отнамлөн пийö геологөн лоö!.. А войнаыд кор заводитчис, вокъяс-öй став курснас мунөмаось фронт вылө. Во мысти усьöма сэсса Веча вокöй Сталинград дорын...

Диналөн чужöмыс век на оз тыдав юрси пытшсыс, и ме ог тöд, мый вöчсьö сылөн чужом вылын. Гөлöсыс тай дзикöдз вежсис-а.

— Воклөн усьöмыс ёна небзьöдіс батьöös, друг висьöдчыны сійö пондіс. Öнi ньöти асьсö кутны оз вермы... Мыйкө кө не сы ног — пырысь-пыр и этшсыс петö... Ме гортын паныд кыв ог нин шулы сылы...

Со кызд вөлөма... А ме сералі старик вылас, чашаöд котрöдлі сійос...

Сьölөмöй нöйтчö менам, ме політырйи вевття аслам киөн Диналысь пöсь кияссö. Сійö виччысьтöмысла дрөгнитö, но оз нетшышт кияссö; и ми вель дыр тадзи чöла пукалам — войнаөн дойдөм челядь, кодъяс друг казялісны, мый, сьöкыд кадыс вылө видзöдтөг, тшöтш и на пытшкын пондісны ловзыны томлулөн виртö öзтысь вынгъяс.

Ме колльöді Динаöс горт дінөдзыс. Батьыскöд найö олісны Ыбын-ю мөдарын, важ посёлокса ичöтик керкаын. Миянладорын жö вöліны выльджык, кузь баракъяс, столөвöй, пекарня да контора, кодлөн вевт вылын öнi, тöлыся югыд войнад, ясыда еджвидзис сямöдысь шöралөм ыджыд лыдпас — «86», татчöс кварталлөн номерыс.

Вөлі лөнъ. Тыр тöлысьлөн кельыд югöрыс ойдөдöма и шойчысь посёлоксö, и узысь вöрсö, гөгөр быттьö мойдын кодъ. Шондіа луннад небзыштлөм бöрын ывлаыс удитöма нин топыда кынмыны, и чарöмыс лэптіс миянös, кокныыд йöзтö. Миянлы лöсьыд вөлі вöйласьтөг мунны шылыыд чарөм вывтыс орччөн, туйтөг; а нöшта лöсьыдджык вөлі кывны кутчысьöм кияс пыр öта-мөднымлысь вир пессьöмнымös.

Ыбын юыс таті, пос дортыс, төвбыд абу и кынмылөма, буракö, ключъяс петöны, и ми мыйкө дыра кывзыштім варов валысь сьялкөдчөмсö да видзөдім сьöд йирö вöйөм югыд кодзувъяс вылө.

Ми кыкнанным вөлім шемöсмөмаось виччысьтөм шудсьыным, да, вöй ыжъяс моз, эгö төдöй, мый колö вöчны татшөм здукъясас.

Öшинъ улас ме, смелмөдчи да, кужтөг окышті Диналысь тіралысь вом доръяссö. И пыр жö став вир-яйөн кылі, кызди сі-йö ыпнитіс-öзйис, а сэсса тэрыба мынтөдчис менам сывъясысь да пырис гортас.

Ме и ачым öзйи жар биö веськалөм сирөд чаг моз да понді яра сотчыны. И сэтшөм лöсьыд лои меным! Лолöй ыпъялö... И код быттьö ме... И быгыд тöлысьöдзыс окота чеччыштны... Вочаасис кө эськө öнi меным Яков, ме эськө и сійос, заразаös, окышті.

Сейом-юом кузя өні ме олі эг нин сэтшөм омөля. Дерт, шум, кило няньыд быдмысь мортыдлы кизьориник вөлөганад озджык жö тырмышт, но и тшыгла он жö нин кув сыысь. Лукаб-нядорын ёна дзескыдджык вөлі... А сэсса өд и войналөн помыс нин тыдаліс. Тайö медьёна ышөдіс мянөс: чайтсис, мый Победа бöрын дзик ставыс вежсьö, олөмыс шудаысь-шудаөн лоö. А сэтчөдзтö кызкө-мыйкө поэö нин терпитны.

Сьом менам вөлі жö — өд өні удждонöй лои нин квайтсё шайт төлысьнас. А кытчö сійөс ёнасö видзан? Кило нянь вылад да столөвöйса шыд-рок вылад зэв этша мунö.

Но öтчыд ме прамöя валниті-лэдзи «лишнöй» сьомөс. И сэки вöлись гөгөрвои, мый некутшөм сійö абу лишнöй. Кор тай зептыд тыртөм лоö, сэки небось öдйö гөгөрвоан...

Рытын пыри ме баракö, а сэнi пöрдчысь мужикъяс очкоысь ворсöны. Сконас быдса чукөр дасаяс и весигтö гөрд комынаяс öкмывлöны. Видзöдыштi, кызди татшөм чукөръяссö то öти, то мöд тіралысь киясөн курыштавлöны асланыс. И сэки казялі: вөлөмкö, интереснö видзöдны картіасьысыс вылад: өд сэтшөма вежласьöны налөн чужөмъясыс — то пемдывлöны, то югдывлöны, быттö кино видзöдан.

Медыджыд сьом чукöрыс вөлі Юлий Шварц водзын. Скон босьтөм бöрын сійö тэрмасьтөг шыльöдлывліс вöсни чуньяса кияснас чукрасьом витаяс да дасаяс да лөсьыдіника тэчлывліс стопаö — гырысджыкъяссö уліö, посниджыкъяссö выліö. Вескыд ныра да джуджыд кымөса чужөмыс сёлөн, сук чай рөма синъясыс и ыпъялісны. И ме весиг думыштi: гашкö, мися, Юлийыс олөмас медьёна радейтö картіасьны? Сэки медьёна бурмылö сёлөн сьөлөмыс?

Коркөя бöрын ми сыкөд ёнасö эг меліасьöй. Налысь, гозъялысь, вөр примитігъясö ме неöтчыдысь паныдасьлі Юлийлөн яр видзöдласкөд, и тайö видзöдласъясыс ёна ыджыд бурсö меным эз вöзйыны. Позис кө, сійö эськө менö, буракö, пырысь-пыр жö тшапнитіс голяөд. Но сійö поліс Шура Рубакинысь, сійö, буракö, тöдіс: мыйкө кө лоö мекöд, начальник аддзас, кытысь колö корсьны мыжасö.

Сідз нин гусьöникөн сёрнитöны вөлі, мый тöндзи, кор Юлийыс ветлөдліс лөз синмаөн, сійөс пөвсалісны эз ёртъясыс, ни эз гөтырыс, а Шура Рубакин. Öг тöд, ачыс Шураыс меным эз висътавлы та йылысь. Сöмын тай, буракö, сійö лунъясас и эм, велöдыштіс менö:

— Федя, коркө кө кодкө уськөдчас тэ вёлö,— эн повззы. Мед көть пурта. Чужйы кок вож костас, и пуртыс усьö.

Ме сöмын воча серөктыштi: мися, татшөм велөдөмсянныд да вöчтöдзыд коластыс ыджыдкодь.

Интереснö, кызди Юлийыс олö Маргаритаыскöд өні, кор кывсис, мый гөтырыслөн воддза мужикыс ловъя?

Но со кодкө серамсорөн шуис:

— Федялы талун телепит жö ворсыштны, но полö.

Меным эськө, кызд мастер мортлы, өлөдны мукөдъясöс деньгаөн картіасьөмсьыс, а менам, вильыш кычанлөн моз, ыпнитіс сьөлөмöй татшөм шүөмсьыд, да ме ыкпашитөмөн вочавидзи:

— Мыйысь мем повнысö! Сьöмсö ачим на нажöвита.

Пызан сайö пуксигөн меным кутшöмкö здукö усьлис тöд выlö карса базар вылын коктöм салдаткöд сёрни, кодi көсйис вузавны меным атласнöй картi, но батьö усьöм йылысь тöдмалис да эз вузав,— тайö казтылöмсьыс меным яндзимкодь лолi, но мöд, ыджыдджык вын мырдысьөн кыскис нин менö пызан сайö. «Ладнö, öтчыд ворса, сэсся и — пом!»— зили ме лөнбöдны яндысьöмöс.

Сиктын ми, зонкаяс, ворслывлiм жö очкосьыд, истöг выlö да посни деньга выlö. Но öнiя кодь ворсöмсö öнöдз ме эг на аддзыв — мед сконсö заводитiсны витаысь либö дасаысь.

Кор ме лои скон вöдитыснас, öтчыдысьөн вои витсё шайт. Витсё! Да нöшта зептын вöли квайтсё. Öти здукөн ме озырми! Öти здукөн пöшти тöлысся удждон вои! Окота лои, кытчöдз абу на сёр, усьйысны татысь. Но вöли и яндзим пышйыны сэтшöм кокниа воом сьöмнас; мушкетёръяс сiдзисö оз вöчлыны — мед эськö курыштны да и пышйыны... Ладнö, мися, пукышта на, шуда местаö тай веськавсьöма, абу, буракö, увъяс выlö. Воöма вылас кöть ворсышта...

Ме пондi ворсны смедджыка, унджыкөн коравны сконсьыс. Менам ыптъялис сьöлöмöй, ыззьöм вежөрöй лöсьöдлiс и лöсьöдлiс ворсöмöс сё ногсөн.

Кутшöм пöсь здукъяс вöлины сэки! Кор тэ аслад муса туз выlö сконсьыс коран ставсö, мый сэнi эм. Сэсся тiралысь кияснад нбжйöникөн босьтан выльöн сетöм картисö да пырысьпырсö он на лысьт видлыны, мыйöн козыналис тэнö енмыс. Сетöм картисö первой дзедбан туз мышкад, сэсся вöлись нин нбжйöникөн, пöлялiгтыр, пондан мыччöдны сылысь синсö. И сэнi кö «десятка»,— тэ шудаа серöктан да шлөчкан-восьтан ассьыд картiястö — очко!, а «король» кö,— тэныд окота лоö бöрдны, сы вöсна мый нöшта кö босьтан öти картi, тэнад, кыдзи унджыкысьсö век артмыlö, лоö перебор...

Кык часөн ме ворсси став сьöмöс — и воöмасö, и ассьым. Зептъясöй лоины кушöсь, кыдзи баракса войтырлөн рачъясыс ужнайтöм бöрын.

Унджык сьöмöй менам вуджис Юлий Шварцлөн чукөрö, кодi öнi лои кирпичысь нин кызджыкөн. Менам лөгöй пуис-петiс сы выlö, но мый вöчан! Он кö куж ворснытö, эн пуксы... И код лешакыс тэныд тшöктiс ворснысö!

Баракысь петигөн Юлийыс друг наяна шуис:

— Кöсьян кö, верма бөр сетны, ворссьöматö.

Бытьö и сiдз-тадз шуис, веськодьпырысь. Но менам весиг син водзöй пемдылiс: со öд, мися, пежыд, бара на көсйö нббны менö. Но вочавидзи ме сылы кыдз верми веськодьпырысь жö:

— Мыйла нö... Меным оз ков. Ворссьöма кö, сiдзкö, абу нин менам.

Меным вöли шог и зывöк. Ачим аслым ме кажитчи медлөк да медпеж мортнас. Öд тайö сьöм вылас, гашкö, и позис кутшöмкö матерйö судзöдны вокъяслы донаджык донысь. Либö мöдöдны налы, да коддыськö йöv ли мый ли кöть нббисны! А ме койышти понлы вомас.

Сэсся мый выlö ме öнi понда сёйнысö? Коддыськö ковмас

удждысьны али мый? А мый шуасны йöзыс, кывсяс да? Со пö, картіасö, а сэсся, петöма да удждысьö. Ыстісны жö пö миянлы мастерöс!

А Шура Рубакин мый шуас? Бур мортöс моз меліаліс-сибöдіс ас дінас, а ме мый вöча? Вермас на и директор кивлыны... Ок-ма!.. Не пуксьыны эськö пызан саяс, и ставыс бур вöлі... Мыйся нö морт ме!..

А Дина? — нöшта ёнджыка повзи ме.— Со пö тай тэ кутшöм вöлöмьд: тöндзи усьтöдзыд юин, а öні сы мында сьöм ворссьö-мьд. Ёна и колö сылы татшöмьд.

Аски асывнас ме эг и ветлы столövöйö — куш зепнад он мун. Пузьöді чай да сола няньöн юи пöсь васö (нельсё грамм сакарыд тöлысь кежлад меным оз жö тырмыв).

Сэсся, мед асывсянь не паныдасьны начальниккöд, водза-водз котöрті вөрö.

Медводз вои Казимир Бордзиловский дорö — мися, гоз-мöд пу пөрöда мортыслы да чер-пилаöн уджалігас ог-ö бара паля-лышт сьöлöмöс йирысь думъясысь. Казимир немтор эз юась, сöмын ышловзыйö. Буракö, кор сылы усьлö тöд вылас менам тöрытъя ворсöмöй.

«Гашкö, сылысь удждывны сьöмсö?— друг мövпышті пилит-чигмоз.— Мездылас, гашкö... Ачым öд сылы не этша жö нин бурсö кері...».

Но меным абу лöсьыд юавнысö: думыштас нöшта, мый ме денга вылö тадзи отсася сылы. А ачыс сійö оз вöзйы. Вöзйис кö, ме эськö öдвакö пыксьыны понді! Менам весиг лөг пондыліс петны: мый нö, мися, чöv олан, эн öмöй аддзыв, кыдзи тöрыт менö, сямöдöс моз, кулисны, чериöс моз сьöмйисны. А, гашкö, Казимирыс чайтö, мый менам, вольпась улын, мешöкын, миллион куйлö? Ладнö, мед думайтö!..

Оз, талун, буракö, некутшöм удж оз вермы мездыны менö курыд думъясысь!

Паськыд тошка Тэрыб Öльöш мичаа сотöма став увсö, пасе-каас гумла вылын моз сöстöм лоöма, керъяссö быглялöма-чукöр-тöма, шöрас паськыд юков вöчöма — мед бура позис пырны вöла доддьöн. Босьтчас кö, кужö старикид уджавнытö!

— Верман талун жö пыртны вövъястö, Педөр,— паськыд тошсö малалігтыр бурөн шуис Тэрыб Öльöш, быттö абу и скөрмылöма ме вылö. Вунöдöма нин зыксьöмнымöс, али Дина тшöтш мыйкö шуис сылы?

— Лöсьыда и вöчöмьд,— сьöлөмсянь ошкышті ме.— Мукöдъясыд тадзи оз зоръявны-чукöртны керъястö; кытчö ляскыяс пуыс, сэні и куйлö.

— Сы вöсна мый оз думайтны вövъяс йылысь!— скөрмыштіс старик.— Этайö чер пу судтаыс коньöр ямщикъяс йылысь ни...— Некумынысь тэрыба кызöктыштіс да содтіс: — Да öд сэсся, Педөр, пөрöдчысыс тай коньöр кодьöсь жö. Менам аслам эбöсöй дзикöдз бырöма, öдва кокöс перъя лым пытшсьыс, быд увйö крукася. Копыртча да, синъясын виж гöгыльяс лэбалöны. Пöрысьма ли мый ли...

Орчча пасекаын пөрöдчисны кык нывбаба — Фрося да Аме-лия; кыкнанныс ар комын гөгöраöсь, кызіникöсь, он шу найöс тшыгöма олысьясöн, картупель да көза йöv кыкнанныслөн вöлі.

Фрося да Амелия пöшти век тыртисны норманьсö. Но менö кызкö эджык кыскы на дінö; примита вöрнысö и бөр муна. Гашкö, сёрнитöмджыкöсь вöлісны, да сы понда?

Кызкö öтчыд Фросяыс весиг шуис меным шмонитöмсорөн:

— Федя мукöдыслы век отсасьö, а миянлы небось öти пу оз пöрöд.

Ме сэки немтор эг шу, но дöзмыштикöдь: мися, ме эг на ме-дасьлы тиянлы отсасьысь вылас! Дай некодлы эг медасьлы...

Но век жö, мукöд динас меным нимкодъ вöлі сönъясöс песыштны. Шуам, Марина Кириковаяс диньн. Гашкö, окота вöлі татшöм ногөн кажитчыштны мича да шань нывбабалы? Ошйысьыштны сы водзын мужичöй удаллунөн? А, гашкö, и окота вöлі кывзыны сылысь гажа да лэчыд сёрнияссö... Сералыштны öтлаын... Код төдас... Дас квайт арöснад тай он на ёна төд, мый тэныд колö...

Кор ме примити нин медбөръя керъяс, Фрося йöжгылясьыштіс ме диньн, сэсся мыччис мыйкö меным да вежсьöм гөлöсөн шуис:

— Федя, тайö тэныд...

Ме, немтор думайттöг на, босьті, видзöдлі, и пырысь-пыр жö емөн моз чунгис морöсö.

Менам кийн вöлі кык гөрд комына. Ирис кампет ыджаöдз куснялöмаось да лапыдыттöдзыс нин пöжсьöмаось Фросялөн кабырын.

— Меным оз ков, мый тэ!..— ме дзикöдз шöйöвоши, сулала киöс нюжöдöмөн, ог лысьт матыстны, быттö сэтчö взрывчатка друг веськаліс.

— Босьт, босьт, Федя!— бурөн вöзйö Фрося, а ачыс ылыстчыштö.— Миян некытчö жö воштыны деньгасö, а тэнö пö ускöттö суöма. Босьт, босьт...

Ме падмöмөн сулала, лолöй арся лун моз дзикöдз гудыртчис. Окота горöдны: оз ков меным тиян деньгаыд! А мортис кö бурьсь вöзйö, жаляддза кö мездыны кöсий менö? Гашкö, весиг и төдö нин, мый асывнас ме эг ветлы столöвöйö... А мездыны кö кöсий, мыйла сэтшöма нямралöма, мыйла сідзи кыйкъялö, быттö полö кодыськö?.. А, гашкö, сійö первойысь на тадзи бурторсö вöчö, оз на куж?.. А, гашкö, первойысь на взятка сетö?

Дöбелькиöдз ме дзугси, ог төд, мый вöчны...

Сэсся и шуи, синмöс дзебöмөн:

— Босьтла, инö, удждонöдз... Аттьö...

— Петлö — «удждонöдз»,— дзикöдз збоймис Фрося.— Ыджыд тай деньга — кык комынаыд! Дзикöдз вылö босьт...

Сэсся ме лунтыр новлöдлі зептын тайö взрывчаткасö! И лунтырнад сійö ветöкöдз бонзьöдіс менсьым сідз нин шöйöвошöм лолöс. Мыйсö сöмын ме эг думайт!

И кымын водзö вийси-песси, сымын ёнджыка пондіс чайтсьыны, мый эз бур сёлöмөн найö тадзисö вöчны. А сетисны сэтшöм думөн, мед тайөн «мавыштны» менö?.. Öд мастераыд, кöсьяс кö, унатор вермас вöчны. Шуам, бурджык вөрö сувтöдны пöрöдчыны. Либö гырысь вөр посныдджыкөн шуны — сэки нормаыд төдчымөн чинö; козья вöрын ёна чинö и...

Сідзкö нö та понда и сетисны меным? И асьныс чайтöны, мый ме буретш татшöм ногөн и босьті налысь комынаяссö? Взятка пыдди? И öнісянь пондасны виччысьны, мый ме вöча налы кутшöмкö «буртор»?

Сэсся ме пытшкын кодкө быттё шуё: «Аддзёма тай мый вёсна вийсыны! Кык комына вылад карса базар вылын весиг тупёсь нянь оз шед... Мукёдыс пё тай нё ыж тушаяс тадзи босьтёны и то нинём!»

Но од көть мыйта — всё равно взятка! Всё равно ме киёс пежосьті! Кыдзи нё өні ме бур йёз вылас понда видзёдны?.. И мый эськё батё шуис меным таысь? Сійё тай, войнаыс лои да, муніс сэтчё и усис. Эз калымась, эз дзебсясь пуляысь... И мамё эз веглясь, калым вылё эз жё корсь аслыс кокныдджыкин. Висис, а век уджаліс, кувтёдыс уджаліс...

Висьталі нин тай, абу кокни кыскавны зептад взрывчаткё.

Пажын бёрын ме бөр муні гортё да, гөрдөдліг и едждөдлігтыр, висьталі начальниклы аслам картіасьём йылысь. Сэсся кори удждывны мыйтакё съём.

— Бур, мый ме дінё воин,— шуис Шура. Перйис зепсьыс сё шайт, сетіс меным.— На, пёлучкаөдыд кызкё-мыйкё олан. Унджыксё ог вермы, аслам семья. А накөд, грекөвөйтисьяскөд, тэ, Федя, эн ворс сэсся, быдторйыс вермас лоны. Ёна нин кө окота лоё ворснытё, висьтав меным. Ми тэкөд печикысь ворсам, видзөдлам, кодлөн кымёсным ёнджык.


Рытнас ме куснялём кык комынасё, кодъяс лунтыртё менам зептын олігөн нёшта нин топалісны-лапыдмисны, бөр сеті Фросялы. Мися, аслам съёмыс лои: леспромхозса өти ёрт уджйёза вөлі да, талун пыртіс.

Фрося ме моз жё эз төд, кытчё воштыны синъястё.

Водзё лоё на.



Выль небöг



ББК 84(2Рос.Ком)
К93

Куратова Н.Н. Куим небöгö
öтувтöм гижöд чукöр. 3 том:
Повесьтьяс, висетьяс, казъты-
лöмтьяс.— Сыктывкар: ООО
«Анбур», 2017.— 592 л.б.

Öтувтöм гижöдъяся коймöд
небöгö пырисны Н.Н.Куратова-
лөн воддза воясö гижöм по-
весьтьяс, висетьяс да казъты-
лöмтьяс.



ПЫДДИ ПУКТАНА АВТОРЪЯС!

Редакцияö гижöдъяснытö ыстигöн быть колö юöртны:

1. Ассъыныд ним, вич, ов; кор да көні чужлöмныд (лун, тöлысь, во).
2. Паспорт юöръяс: номер, серия, кор да көні сетісны, гортса адрес (прописка серти).
3. Индивидуальной налогöвöй номер — ИНН (кодлөн эм).
4. Страховöй свидетельство номер.
5. Банкын сёт реквизитъяс.

Тайöс юöрттöг редакция гонорар оз вешты.

*Журналын йöзöдтöм гижöдъяс
редакция оз рецензируют и авторыслы найöс оз мöдöд.
Редакция оз век во öти кывйö авторъяскöд.*

Компьютерный набор — **Н.Кузнецова.**

Учредители: Администрация Главы Республики Коми,
«Союз писателей Республики Коми» — региональное отделение общероссийской
общественной организации «Союз писателей России».


Издатель: АУ РК «Издательский дом Коми». Директор Плетцер Е.В.
Адрес издателя: 167982, ГСП-2, г. Сыктывкар, ул. Карла Маркса, д. 229, Дом печати.

Адрес редакции: 167982, ГСП-2, г. Сыктывкар, ул. Карла Маркса, д. 229, Дом печати.
Телефоны редакции: 24-47-52 (гл. редактор), 24-51-52 (общ. отд./факс), 24-46-36 (бухгалтерия).

E-mail: kodzuv@mail.ru; Сайт: www.komimu.com

Подписано к печати 17.09.2018. Дата выхода в свет 28.09.2018. Формат 70х108^{1/16}. Печать офсетная.
Усл. печ. л. 7; усл. кр.-отт. 8,4; учётно-изд. л. 7,54. Тираж 429. Заказ № 18-7344. Регистр. ПИ №
ТУ11 - 00347 от 24.03.2017 г. выдано Управлением Федеральной службы по надзору в сфере связи,
информационных технологий и массовых коммуникаций по Республике Коми. Публикация
материалов на социально значимые темы осуществляется за счет субсидии, предоставленной
Администрацией Главы Республики Коми из республиканского бюджета Республики Коми.
Отпечатано в ООО «Коми республиканская типография», 167610, г. Сыктывкар, ул. В.Савина, д. 81.
Цена свободная.

Выль небӧг



ББК 84 (2=664.2)

Н 27

Напалков В.Е. Йӧг каллян: Роман, повесьтьяс, кывбурьяс.— Сыктывкар: ООО «Анбур», 2018.— 416 л.б.

«Йӧг каллян» — коми литератураын медводдза документально-художественнӧй роман, кӧні медшӧр геройыс (медводдзаыс коми литератураын) — журналист, гижысь.

Виктор Напалковлӧн гижӧдъясын геройясыс абу уль сёйысь шамралӧм литературнӧй скульптураяс, а ловъя йӧз, кодъяс олӧны миян пӧвстын, кодъяс радейтӧны и вежӧгтӧны, шогалӧны и нимкодясӧны. Кыззи и Коми Республикаын, гижысьлӧн повесьтьясын да романъясын олӧны уна национальность йӧз.

